


國學基本叢書

逸周書集訓校釋

上海图书馆藏书



A541 212 0006 1662B

逸周書集訓校釋目錄

卷一

度訓弟一

命訓弟二


常訓弟三

文酌弟四

繹匡弟五

卷二

武稱弟六



允文弟七

大武弟八

大明武弟九

小明武弟十

大匡弟十一

程典弟十二

程寤弟十三

亡

秦陰弟十四

亡

九政弟十五

亡

九開弟十六 亡

劉法弟十七 亡

文開弟十八 亡

保開弟十九 亡

八繁弟二十 亡

卷三

豐保弟二十一

大開弟二十二

小開弟二十三

文倣弟二十四

文傳弟二十五

柔武弟二十六

大開武弟二十七

小開武弟二十八

寶典弟二十九

豐謀弟三十

寤倣弟三十一

武順弟三十二

武穆弟三十三

和寤弟三十四

武寤弟三十五

克殷弟三十六

世俘弟三十七 舊弟四十  
今移此

大匡弟三十八 舊弟三  
十七

文政弟三十九 舊弟三  
十八

大聚弟四十 舊弟三  
十九

箕子弟四十一 七

考德弟四十二 七

卷五

商誓弟四十三

度邑弟四十四

武倣弟四十五

五權弟四十六

成開弟四十七

作雒弟四十八



皇門弟四十九

大戒弟五十

卷六

周月弟五十一

時訓弟五十二

月令弟五十三

七

諡法弟五十四

明堂弟五十五

嘗麥弟五十六

本典弟五十七

卷七

官人弟五十八

王會弟五十九

卷八

祭公弟六十

史記弟六十一

職方弟六十二

卷九

芮良夫弟六十三

太子晉弟六十四

王佩弟六十五

般祝弟六十六

周祝弟六十七

卷十

武紀弟六十八

銓法弟六十九

器服弟七十

周書序

附錄

周書逸文

朱右曾曰。周書僭逸。昉說文繫之汲冢。自隨書經籍志。隨志之失。先儒辨之。不逸而逸。無以別於逸尙書。故宜復漢志之舊題也。其書存者五十九篇。并序爲六十篇。較漢志篇數。亡其十有一焉。注之者晉五經博士孔暹。每篇題云某某解第幾。此暹所目也。舊但云某某第幾。蔡邕明堂月令論曰。周書七十一篇。而月令第五十三。可證也。唐初孔氏注本。亡其二十五篇。師古據之以注漢志。故云今其存者四十五篇。師古之後。又亡其三。故今孔注祇有四十二篇也。然晉唐之世。書有二本。孔氏解克殷荷素質之旗於王前云。一作以前於王。解大武三擯厥親云。擯一作損。李善注文選邱中云。周書邱一作苑。劉知幾史通云。周

書七十一章。上自文武。下終靈景。不言有所闕佚。與師古說殊。唐書藝文志汲冢周書十卷。孔暉注周書八卷。二本並列。尤明徵也。其合四十二篇之注于七十一篇之本。而亡其十一篇者。未知何代。要在唐以後矣。嗟乎。自周至今。殆三千載。苟獲碎金殘石于瓦礫之中。尙寶之如拱璧。山海經之謬悠。穆王游行之荒唐。僞紀年之杜撰。尙有孳覃綴緝之者。況上翼六經。下籠諸子。宏深質古。若是書者乎。漢志。儒家有周政六篇。周法九篇。道家有周訓十四篇。皆不傳。傳者唯此。儒者顧不甚愛惜。任其脫爛。或又從而舐排之。甚矣其專己而蔑古也。愚觀此書。雖未必果出文武周召之手。要亦非戰國秦漢人所能僞託。何者。莊生有言。聖人之法。以參爲驗。以稽爲決。一二是也。周室之初。箕子陳疇。周官分職。皆以數紀。大致與此書相似。其證一也。克殷篇所敘。非親見者不能。商誓度邑。皇門。芮良夫諸篇。大似今文尙書。非僞古文所能彷彿。其證二也。僞引是書者。苟息。引武稱美女破舌。美男破老。狼臆。引大匡勇則書上。不登于明堂。見左氏文二年傳。魏絳。引程典居安思危。見左氏襄十一年。

傳。皆在孔子前。其證三也。夫鄠保爲保國之謀。武稱著用兵之難。常訓之言性。文酌文傳之言政。俱不悖於孔孟。而說者或謂爲陰謀。或譏其僨戾。嗚呼。豈知是書者哉。抑又考之。春秋傳曰。辛有之二子董之晉。於是乎有董史。辛有當周平王時。周史辛甲之裔。世職載筆。或其子適晉。以周之典籍往。未可知也。觀太子晉篇末云。師曠歸。未及三年。告死者至。亦似晉史之辭。六國以後。書始廣播。墨翟、蘇秦、蔡澤、呂不韋、韓非、蒙恬、蕭何之倫。蘇秦引和寤絲絲不絕四句。韓非引寤敵無虎傳翼四句。餘詳逸文。以及伏生、大小戴、太史公時。時節取此書。意其時學者誦習亞于六藝。故劉歆班固列之六藝書九家中。未嘗以孔子刪定之餘。夷之諸子雜家之例。姜士昌曰。邱明以博物君子。臣素王以垂不朽。誦法素王者。不能舍左氏。故諸家訓詁。犂然甚具。周書辭特深奧。流俗畏難好易。不復孳覈。愚嘗味乎其言。覃思久之。夫孔注疏略。且多譌闕。餘姚盧文弨集諸家校訂。閒有所釋。但恨其未備。嗣又得高郵王氏念孫海寧洪氏頤煊之書。校定正文。及其義訓。乃不揣鄙陋。集諸家之說。

仍是刪違。申以己意。一攷定正文。如文酌樹惠不憚。憚譌爲瘵。糴匡企不滿。整企當爲金之類。一正其訓。詁如大匡展盡不伊。孔注曰伊惟也。本儀禮士冠禮注。今譌爲推。武稱遂其咎之遂。當本說文訓亡。大匡無播蔬之播。當本楚辭注訓棄之類。一詳其名物。如王會之臺。卽司儀之壇。矛爲刺兵。非句兵之戟。作雒。畫旅卽旅樹。器服一篇皆明器之類。凡所訓解。悉本前儒。而以校訂音釋附焉。爰名之曰集訓校釋。屬藁於道光丁酉。又經陽湖同年丁侍讀嘉葆。太倉陸孝廉麟書。同里葛廣文其仁。商榷輒復。隨手更定。蓋再易藁矣。今夏案牘餘閒。念心力之頗耗。感良朋之匡正。付之梓人。譬左氏傳亦欲待服杜諸儒出而論定云。時道光二十有六年丙午夏六月既望。職於新安郡齋。

# 逸周書集訓校釋一

嘉定朱右曾亮甫著

## 度訓弟一

天生民而制其度。度小大以正。權輕重以極。明本末以立中。立中以補損。補損以知足。

度、法極中也。聖人制法度。審義理之中。正以示

民補不足。損有餘。皆以中爲制。故知足也。

爵以明等極。

丁宗洛曰。闕處當是辨字。孔晁曰。貴賤之等尊卑之中也。

極以正民。正中外以成命。正上下以順政。

立中所以生正宣之

于令曰。命率之以事曰政。

政以內□□□自邇。邇與自遠。遠邇備極終也。□□微補在□□分微在明。明王是以敬微而順。

分分次以知和。知和以知樂。知樂以知哀。知哀以知慧。內外以知人。

微者事之幾。分者理之秩。循乎分之次第。則心安。安則樂樂之反。則哀。慧癒也。所以去其所惡。

也。內外以知人者。以己度人。哀樂之情同也。知哀以知慧。周文炳本作哀樂以知慧。慧癒也。廣雅釋詁文。

凡民生而有好有惡。小得其所好則喜。大得其所好則樂。小遭

其所惡則憂。大遭其所惡則哀。

孔曰。言其性之自然。

凡民之所好惡。生物是好。死物是惡。民至有好而不讓。不從其所



好必犯法無以事上。民至有惡而不讓，不去其所惡，必犯法無以事上。春秋傳曰：生好物也，死惡物也，語與此同。孔曰：不讓則爭，爭則必犯法矣。徧行

于此，尚有頑民，而況曰不去其所惡而從其所好，民能居乎？若不□力，何以求之？孔曰：徧謂兼行好惡也。能居乎言不能居也。力爭

則力政，力政則無讓，無讓則無禮，無禮雖得所好，民樂乎？若不樂，乃所惡也。疏讀爲征，取也。言風俗之敗，知利蔑禮，故貪得無厭，雖獲所求，亦必不樂。

不樂則與不獲所求無異矣。洪頤煊曰：周禮均人掌均地政，閭胥役政喪紀之數，鄭杜俱讀政爲征。史記天官書天子微諸侯力政，徐廣曰政一作征。凡民不忍好惡，不能分次，不次則奪，奪則戰。

戰則何以養老幼，何以救痛疾死喪，何以胥役也。忍，堅忍也，能猶安也。不安其分，必至爭戰。治化之敝，親且不顧，而況于上，此所以令之不行，刑之不止也。能猶安，易屯卦釋文。明

王是以極等以斷好惡，教民次分，揚舉力竟，任壯養老，長幼有報，民是以胥役也。明等極，制法度而教以禮也。竟讀爲競，盧文昭曰：盛也。強

也，優爲下三事，則揚舉之也。孔曰：壯者任之，老者養之，幼者長之，使相報，此謂力竟也。愚謂任猶傳也，以其任任之也。竟，渠映反。周禮鐘師注：繁遏執儉也。秦詛楚文：徂邊競，謂邊竟也。古字聲同皆假借。夫力竟非衆不尅，衆非

和不聚，和非中不立，中非禮不慎，禮非樂不履，明王是以無樂非人，無哀非人，人是以衆。和以懷衆，中以導和，禮以立中，樂以

行禮。王者樂以天下，憂以天下，則所樂所哀，無非人也。不聚，故書作不衆。洪頤煊曰：以上下文例之，衆當作聚，言衆非和則不能聚也。今從之。人衆賞多，罰少，政之美也。罰多賞少，政之惡也。

禮教行力竟者衆，則賞多，故爲政之美不行，則罰多，故云政之惡。罰多則困，賞少則乏，乏困無醜，教乃不至。

賞罰所以明醜，彌教不當，則無以勸懲，困謂重足而立，乏竭醜類也。賞少，故書作賞多，依王

念孫說訂正。莊子釋文云：廢也。言賞少，則人不勸也。

是故明王明醜，以長子孫，子孫習服，鳥獸仁德，土宜天時，百物行治。

孔曰：歸其仁德，土之

其物，丁曰：言循其物自然之性。明王，故書作民主。趙曦明云：當爲明主。案春秋傳，大夫稱主，周禮主以利得民，康成云：主謂公卿大夫也。上文有明王，今訂正。

治之初，廢初哉。

盧云：廢字無考，趙疑卽下文厲字之訛。丁云之初二字衍文。

治

化則順，是故無順非厲，長幼成而養生曰順極。

孔曰：明醜以使之所以成順者也，使小人人皆成其事上之心，而生其義順之至也。厲讀爲勵，義字舊脫，王念孫據孔注增，今從之。

## 命訓第二

天生民而成大命，命司德正之以禍福。

丁曰：命兼理數言禍福數也。福由德義，禍由于不德不義。理也。孔曰：司主也，以德爲主，有德正以福，無德正以禍。

立明王以順之。

孔曰：順天

作政

曰大命有常，小命日成，成則敬，有常則廣，廣以敬命，則度至于極。

有常，言否泰循環，天定勝人也。日成，言惠吉逆凶，由于積累，人定勝天也。廣大也，知其有常，故

不敢以小善責報于天，知其日成，故不敢懈其修省，如是則法度至於中正也。

夫司德司義而賜之福祿，福祿在人，能無懲乎？若懲而悔過，則度至于極。

得於己曰德，處物曰義，懲艾也。謝墉曰：悔過卽以召福，懲其不德不義，卽福祿在人矣。

夫或司不義而降之禍，在人能無懲乎？若懲而悔過，則度至于極。

丁曰：勸懲

一理故。夫民生而醜不明，無以明之，能無醜乎？若有醜而競行不醜，則度至于極。盧曰：無以明之，民不能自明也。在上者能無醜乎？謂旌別淑慝。

也。舉直錯枉，能使枉者直，斯所謂競行不醜也。下文無以穀之，無以畏之，皆謂民能無勸乎，能無恐乎，皆謂君

孔曰：穀，善也。夫民生而惡死，無以畏之，能無恐乎？若恐而承教，則度至于極。刑以威之，所以弼教。六極既通，六閒具塞。孔曰：六中之道通，則六閒塞矣。丁曰：閒，不正也。不正則不中。

曰：閒，不正也。不正則不中。通道通天以正人，正人莫如有極。道天莫如無極。道天有極則不威，不威則不昭。

正人無極則不信，不信則不行。道生天，天生人，其本一也。然天道微妙而難明，人道昭顯而罔外，故民可使由，不可使知，盡性至命，必俟其人，禮樂刑政，亘古不易也。明王昭天，信人以度

功，地以利之，使信人畏天，則度至于極。丁曰：地以所處之位言，有其位，則必有其所當為者。夫天道三，人道三，天有命，有禍，有福，人有醜。

有紼統，有斧鉞，以人之醜，當天之命，以紼統當天之福，以斧鉞當天之禍。六方三述，其極一也。不知則不

行。盧曰：紼統與黻冕同，述與術同。孔曰：一者善之謂也，不行善，不知故也。白虎通云：紼者，行以蔽前者爾，因以別尊卑，彰有德也。天子朱紼，諸侯赤紼，字本作市，又作敝，通作黻，帝統者冕之或體，荀子乘軒戴統，管子衣服釋統，字正作統。隋登曰：斧大斧曰鉞，儀禮士喪

禮不述命注云：古文述皆作術，又毛詩報我不述。韓詩作術，是述與術同也。行舊作存，據孔注訂正。極命則民慍，民慍則曠命，曠命以誠其上，則殆於亂。此下六極，皆謂窮極之以諭民命者。

吉凶之主。民以爲有命在天。則怠于爲善。曠空也。言不敬命而有覬覦之心也。誠警備也。言有過心也。殆近也。賢讀爲備。徒果反。一切經音義。古文戒作誠。方言備也。極福則民祿。民祿則干善。干善則不行。

祿。貪祿。干如干祿之干。空也。極禍則民鬼。民鬼則淫祭。淫祭則罷家。鬼信鬼也。孔曰。罷弊其財。莫無禍也。罷讀曰疲。極醜則民叛。民叛則

傷人。傷人則不義。揚清激濁。固君子之事。然絕之已甚。必將激而爲非。以中傷善類。極賞則民賈其上。賈其上則民無讓。無讓則不順。賈上謂如賈者之居奇。挾

功。邀賞。無遜讓之心。賈音古。極罰則民多詐。多詐則不忠。不忠則無報。忠實也。詭以倖免而無恥。是上以誠求下以僞應而無報也。凡此六者。政之殆也。殆危也。

明王是故昭命以命之曰。大命世。小命身。有常者在世。日成者在身。則民不敢墮行而曠命矣。孔晁曰。違天命則世受罰。犯小命則罰身。案大戴禮本命云。逆天地者罪及五世。誣文武者罪及四世。逆人

倫者。罪及三世。誣鬼神者。罪及二世。殺人者。罪止其身。盧辯注。即引此書。與孔晁說合。然孟子言文王治岐。罪人不孥。大戴之言。非盛王法。且上文以命福禍醜賞罰爲六方。此處言命不應兼言刑罰也。福莫大於行義。禍莫大於

淫祭。醜莫大於傷人。賞莫大於信義。讓莫大於賈上。罰莫大於貪詐。古之明王。奉此六者。以牧萬民。民用

而不失。行義則非干善。信義則非賈上。讓莫大於賈上六字。衍文也。陸麟書說。撫之以惠。和之以均。斂之以哀。娛之以樂。慎之以禮。教之以藝。震之

以政。動之以事。勸之以賞。畏之以罰。臨之以忠。行之以權。惠所及必均。哀則情慙斂。藝。工技也。震亦動也。政。政令事。浚。築師旅之事。通變之謂權。權不法。忠不

忠。罰不服。賞不從。勞事不震。政不成。藝不淫。禮有時。樂不滿。哀不至。均不壹。惠不不忍人。凡此物。權之屬也。

常法非權。小惠非忠。服執持也。適輕適重不可執一也。從讀爲縱。猶失也。震震矜成盛也。猶言鋪張揚厲也。淫淫巧也。禮從宜。故以時也。大不忍人。姑息爲愛。婦人之仁也。物事也。成盛也。釋名文易繫辭成象。蜀才作盛象。惠不不忍人。舊脫一不字。依陸麟書說增權。

之屬。故書作撰。今從了本。

惠而不忍人。人不勝害。害不如死。孔曰。害則死。生而猶不如死。

均一則不和。哀至則匱。樂滿則荒。禮無時則不

貴。藝淫則害于才。政成則不長。事震則寡功。

極哀則神乏。極樂則志荒。才與材同。不長言治功淺近。震衆則功必寡矣。

以賞從勞。勞而不至。以法從中

則賞。賞不必中。以權從法。則行。行不必以知權。

此節有脫誤。當闕疑。

權以知微。微以知始。始以知終。

通乎權者必察乎幾。幾者物之始。原始要終而

後有以善其權。則六方三述無窮極之害。而有從欲之治。

### 常訓弟三

天有常性。人有常順。順在可變。性在不改。不改可因。

常性。五常之性。常順。惻隱羞惡辭讓是非之心。順其性以發者也。然人不能無欲。故可變性。原于天。故不改。因。謂因之以立教。

因

在好惡。好惡生變。變習生常。常則生醜。醜命生德。明王於是立政以正之。

好惡。情也。好善惡惡。性也。非情無以識性。故因在好惡。性無不善。情兼善惡。故

生變變於所習則以變爲常而善惡之類判然矣因其醜而命之使人棄惡遷善而生德

血始

有習有常原其始也以習爲常要其後也孔曰習常爲常如性自然故若生于中也愚謂血陰氣陽合而成氣質氣質之性非性而害性故慎習必自血氣始故書若生于中下衍習常爲常四字陸麟書曰是孔氏注語混入正文又末二句作習民乃常爲

自血氣始茲據盧氏大戴記注所引訂正

明王自血氣耳目之習以明之醜醜明乃樂義樂義乃至上上賢而不窮哀樂不淫民

知其至而至于子孫民乃有古古者因民以順民

丁曰明之醜示人以好惡之則也愚謂至上者達于上也樂義則氣質清明不域于污下矣上賢不窮謂相尙以賢互相勸勉也哀樂不淫則

好惡不淫可知矣至極也父教子子教孫風俗醇懋比于古初古謂虞夏之時因民順民猶言以人治人

夫民羣居而無選爲政以始之始之以古終之以古行古志今

政之至也

選擇也善也始之以古明醜以慎其習終之以古樹經遠之規考諸三王而不謬也行古志今者時異勢殊不可執一也

政維今法維古頑貪以疑疑意以兩平兩以參

參伍以權權數以多多難以允允德以慎慎微以始而敬終終乃不困

孔曰重明終始之義愚謂治今以古頑貪不便故疑兩好惡也參好惡之則也參伍之數

度之以權斯宜于今而不悖于古丁曰允信也條例之數太多則難以上下相信矣終字故書不重據左傳及中論所引補

困在空誘在王民乃苟苟乃不明哀樂不時四微不顯

六極不服八政不順九德有姦九姦不遷萬物不至

此言以空導民之弊丁曰空塵也言法令繁多所以致困而上偏以此誘民則民祇苟且免罪矣遷更改也空濶反說文作坊

夫禮非尅不承非樂不竟民是乏生

禮乃四徵八政之經六極九德之本故特言之尅勝承奉樂和竟終也復禮必先勝私用禮貴在知和乏生言失其生之理

□好惡有四徵喜

樂憂哀動之以則發之以文成之以民行之以化

闕處疑是夫字則法則文節文成以民行以化謂以君之喜樂憂哀正天下之好惡也

六極命醜福賞禍罰

六極不羸八政和平

羸讀爲羸過也猶極命極福之極羸過也廣雅釋詁文羸與羸通長羸亦作長羸見爾雅釋文

八政夫妻父子兄弟君臣八政不逆九德純

恪純一恪

九德忠信敬剛柔和固貞順忠無妄信無僞敬不懈剛不撓柔不厲和不戾固不奪貞不邪順不逆

順言曰政順政曰遂遂僞曰姦

宜之言而順則

可以正人矣遂成姦邪也九姦無目蓋九德之僞者皆姦也

姦物在目姦聲在耳耳目有疑疑言有樞樞動有和和意無等

姦物姦聲接耳目而勿之疑溺于慾也審

禮則疑之矣言語詞心者耳目之樞執其樞而後動斯和于理和意無等言自天子至于庶人一也

萬民無法□□在赦□復在古古者明王奉法以明幽幽王奉幽

以廢法奉則一也而績功不同明王是以敬微而順分

此言欲慎民之習必先自慎其習故書一下行人字依王念孫說刪

### 文酌弟四

民生而有欲有惡有樂有哀有德有則則有九聚德有五寶哀有四忍樂有三豐惡有二咎欲有一極

聚保

聚忍容忍豐厚咎罪極正也。孔曰：廣演其義也。

極有七事。咎有三尼。豐有三頻。忍有四教。寶有五大。聚有九酌。

尼止類數也。哀不能而容忍之。又教之也。酌斟酌以行之。

也。孔曰：又數陳也。尼止釋詁文女乙反。

九酌。一取允移人。二宗傑以親。三發滯以振民。四貸官以屬。五人必禮。六往來取比。

七商賈易資。八農人美利。九口寵可動。

移動也。言以誠動人宗尊也。可宗之英傑當親之滯委積也。貸官以屬即官盛任使之意。比親也。邦交聘問相親比也。易資交易其所資美利美其稼穡之利。此與中庸

九經相類。孔曰：言所酌為政之事。移動也。本章昭國語注。貸廣雅云：予也。故警振作正。比作此。俱依趙曦明訂正。

五大。一大智率謀。二大武劍勇。三大功賦事。四大商行賄。五

大農假貸。

孔曰：率謀言為謀之帥。假貸恤貧振施者也。愚謂劍斂也。斂小勇以養大勇也。賦事賦聚以事而考其成。行賄通有無也。率如字。帥所類。反釋名。劍檢也。斂也。孟子狗彘食人食而不知檢。漢書食貨志作不知斂。蓋古文檢劍斂假借通用。

四教。一守之以信。二因親就年。三取戚免桎。四樂生身復。

因依就高也。謂親近高年也。著足曰桎。著手曰梏。取其憂戚而免于桎梏。矜不能也。樂生樂其所生之理者。復除役也。王

制曰：升於學者不征於鄉。

三頻。一頻祿質潰。二陰福靈極。三留身散真。

質實也。潰與費同。孔曰：散失也。丁曰：陰福靈極。言淫祭者歸功鬼神。留身散真。言以身殉之而失其

也。三尼。一除戎咎醜。二申親考疏。三假時權要。

孔曰：咎罪也。考成也。時是也。愚謂除治也。申束也。治兵以攻其同類。約束

自申束。从白自持也。釋名云：申身也。各申束之。使備成也。是申有束義。束縛之也。

七事。一騰咎信志。二援拔瀆謀。三蠱疑沮事。四騰屬威衆。五處寬身降。



六陵塞勝備。七錄兵免戎。

騰勝也。務勝告我者之口而伸其志。剛復自用者也。援讀曰爰。緩也。拔急也。瀆敗亂也。彘讀如莘。衆盛也。沮阻也。多疑寡斷。事必不成。騰屬威衆。謂恃才以求身于下。而威其衆降屈也。求所處之寬而身爲

之屈。言無守也。陵夷塞閉。塞閉。勝備。勝敵之備。錄。如荀子程役而不錄。謂檢束也。弭兵銷鋒之意。非特不講武也。信讀爲伸。援于元反。援爰古通。假爰緩意也。爾雅釋訓文。拔蒲撥反。禮少儀。毋拔來。釋文云。急疾也。瀆與黷通。太元難凍冰。瀆注云。敗也。易蒙彖釋文云。亂

也。彘所臻反。舊作衆。據說文所引改。一極惟事昌道。開蓄伐。

蓄。蓄同。養也。伐。功也。言從事于善道。以開養民之功。伐有三穆。七信。一幹。二御。三安。十二來。

穆。敬也。信。申明

之也。幹。平也。御。駕馭也。來。徠之也。言致功之道。必有此而後可也。信音伸。

三穆。一絕靈破城。二筮奇昌爲。三龜從惟凶。

絕靈。不祀宗廟神祇也。奇如數奇之奇。筮雖遠。必善其所爲。龜雖從。猶思惟其

事之凶危。七信。一仁之慎散。二智之完巧。三勇之精富。四族之寡賄。五商之淺資。六農之少積。七貴之爭寵。

散。慎

言用財必當于義。完巧。完好工巧也。精銳。富盛淺少也。孔曰。七者所宜信明之也。一幹。勝權輿。

權輿。始也。趙云。立勝算於其始。勝如字。謝塘讀如升。云立基能勝之也。語意迂曲。二御。一樹惠不惑。二既用

茲憂。瘵。蕃也。樹。惠于人而不審其邪正。既用。猶言竭忠盡歡。茲。滋同。瘵。瘵計反。方言。三安。一定居安帑。二貢貴得布。三刑

罪布財。帑。妻子也。餘未詳。或云。貢。地貢。布。帛布。布財。卽束矢鈞金也。十二來。一弓。二矢。歸射。三輪。四輿。歸御。五鮑。六魚。歸蓄。七陶。八冶。歸竈。

九柯。十匠。歸林。十一竹。十二莖。歸時。

考工記。弓人爲弓。矢人爲矢。輪人爲輪。蓋。輿人爲車。輿。鮑人主治皮。魚。可爲膠。陶人爲瓦

器。治氏爲戈戟。柯。車人也。車人之事。以柯爲度。故曰柯。匠人爲宮室。城郭。溝洫。林。當作材。

竹簾所以爲籬筥簞之屬。時謂取之以時。十二來皆來自工之政也。鮑字本作鞣。柔皮之工也。盧文弨讀鮑魚之鮑。

三穆。七信。一幹。二御。三安。十二來。伐道咸布物無不落。

物取配。維有永究。急哉。急哉。後失時。

孔曰：漆始也。醜類也。究終也。愚謂致功之道。咸布于國。則物無不懷。新惟當審則宜類。永終是圖。不可後而失時也。永究。虛作宜究。茲從舊本。

### 糴匡第五

成年穀足。賓祭以盛。

成熱也。孔曰：賓客宗廟足而不奢也。故書年祭字俱重。茲依盧文弨說訂。盛如字。

大駟鍾絕。

駟讀爲訓。絕當爲絃字訛也。舉金絲則八音備可知。駟古訓字也。史記五帝紀能明馴德。孝文帝紀教

馴其民。周官土訓。先鄭司農讀爲馴。是其證也。

服美義淫。孔曰：淫。過也。謝曰：凡義所當爲者皆可過盛。

阜畜約制。

孔曰：阜。廐別名。丁曰：周官校人。三乘爲阜。三阜爲繫。六繫爲廐。六廐成校。愚謂約飾也。美也。言得美其所制之器械。約制。孔

曰：不常秣。準之下文則是制器械也。呂覽旄象之約。高誘曰：飾也。一云美也。

餘子務藝。

餘子。餘夫也。藝。謂六藝。春秋傳曰：又宜其餘子。謂卿大夫之子也。然民之子弟亦曰：餘子。管子問篇。餘子父母存不養而出。離者。幾何人。餘子之勝甲兵有行伍者。禮

何人。莊子秋水篇注。未應丁夫者爲餘子。是也。漢書食貨志曰：餘子亦在于序室。即務藝之遺意。

宮室城廓脩爲備。廓。郭

同。供有嘉菜。於是日滿。

嘉菜。五齋七菹之類。滿。備物也。

年儉穀不

足。儉。歉也。一穀不升。謂之歉。不足。人不足。四鄰也。

賓祭以中盛。樂惟鍾鼓不服美。

孔曰：有黍稷。無稻粱。有祭服。無文飾。盛音成。

三牧五庫補攝。

盧曰：三牧。謂戎馬田馬。馮馬三物之牧也。月令

季春。令百工審五庫之量。金。鐵一也。皮革筋一也。角齒一也。羽箭幹一也。脂膠丹漆一也。孔曰：職事相兼。不物設也。

凡美不脩。餘子務穡。於是糴秩。

穡。稼穡。糴。督也。秩。次也。糴其分。次。母或踰也。

年饑。二穀不升

謂之則勤而不賓舉祭以薄孔曰用下牲愚樂無鍾鼓凡美禁畜不阜羣散其羣不使蕃息畜車不雕攻盧曰攻善也謂

工綴也兵備不利弓矢甲楛之屬備則不造民利不淫伏臘聚會勿使過費征當商旅以救窮乏平時所征闕市之賦至此發之以賑窮乏非以年饑而征商旅也窮鯁寡孤獨也乏困也問隨

鄉不鬻熟問審其災之輕重與其利害鬻熟若今酒館謝云啓吝情故禁之分助有匡以綏無者於是救困分助勸分也匡救綏安也大荒四穀不升曰荒五穀不升曰大荒有禱

無祭禱祈也穀梁傳曰大禱之禮鬼神禱而不祀國不稱樂稱舉也周官大司徒荒政有善樂謂藩藏其樂而不用也企不滿壑刑罰不脩企蓋企之訛古文法字壑坑坎喻犴獄言出輕罪用薄刑不脩謂不造刑

具大司徒荒政所謂綏刑也舍用振穹舍讀爲施舍不倦之舍穹窮也舍式夜反施也穹窮說文文君親巡方卿參告糴君自問于鄉卿有三故謂卿爲參周官立其參餘子倅運孔曰倅副也愚謂運

所糴之穀使餘子副之開廩同食廩倉也同食上下無異饑廩奮闕依虛文昭說補民不藏糧曰有匡禁居奇者急匡救也俾民畜惟牛羊牛羊不食穀故也於民大疾惑

句殺句一人無赦大疾惑謂盜賊及挾左道者大司徒荒政有除盜賊鄭司農云饑饉則盜賊多故急其刑以除之愚謂左道者亦然男守疆戎禁不出孔曰戎事自守而已不征伐也五庫不膳膳當

爲繕治也凡治故造新皆謂之繕喪禮無度祭以薄資丁曰喪主儉而貴速喪之祭用薄愚謂荒政殺哀是也禮無樂宮不幃禮謂吉賓嘉諸禮幃盛香之囊離騷所謂佩幃嫁娶不以時

時霜降至冰泮之時盧曰媒氏司男女之無夫家者而會之蓋荒政十有二多昏亦其一賓旅設位有賜孔曰隨位賜之不饗燕愚謂隨位謂自上及下隆殺以兩

# 逸周書集訓校釋二

## 武稱第六

大國不失其威。小國不失其卑。敵國不失其權。秉德不黷武則不失其威。以禮事大則不失其卑。權重也。慎四境備不虞則不失其權。孔曰此即所謂稱也。 距嶮伐夷。并

小奪亂。口強攻弱而襲不正。武之經也。距嶮與拒險同。伐謂用兵精而聲鐘鼓。百事失紀曰亂。掩其不離曰襲。不正猶言無政。 伐亂。伐疾。伐疫。武之順也。疾惡也。疫

讀爲役。如兵法非時產城者攻其所產之類。古文股與股相似。 賢者輔之。亂者取之。作者勸之。怠者沮之。恐者懼之。欲者趣之。武之用也。有爲者勸

之以道。怠惰者沮使多疑。因其恐而震之以奪其謀。順其欲而予之以修其志。 美男破老。美女破舌。淫圖破國。淫巧破時。淫樂破正。淫言破義。武之毀也。

美男外寵。老成人也。舌諫諍之舌。淫圖如宋王偃之圖霸。淫巧奇技也。正正聲也。淫言巧言也。毀敗也。言有此數者則武之道敗也。國舊闕據郭棐所引補。武之毀。孔晁曰凡行此事所以毀敵國。如晁言則是後世之陰謀。非聖王之道。惠棟云武有七德。皆具此篇中。

是爲善讀。 赦其衆。遂其咎。撫其口。助其囊。武之閒也。赦其衆如樂殺伐齊羊祜征吳遂亡也。咎災也。謂恤其難厄。囊者所以收斂者也。謂助之蓋藏閒暇。所謂好整以暇。遂亡咎災皆說文。

遂字次遺。遂逐之閒。 餌敵以分而照其儲。以伐輔德。追時之權。武之尚也。餌猶釣餌也。照知也。誤以多方使分其守以知其所儲備也。伐敗也。謂出其不意以敗其

臣佐之謀權。謂所柄用者。如隨少師得君。鬪伯比。謂不可失是也。照訓知本楚辭王逸注。

春違其農。秋伐其穡。夏取其麥。冬寒其衣服。春秋欲舒。冬夏欲亟。武

之時也。春秋冬夏皆有妨于民。故兵者聖人不得已而用之。亟。急也。春秋稼穡在野。舒則不甚蹂躪。冬夏寒暑甚急。則可速返。

長勝短。輕勝重。直勝曲。衆勝寡。強勝弱。飽勝飢。肅

勝怒。先勝後。疾勝遲。武之勝也。

長短謂兵器。輕重謂軍裝。曲直以理言也。肅。敬也。怒。憤兵也。肅則持重。怒必輕佻。先勝後者。先人有奪人之心也。疾勝遲者。以逸待勞也。

追戎無恪。窮寇不格。

力倦氣竭。乃易克。武之追也。

無恪。恪也不格。格也。追戎當防誘我。窮寇必將致死。待其氣力倦怠。乃可勝也。孔曰。追敵之法。格謂相拒捍也。荀子曰。格者不舍。

既勝人。舉旗以號。命吏

禁掠。無敢侵暴。爵位不謙。田宅不虧。各寧其親。民服如化。武之撫也。

掠。奪取也。謙。讀爲減。如化。言帖然也。號。下舊有令字。王念孫曰。號即令也。號暴爲韻。今從之。

謙。滅古通假。樂記禮主其減。史記作謙。

百姓咸服。偃兵興德。夷厥險阻。以毀其武。四方畏服。奄有天下。武之定也。

丁曰。毀武。猶言倒載于戈。包以虎皮。

也。毀武舊作毀服。虛文。昭據孔注。改今從之。

### 允文第七

思靜振勝。允文維紀。

振。奮也。孔曰。以靜規勝。秉文紀武。紀舊作記。茲依丁本。

昭告周行。維旌所在。收戎釋賄。無遷厥里。官校屬職。因其百

吏。周行列位也。在猶位也。收戎。收其戎器釋舍也。遷改也。里里居。校軍營。在官在軍之百吏因而不改。行音杭。在古讀才里。反收戎舊作收武。據孔注。改校胡孝反。釋名云。號也。將帥號令之所在。公貨少多。振賜窮士。救瘠

補病。賦均田布。命夫復服。用損憂恥。孤寡無告。獲厚咸喜。

公貨。在公之貨。如鹿臺之錢。鉅橋之粟是也。賦謂出車徒。給徭役。賦出于田。田均則賦均。復反。服事也。命夫以小過削職。

者皆復之。以減除其憂恥。損減也。孔晁曰。數罪振窮。數大惠也。王念孫曰。字當爲捐。

咸問外戚。書其所在。選同氏姓。位之宗子。

問。存問也。外戚。勝國之甥舅。同氏姓。其子孫宗族也。位立古通用。宗子繼

別以收族。選。故書作遷。

率用十五。綏用士女。

丁曰。率當是口率出泉之率。謂十五以上方計算。愚謂冢宰九賦注曰。賦口率出泉也。漢法算泉百二十未知於周何如。又鄉大夫以歲時登其夫家之黎寡。辨其可任

者。國中自七尺以及六十。野自六尺以及六十有五。賈氏云。七尺謂年二十六尺。謂年十五。率音類。又音律。士女舊作口安。依盧文昭說訂。

教用顯允。若得父母。寬以政之。執云不聽。

顯明允信。政正也。

聽言靡悔。遵養時晦。晦明遂語。于時允武。

靡悔。不自悔悟也。遵。率養取晦昧也。言率此師以取是晦昧之君也。若聽言而悔。則遂教誡之。以其晦而明也。誅之皆爲允武。遵。率養取晦昧。皆毛詩詁訓

傳。死思復生。生思復所。人知不棄。愛守正戶。

孔曰。人守正戶。言不逃亡。

上下和協。靡敵不下。執彼玉珪。以居其宇。庶民咸

耕。童壯無輔。無拂其取。通其疆土。民之望兵。若待父母。

孔曰。彼謂亂邦之君。愚謂輔當爲悔。音近而訛。拂。逆取趣也。是通當爲徹。徹田也。蓋劉向校書避諱而改。取趣也。釋名文。

故天下一旦而定。奄有四海。

故書無奄字。依丁宗洛說增。

大武弟八

武有七制。政、攻、侵、伐、陳、戰、鬪。

孔曰：政者，征伐之政。愚案春秋傳云：「牘曰侵，精曰伐，戰含戰鬪，相搏也。」故書此篇詭脫特多，茲據舊鈔本北堂書鈔一百十三卷所引訂，不悉出。

善政不攻，善攻不

侵，善侵不伐，善伐不陳，善陳不戰，善戰不鬪，善鬪不敗。

孔曰：言廟勝也。

政有九因，因有四戚，五和，攻有九開，開有

四凶，五良，侵有七酌，酌有四聚，三斂，伐有七機，機有四時，三興，陳有七來，來有三哀，四赦，戰有十一振，振

有六厲，五衛，鬪有十一客，客有六廣，五虞。

威、親、良、善、聚、集、斂、戢、興、行、厲、勵也。衛，用人以自周。衛也，廣博也，言儲之平時虞度也，言備之臨事。

四戚，一內姓，二外婚，三

友朋，四同里。

陸宗族，卹婚姻，聯朋友，敬鄉黨，皆所以使民相親。

五和，一有天無惡，二有人無鄰，三同好相固，四同惡相助，五遠宅不薄。

克享天心，則風雨節，寒暑時，惡謂災荒也。人心歸向，則上下內外比固無隙，歲間閒聘，以同其好，致禴補災，以同其惡，遠宅不薄。孔曰：雖遠居皆厚之。惡如字，害氣也。周禮行夫注云：喪荒也。鄰與，鄰同，讀為間隙之隙。

凡此九者，政之因

也。孔曰：言因此以成政。

四凶，一攻天時，二攻地宜，三攻人德，四攻行利。

人德以仁形暴，行利器用財賄。

五良，一取仁，二取智，三取勇，四取

材，五取藝。

材，材能，藝，技藝。良，孔晁云：當為來所務來而任之。

凡此九者，攻之開也。

孔曰：言開此道以成攻也。

四聚，一酌之以仁，二懷之以樂，三旁聚封

人四設圍以信。酌、行、懷、來、旁、大也。聚、邑、聚、封、封、殖、圍、守也。守國以信。三斂。一男女比。二工次。三祗人死。比合也。使無饑饉。次肆也。居肆以成。

材祗敬也。記曰。宋陽門之介夫死。子罕哭之哀。而民悅。三者皆以斂其情。使壹意以事上。比吡志反。凡此七者。侵之酌也。孔曰。言酌此。法以成侵。四時。一春違其農。二夏食其穀。

三秋取其刈。四冬凍其葆。刈。禾之可刈者。孔曰。凍葆。謂發露其葆。葆與保。同。管子云。窘則民失其所葆。注云。謂所恃為生者也。三興。一政以和時。二伐亂以治。三伐

飢以飽。孔曰。此所行之當也。凡此七者。伐之機也。孔曰。機。要也。三哀。一要不贏。二喪人。三擯厥親。孔曰。哀。敵人之困窮如此。要當為惡。擯一作損。葛其仁曰。惡。喪荒也。贏。當

為贏。盈也。因喪荒而空虛。故為可哀。損其親而無輔。亦在可哀之列。愚謂禮不伐喪。聞喪而還。春秋善之。喪如字。虞讀去聲。謂失位者也。四赦。一勝人必贏。二取威信復。三人樂生身。四赦

民所惡。孔曰。贏。謂益之。復。謂有之。皆赦救也。愚謂此節未詳。孔說謬訛。當闕疑。凡此七者。陳之來也。孔曰。所以懷來之。六厲。一仁厲以行。二智厲以道。三武厲

以勇。四師厲以士。五校正厲御。六射師厲伍。仁者不欲其煦。媪。智者不欲其穿鑿。武欲其共用。師衆欲其知方。校正。主馬。故以厲御。射師。主射。故以厲伍。五衛。一明仁懷

怒。二明智輔謀。三明武攝勇。四明材攝士。五明藝攝官。怒者仁之術。故欲明仁。在懷之以恕。攝。持也。任士。惟其材。宅官惟其藝。攝。書涉反。說文云。引持也。後漢書注云。猶言正也。

凡此十一者。戰之振也。謂所以振作之。六廣。一明令。二明醜。三明賞。四明罰。五利兵。六競竟。竟。終也。競。於終。言不懈也。五虞。一鼓



走疑。二備從來。三佐車舉旗。四采虞人謀。五後動撚之。

鼓之即走疑其誘我備從來防其斷我歸路佐車戎車之貳春秋傳曰鄭周父御佐車舉旗張疑兵也虞人知山澤之險采其謀以

出奇兵敵人陳後亂而後蹂躪之蓋以奇兵取勝撚乃殄反孔曰從也案淮南兵略訓前後不相撚左右不相干注云撚蹂躪也說文云執也一曰蹂也

凡此十一者鬪之客也。

客寄也言所寄以爲鬪者也無競惟

害有功無敗。孔曰雖強常念害則不敗也

### 大明武弟九

畏嚴大武曰維四方畏威乃寧。

孔曰大武之道四方畏威天下乃寧

天作武脩戎兵以助義正遠順天行。

乾爲金兵之象也健而剛武之義也人君則之詰戎兵以

順天道五官官候厥政謂有所亡。

五官司徒司馬司空司土司寇殷制也候視亡失也

城廓溝渠高厚是量既踐戎野備慎其殃敬其嚴君。

乃戰赦。

量其形執以定謀孔曰言當明耳目遠斥候丁曰可戰可赦如武王觀兵于商

十藝必明加之以十因靡敵不荒。

孔曰荒敗也荒如太元荒家及國之荒亡也

陳若雲布侵

若風行輕車翼衛。

陳密侵疾又以輕車張左右翼

我師之窮靡人不剛。

置之死地使人自爲鬪

十藝一大援二明從三餘子四

長與五伐人六刑餘七三疑八閒書九用少十興怨。

大援與國使能謂之明從使也餘子卿大夫之庶子周禮諸子掌國子之倅若有甲兵之事則授之車甲而合其卒伍興如軍興之興謂

長于興積者。伐人。長于擊刺者。三疑。一虛者實之。二實者虛之。三虛虛實實。皆使敵人疑而莫測。問書遺之書。以離間之用。少謂簡其精銳。興怨如晉侯退舍。致曲于楚。使衆怨之。使能謂之明。管子四時篇文。從才用反。使也。廣雅釋詁文。興如字。周禮旅師平殞其興積。注云。縣官徵聚物曰興是也。刑餘。孔曰。赦徒也。三如字。盧云。當爲參。間去聲。謀也。

能十利事。孔曰。凡成皆有因也。勝欲以義勝欲。愚謂賓客聘問行人。通旅行旅同事。君臣一心。巧技也。利事。謂車甲器械。 藝因代用。是謂強輔。應天順時。時有寒暑。風雨飢

疾。民乃不處。移散不敗。農乃商賈。丁曰。代用。猶言並用。民尚不得安處。何可用兵。愚案。董子繁露云。寒暑移易。謂之敗歲。此言民既移散。雖不逢敗歲。亦如商賈之轉徙無常矣。輔舊作轉。丁曰。言妙于運用。茲依王念

孫說。委以淫樂。賂以美女。此於上下文理不順。疑後人加入。 主人若杖。至城下。高堙臨內。日夜不解。方陳並功。云何能禦。雖

易必敬。是謂明武。闕處當是鉞字。堙。距堙。上城具。盧曰。功攻同。孔曰。禦。當也。杖。俗作仗。堙音因。土山也。兵書攻城有爲堙之法。解讀爲懈。陳俗作陣。功讀爲攻。易音異。 城高難平。湮之以土。開以

走路。俄傅器櫓。孔曰。湮。土。謂爲土山以臨之也。趙曰。傅。著城也。愚謂器。兵器。櫓。大盾也。湮。與堙同。填塞也。俄。傅。故書作俄。傳。盧云。當爲蛾。傅。墨子有備蛾。傅。櫓。 因風行火。障水水下。惠用元元。

不侮其寡。元元。民也。不敢侮敵之寡。亦難易必敬也。不侮。舊作文誨。茲依丁本。 旁隧外權。隳城湮溪。老弱單處。其謀乃離。洪頤煊曰。隧。卽攻城穴土之法。權。謂烽火也。孔曰。單處。謂無保

障。權字亦作權。音貫。又音權。史記封禪書。通權火。張晏曰。烽火也。狀如井絜。泉其法類稱。故謂之權。 既克和服。使衆咸宜。竟其金革。是謂大夷。竟。終也。言金革之事。終。孔曰。咸。皆夷平也。

小明武弟十

凡攻之道必得地勢以順天時觀之以今稽之以古

孔曰兵凶器戰危事故必詳慎之稽考也

攻其逆政毀其地阻立之五教以

惠其下矜寡無告實爲之主

逆政害民之政地阻關隘也爲之主言在所先也

五教允中枝葉代興

孔曰五教五常之教枝葉謂衆善政也興盛也古讀如凶與中叶虛疑當作舉非是

國爲僞巧後宮飾女荒田逐獸田獵之所游觀崇臺泉池在下淫樂無既百姓辛苦上有困令乃有極口

此卽所謂逆政也僞巧猶言淫巧荒蕪也所言以之爲所也游觀可游衍觀望者既盡也賈子曰心省恤人謂之惠反惠爲困孔曰言凡有此事皆可伐觀古玩反樂音洛

上困下騰戎遷其野敦行王法濟用

金鼓騰如沸騰之騰遷其野伐之也敦大也孔曰濟成也言以金鼓濟其伐敦都昆反

降以列陳無愧怒口按道攻巷無襲門戶無受貨賂攻用弓弩

受降于列

陳之間言不以殺人爲功愧憤也闕處疑是者字按止也道鈔寇之道巷徑路謂犄角之師門戶謂謹守門戶不相抗拒者孔曰言不赦有罪怒伐無辜襲掩也俛毋本反莊子俛乎忘其言義與慙同按烏旰反爾雅云止也又阿葛反義同盧云漢武帝封韓說爲按道侯

此上下禱祀塵神不下具行衝梯振以長旗懷戚思終左右憤勇

孔曰先祈禱而後攻戰也丁曰衝衝車梯木階虎韜兵略篇視城中則有雲梯飛樓愚案淮南子注

云衝車大鐵著其轆端馬被甲車被兵以衝突敵城也振舉也懷戚憫敵民之困思終戰不正勝也

無食六畜無聚子女羣振若雷造于城下鼓行參呼以正什伍

孔曰

言七卒之齋屬也。  
雷本亦作電。  
上有軒冕斧鉞在下。勝國若化。故曰明武。軒冕賞有功。斧鉞誅違命。

### 大匡第十一

維周王宅程三年。遭天之大荒。作大匡以詔牧其方。三州之侯咸率。

程古舉程氏之虛。關駟以為安陵。今陝西西安府咸陽縣東有安陵城。詩言文王伐密後。度其

鮮原居岐之陽。即昧遷程事。或言王季已居程。則此不得言宅程三年也。牧養也。以大匡之法。詔諸臣養其民。遂為諸侯所遵行。此書之原序也。孔曰。文王初未得三分有二。故三州也。

王乃召冢卿三老三吏大夫百執

事之人朝于大庭。

孔曰。冢卿。孤卿三吏三卿也。愚謂三老國老也。謂致仕者。庭當為廷。大廷外朝之廷。在庫門內。雉門外。

問罷病之故。政事之失。刑罰之戾。哀樂之尤。

賓客之盛。用度之費。及關市之征。山林之匱。田宅之荒。溝渠之害。怠墮之過。驕頑之虐。水旱之菑。

罷亦病也。戾乖。

尤過也。匱。乏材用也。荒。廢也。溝渠塞則害于田畝。怠墮。惰農。驕頑。貴游之士。自刑罰以下十者。皆政之失。故致水旱之菑。

曰。不穀不德。政事不時。國家罷病。不能胥匡。二三子不尙

助不穀。官考厥職。鄉問其人。因其耆老。及其總害。慎問其故。無隱乃情。及某日以告于廟。有不用命。有常

不赦。

孔曰。不尙尙也。問人政得失。總。衆人。常常刑也。愚謂總害。謂凡所害民者。惠半農疑是總轄之譌。非是。

王既發命。人食不舉。百官質方。不食饗。

孔曰。王不舉樂。百官徹膳。以思其職。方。謹。

也。丁曰：饗熟食也。割烹煎和之。稱愚謂質問也。闕處疑是咸字。

及期日質明。王麻衣以朝。朝中無采衣。

孔曰：凶服自居為荒變。盧曰：凶禮有五。荒居一焉。詩云：麻衣如雪。蓋純素也。愚謂質平也。麻衣蓋麻冕而

白布深衣。采衣元衣。繡裳。

官考其職。鄉問其利。因謀其菑。旁匡於衆。無敢有違。

旁廣也。丁曰：究其利害而為之調劑也。孔曰：衆衆民百官率職故無違。

詰退驕頑。方

收不服。慎惟怠墮。什伍相保。動勸游居。事節時茂。農夫任戶。戶盡夫出。

孔曰：方收方收其不服化者也。茂勉也。言無戶不出夫以勸農愚謂詰責也。相保相任

也。游居游手閒居者。任以其任。任之也。動勸疑當作勤勤。

農廩分鄉。鄉命受糧。程課物微。躬競比藏。

比藏比方其所藏也。每鄉見存農廩。命各籍其數。至來歲程課其登耗。合而驗之。以為鄉大夫之殿

最則各競比藏。而蓄積裕矣。

藏不粥糴。糴不加均。

藏者不輕粥以備荒。亦不許重糴以居奇。其未有蓋藏者。糴不加均。多從所有。不限也。

賦洒其幣。鄉正保貸。成年不償。信誠

匡助以輔殖財。

孔曰：洒散也。幣以緡。以資窮也。名曰貸而不償。所以生殖民財也。愚謂鄉正。鄉大夫也。春秋傳曰：使四鄉正敬享保而後貸。防姦欺也。貸即貸所洒之幣。

財殖足食。克賦為征。數口以

食。食均有賦。

量其力能供賦。而後征之。周禮：民數穀數。並藏于天府。以計食。率人三闢而食足。孔曰：均民足食而征其賦。以入官也。

外食不贍。開關通糧。糧窮不轉。孤寡不廢。

國也。贍足也。通糴。予之糴也。如國內糴少。則不轉運出外。然孤寡無告。亦必助恤之。

滯不轉留。轉留當為留轉。年豐穀滯。則不留所轉。恐糶賤而傷農。

戍城不留。衆足以守。邊城穀歸不滯。亦不留。但使其衆足資以守。而

已。衆舊。關依陸本。

出旅分均。馳車送逝。旦夕運糧。

出旅軍興也。分均謂將卒同食無美惡。分扶粉反。

於是告四方游旅。旁生忻通。津濟道宿。所至

如歸。勞瘁也。生生意。忻樂也。大聚篇云。二十里有舍。舍有委。故所至如歸。幣租輕。乃作母以行其子。易資貴賤。以均游旅。使無滯。幣。錢幣。租。賦。重。曰。母。輕。曰。子。幣。租。輕。則。物。貴。

故作重幣以行之。章昭稱賈侍中說。虞夏商周金幣三等。黃爲上幣。銅鐵爲下幣。資財也。物貴則以母。權子物賤則子。獨行。孔曰。非但租賦作母。行子游旅。易資亦然。  
無粥熟。無室市。市中禁粥之。物市于室者。權內外以立

均。無蚤莫。閭次均行。均行衆從。周禮。司市平肆。展成奠賈。立均卽奠賈也。閭。市門。次。吏所治舍。思次。介次也。司市之屬。非時巡察。不使蚤莫異價。其俗作暮。閭次均行。或作閭次游行。積而勿口。以

罰助均。無使之窮。平均無乏。利民不淫。闕處疑是粥字。居奇射利。則罰其。貨以助均。市價窮乏。皆謂用物。無播蔬。無食種。播。棄也。種。蔬。穀之種。孔曰。可食之菜曰蔬。種上聲。以

數度多少省用。度入之多少。而節其用。已上皆言備荒之。政可通行于豐年者。此下乃正言荒政。祈而不賓。祭服漱不制。賓。釋祭賓尸也。孔曰。不。賓。殺禮。不制。不造新也。車不雕飾。人

不食肉。畜不食穀。國不鄉射。樂不牆合。孔曰。畜謂馬也。盧曰。牆合。所謂宮縣也。牆屋有補無作。資農不敗務。資。謂補助之。孔曰。農務不廢棄也。非公

卿不賓。賓不過具。孔曰。唯賓公。卿酒食而已。哭不留日。祭降一等。祭。喪之祭也。孔曰。留。盡也。降一等。爲荒降之。祭舊作登。茲依了本。庶人不獨葬。伍有植。送往迎

來亦如之。植。將主也。大聚篇云。五戶爲伍。以首爲長。是也。植直吏反。有不用命。有常不違。不違。猶。言毋違。

程典第十二

維三月既生魄。文王合六州之侯。奉勤于商。商王用宗讒。震怒無疆。諸侯不娛。逆諸文王。文王弗忍。乃作

程典。以命三忠。

三月建卯之月。既生魄十七日也。宗讀爲崇。史記周本紀載崇侯虎譖西伯曰。西伯積善累德。諸侯皆嚮之。將不利。于帝紂乃囚西伯于羑里。淮南道應訓桓譚新論亦載之。據皇甫謐說。在紂二十年。娛樂也。奏事上書曰。逆典常也。

忠當爲惡。古文臣字。諸侯知紂怒不測。恐不利于文王。故勸其叛商。文王不忍。作此以命三卿。使守其國。呂氏春秋云。紂欲殺文王。文王曰。父雖無道。子敢不事父乎。君雖無道。臣敢不事君乎。孰王而可畔也。卽此弗忍之義也。宗鋤弓反。牧誓是崇。漢書谷永傳作是宗。此

二字通假之證。娛本或作虞。義同。逆如。曰。助余體民。無小不敬。如毛在躬。拔之痛。無不省。孔曰。毛以喻小也。無不省。故宜敬小也。政失患

作。作而無備。死亡不誠。誠在往事。備必慎。孔曰。以往事誠將來。備思地。思地慎制。思制慎人。思人慎德。德開乃無患。守國

以法用法。以人擇人以德。故無所不愼。而要在愼。慎德必躬。恕以明德。言愼德也。德當天而愼下。下爲上貸。力競以讓。讓

德乃行。愼下必翼。此及下節言愼人也。當合貸假翼敬也。德合天之無私。而以愼道教其下。不求備于下。下感而奮。遂讓風行。故敬其上。上中立而下比。爭省和而順。攜乃爭。

和乃比。比事無政。無政無選。無選民乃頑。頑乃害上。故選官以明訓。頑民乃順。比。黨爭競省。廢摠離也。言不能愼。下則上無所偏倚。而其下非比。卽

爭。廢和順之道。故離之則爭。和之則比。比以事君。國無政矣。無選謂不能用賢。頑者不從上之教令。省悉幸反。國語云。天道道可而省不章。昭注。省去也。莊子天道篇釋文。省廢也。慎守其教。小大有度。以備菑寇。此及

下三節言  
慎制也。

協其三族。固其四援。明其伍候。習其武誠。依其山川。通其舟車。利其守務。

三族。父族。母族。妻族也。四援。四鄰與國。伍候。賈逵云。五方。

之候。敬授民時。四方中央之候。王肅云。山候。澤候。林候。川候。平地候也。愚謂賈說近是。依保也。守務。守國之務。孔曰。修文教。誠武備。聖王之事。伍。五同。依保也。楚辭。王逸注。

士大夫不雜于工商。商不厚。工不巧。

農不力。不可成治。士之子不知義。不可以長幼。工不族居。不足以給官。族不鄉別。不可以入惠。四民各專其業。善其事乃

可成治。不厚。淺資也。力勤也。長幼。猶言長人。百工。羣居。則相觀而善。否則見異思遷。鄉別。則知民穀之數而行補助。入致也。管子。定民居之法。蓋出於此。商不厚。至不可成治。十三字。舊作衍文。今從了本。

輕其行。多其愚。不智。孔曰。言國無恥醜也。不重其行。自多其愚。何智之有哉。慎地必為之圖。以舉其物。物其善惡。度其高下。利其陂溝。愛

其農時。脩其等列。務其土實。差其施賦。

此及下節言慎地也。圖。地圖。物。謂山林。川澤。邱陵。墳衍。邊隰。大司徒以土會之。辨五地之物生。具在周官。物其善惡。猶春秋傳云。物土之宜。糝者為陂。流者為溝。農田

之利也。愛惜也。等列。謂上地不易。中地一易。下地再易。務。土實。勤樹藝也。差別也。別其所施。賦斂之法。差音雌。

設得其宜。宜協其務。務應其趣。設施也。所施得其當。而後能協其務。而應其趣。趣。向也。慎用

必愛。工攻其材。商通其財。百物鳥獸魚鼈。無不順時。

財用出于地。故又言慎用也。攻。治也。材。八材。財。泉穀貨賄也。孔曰。順時所以愛之也。

生穡省用。不濫其

度。穡。愛也。言其生可愛。濫。過也。

津不行。火。藪。林不伐。牛羊不盡。齒不屠。

津。滋也。謂滋生之時。孔曰。非時不火。不伐。老不任用食之。

土勸不極。美。美不



害用。用乃思慎。

土美禾善。極美則地力盡矣。物之美者須適于用。則無侈靡之失。以上四節言慎用也。

□備不敬。不意多。□用寡立親。用勝懷遠。遠格而邇安。

立親猶云立愛。仁民愛物。皆由親親推之。故曰用寡勝。勝算也。格至也。

於安思危。於始思終。於邇思備。於遠思近。於老思行。不備無違。嚴戒。

思危故泰。可保思終。

故幾必察。思備則邇不泄。思近則遠不忘。思行則違不倦。不備言所當思者非盡此也。文王緝熙敬止之心。於此可見。

程寤弟十三 亡

秦陰弟十四 亡

九政弟十五 亡

九開弟十六 亡

劉法弟十七 亡

文開弟十八 亡

保開弟十九 亡

八繁弟二十 亡

# 逸周書集訓校釋二

## 鄧保弟二十一

維二十三祀庚子朔九州之侯咸格于周王在鄧昧爽立于少庭

文王即位四十二年受命於是伐崇而作鄧邑云二十三祀非也以周歷推之文王四十四年十一

月爲庚子朔蓋古文四字積畫相重故誤耳九州廣言之尙書中候云維王既誅崇侯虎諸侯貢萬民咸喜正謂此也鄧在今西安府鄠縣東昧爽早且也少庭少寢之庭周歷術見甄鸞五經算術文王四十三年元餘四百八十四歲以章月二百三十五乘之得十一萬三千七百四十以章歲十九除之得積月五千九百八十六閏餘六以周天分二萬七千七百五十九乘積月如日法九百四十而一得積日十七萬六千七百七十一小餘六百三十四大餘十一則是年周正月乙亥朔也求次月朔者加大餘二十九小餘四百九十九小餘滿日法除之從大餘如是累加之推得是年建亥月爲庚子朔也錢塘述古錄以爲是文王二十祀正月朔則與在鄧之文不合

王告周公旦曰嗚呼諸侯咸格來慶辛苦役商吾何

保守何用行

來慶賀遷邑也言諸侯苦商而來歸吾何以保守之何用行而可

且拜手稽首曰商爲無道棄德刑範欺侮羣臣辛苦百姓忍辱諸

侯莫大之綱福其亡亡人惟庸

句

王其祀

句

德純禮明

句

允無二卑位柔色金聲以合之

刑範皆法也反慈爲忍羣臣百姓諸侯乃

莫大之綱紀今紂如此福其亡矣舊其亡曰仁人謂逃人庸用也傳曰紂爲天下逋逃主愚謂二貳通卑位謙也柔色和也金聲肅也

王乃命三公九卿及百姓之人曰恭敬齊潔咸格而

祀于上帝。百姓之人百官也不戒諸侯客之也。董子繁露云。已受命心先祭天乃行事是受命後得祭天也。商饋始于王。商、度、饋、歸也。祭畢饋膳自此始也。因饗諸侯。重禮庶吏。出送于

郊。庶吏諸侯之從者。

樹畧于崇。內備五祥。六衛。七厲。十敗。四葛。外用四蠹。五落。六容。七惡。樹立也。畧石也。楚辭曰。藏珉石于金匱。五祥以下即樹畧之文。

示後世保國之道。必于崇者。亡國之墟。以為鑒戒也。祥。善。厲。勸也。葛。古通蓋。掩覆也。蠹。害。落。散容。容。忍也。畧。舊作昏。茲依丁本眉質反。說文作珉。云石之美者。葛。讀為蓋。葛天亦作蓋天也。落如落實取材之落。零落也。

五祥。一君選擇。二

官得度。三務不舍。四不行賂。五察民困。丁曰。五祥皆用人行政之大者。務不舍。言庶務皆不敢廢弛也。六衛。一明仁懷恕。二明智設謀。三明戒

攝勇。四明才攝士。五明德攝官。六明命攝政。趙曰。明戒以攝其勇。則知方而不妄逞。明德以攝其官。則在官者皆以實心行實政矣。設疑攝之訛。戒本或作武。德攝本或作藝法。七厲。一

翼勤厲務。二動正厲民。三靜兆厲武。四翼藝厲物。五翼言厲復。六翼敬厲衆。七翼智厲道。翼。輔也。十敗。一佞

人敗樸。二諂言毀積。三陰資自舉。四女貨速禍。五比黨不揀。六佞說鬻獄。七神龜敗卜。八賓祭推穀。九忿

言自辱。十異姓亂族。佞。巧。諂。媚也。莊子曰。莫之顧而進之謂之佞。希意道言謂之諂。毀積。毀我之積行也。舉用也。陰狠之資好自用也。速召也。不揀。不知所擇也。鬻。賣也。敗卜。謂瀆則不告。推。如以麻推之之推求也。臨事而求穀。不祥。孰甚焉。言

悖而出。亦悖而入。是自辱也。亂族。謂以疏間親。四葛。一葛其農時不移。二費其土慮不化。三正其賞罰。獄無姦奇。四葛其戎謀。族乃不

罰。移易也。作訛成易之時不可移易也。費耗也。謂竭盡地力物生。曰化。奇如奇車之奇。謂奇邪不法也。密其戒謀。乃能保其氏族。 四蠹。一美好怪奇以治之。二淫言流說以服之。三羣

巧仍與以力之。四神巫靈寵以惑之。治化也。淫言。巧言。流說。浸潤之說。羣巧。土木之功。仍。數力。勸寵。眷也。詭言。神靈眷寵。使怠于政。治音持。素問治而善下注云。化也。 五落。一示吾貞

以移其名。二微降霜雪以取松柏。三信蟠萌莫能安宅。四厚其禱巫其謀乃獲。五流德飄枉以明其惡。示

移名。言著善以掩不善之名。霜雪喻威。松柏喻君子之守。蟠。毒蟲有蠶。萌。蘗也。喻小人也。厚。禱巫。如晉侯有疾。曹豎貨筮。史使以曹為解也。德直。枉曲也。造為。費語。如水之流如風之飄。蟠居天反。 六容。一游言。二行商工。三軍

旅之庸。四外風之所揚。五困失而亡。作事應時時乃喪。六厚使以往。來其所藏。游。游說。庸。功也。餘未詳。困。本或作因。乃字下疑脫一不字。

七惡。一以物角兵。二令美其前而厚其傷。三閒於大國。安得吉凶。四交其所親。靜之以物則以流其身。五

率諸侯以朝賢人而已。猶不往。六令之有求。遂以生尤。七見親所親。勿與深謀。命友人疑。以微物與兵。如吳楚以爭桑起釁。令

善也。貌恭情險。如句踐象吳。安得吉凶。言吉凶由大國。靜。謀也。流。沈溺也。如越獻西施。因以沼吳也。率。勸也。尤。過也。本令有求。卻府罪以沽潔。所親。所當親者。命令也。友人。友邦君也。如漢以草具間范增于項羽是也。凡此所陳。蓋落容惡之目。聖人非以此傾人國。欲子孫知而防之。勿墮其術耳。靜與靖同。爾。雅云。靖。謀也。率。如字。小爾雅云。勸也。 且拜曰。嗚呼。王孫其尊。天下適無見過。過適無好自益。以明而迹。孫。讀為遜。不特其尊。天下

將來不知其過。過益多。為人君者無益其過。乃可明其迹于天下也。王念孫讀為天下無見過論。非是。

嗚呼敬哉。視五祥。六衛。七厲。十敗。四葛不修。國乃不固。務周四

蠹。五落。六容。七惡。不時不允。不率不綏。反以自薄。

周徧也。徧知之也。時是允信率循。綏安也。綏舊作緩。依盧文弨改。

嗚呼深念之哉。重維之哉。不

深乃權不重。從權乃慰。不從乃潰。潰不可復。戒後人其用汝謀。

言不深念重維不知權之可貴。權以用中。從權則民慰。不從則民潰。瓦解土崩。悔之何及。重維直龍反不重。

如字。尊尚也。王曰允哉。

### 大開第二十二

維王二月。既生魄。王在鄆。立于少庭。兆誓九開。開厥後人。八儆五戒。

王二月。商正二月也。兆。臣名。九開。即第十六篇之誓也。兆以九開之言。陳謨于王。誓舊作慕。

王念孫曰。當為基兆始也。今攷九開為誓籍名。則墓乃誓字之訛。下有段後人其用汝謀。則兆為臣名。不當訓始。

八儆。一□旦于開。二躬修九過。三族修九禁。四無競維義。五

習用九教。六□用守備。七足用九利。八寧用懷□。

九過見文政篇。餘未詳。

五戒。一祇用謀宗。二經內戒工。三無遠親戚。

四雕無薄□。五禱無憂。玉及為人盡不足。

祇。敬宗。主也。經理內政。須戒飭女工。親戚宗族兄弟。玉所以禱。淫祀而不務民義。王念孫曰。曼當為愛。

王拜儆我後人謀競。

不可以藏。戒後人其用汝謀。維宿不悉。日不足。拜受其讓。以徹後人之謀。自強者藏。匿。宿夜悉盡也。言日夜匪皇。常如不及也。

小開第二十三

維三十有五祀。壬念曰多。正月丙子拜望。食無時。汝開後嗣謀。三當為四。壬念曰多。旬當在拜望。旬下望。日月相望也。周禮太僕贊王鼓。日月食亦如之。春秋傳

曰。日食則諸侯用幣于社。伐鼓于朝。月食無文。準太僕之文。當亦用幣。故云拜望。王見月之費。念德之明。若天詔之開。後嗣謀也。文王四十有五祀。以周歷推之。是年商正月癸亥朔十四日得丙子。古歷疏有晦而日食者。故十四日望。曰。嗚呼。于來

後之人。余聞在昔曰。明明非常。維德曰為明。食無時。汝日夜何脩。非躬何慎。非言何擇。非德。于曰也。日月至明而遭薄蝕。維

德亦然。緝熙為明。而後常明。不然亦如。嗚呼。敬之哉。汝恭聞不命。不讀為丕大也。丕不古通。左傳秦丕茲。一本作不茲。賈粥不讐。謀念之哉。不索

禍招。無曰不免。不庸不茂。不次。人當不謀。迷弃非人。讐。售古今字。不售則謀。反已而已。索。思索也。不反已而責人。所以招禍。不可諉之數也。庸。功茂勉。次序當禍也。言不思齋庸。不知茂勉。將

有不次之禍。猶不自謀。朕聞用人不以謀說。說惡。諂言。色不知適。適不知謀。謀泄。汝躬不允。諂。借。適。善也。色。不知適。色。莊者。非必君子也。適

不知謀。有守者未必有猷也。泄。失也。諂。音叨。適。知字。廣雅云。善也。高。誘。呂覽注云。動中禮義謂之適。泄。先結反。春秋緯曰。君精泄注云。失也。嗚呼。敬之哉。後之人。朕聞曰。謀有共。輔如乃。而舍

人之好佚而無窮。貴而不傲。富而不驕。兩而不爭。聞而不遙。遠而不絕。窮而不匱。者鮮矣。

丁曰。淮南覽冥訓注云。駘推也。言相

推以致遠也。佚安逸也。遙搖通。匱宜作潰。溢也。愚謂乃。汝也。兩謂權相侔。駘而隴反。說文云。反推車令有所付也。

汝謀斯何嚮非翼。維有共枳。枳亡重。大害小。不堪柯引。嚮往翼敬

枳枝也。下者上之枝葉。以為藩蔽者也。重多也。柯斧柄。引取也。蔽焉而縱尋斧。雖小者猶不可。枳讀為枝。爾雅。枳首蚶。釋文稱孫炎云。蚶有枝首是古通用也。

維德之用。用皆在國。謀大鮮無害。嗚呼。汝

何敬非時。何擇非德。

君有德則人皆為用。若不慎德。至失政之後。思去大臣。以收威柄。則必有害也。

德枳維大人。大人枳維公。公枳維卿。卿枳維大夫。大

夫枳維士。登登皇皇。君枳維國。國枳維都。都枳維邑。邑枳維家。家枳維欲無疆。

大人。天子也。登登。衆也。皇皇。美也。四縣為都。四井為邑。言大小相輔。

上下相維。遞為藩蔽也。

動有三極。用有九因。因有四戚五和。極明與與。有畏勸汝。何異非義。何畏非世。何勸非樂。三極三才

之理。詳小開武篇。九因。四戚五和。詳大開武及大武篇。與與。當作翼翼。何異。當作何冀。敬也。可畏者。世之不永。

謀獲三極無疆。動獲九因無限。務用三德。順攻奸慝。言彼翼翼。

在意切時德。

三德。即三極也。切。滿也。時。是也。切。勿通。子虛賦。充切其中。懸。舊闕。茲從丁本。

春育生素草。肅疏數滿。夏育長美柯。華務水潦。秋初藝木節。

落冬大劉倍信。何謀本口時。歲至天視。

肅。讀為息。生也。疏。數猶云遠近。柯。幹華英也。大雨時行。故務防水潦。藝。才也。言成才也。春言草。秋言木。互文也。節。落枝節。解落。劉殺也。倍。背也。視。古文示。肅。息古通。假

尚書肅慎史記作息慎禮記禮運功有藝也鄭注藝猶才也

鳴呼汝何監非時何務非德何興非因何用非極維周于民人句謀競句不可以後戒後戒宿不悉日不足監視興動周徧也

### 文做弟二十四

維文王告夢懼後祀之無保庚辰詔太子發夢蓋猶孔子兩楹之夢曰汝敬之哉民物多變民何嚮非利利維生痛痛

維生樂樂維生禮禮維生義義維生仁民之爲物其情多變利必有害故生痛知其害而安於分次則知足而樂樂則能循理之節文循理以處事曰義安義無私曰仁鳴呼敬之哉

民之適敗上察下遂信上之所爲民之所歸察猶未爲而下已趨之何嚮非私私維生抗抗維生奪奪維生亂亂維生亡亡維生死

嗚呼敬之哉各逞其私則相抗抗而巳則相奪亂謂無法紀也亡逃亡汝慎守弗失以詔有司夙夜勿忘若民之嚮引知民適敗皆自上始則舉念凜然若民之環嚮

而相引汝何慎非遂遂時不遠非本非標非微非輝壤非壤不高水非水不流遂成也成其治也標末輝著也民爲邦本非本則無標治道起于微渺非

微則無著君非民誰與守邦嗚呼敬之哉倍本者槁汝何葆非監不維一保監順時維周于民之適敗無有時蓋後戒後



戒。謀念勿擇。葆守也。一讀爲壹。專意也。周周防也。蓋覆也。君所以覆民。擇讀爲數。厭也。倍與背同。順與慎通。擇丁故反。毛詩古之人無斃。韓詩作擇。

文傳第二十五

文王受命之九年。時維莫春。在鄙。召太子發曰。嗚呼。我身老矣。吾語汝。我所保與我所守。傳之子孫。文王即位

四十二年而受命。至此五十年矣。鎬在豐東二十五里。詩曰。考卜惟王。宅是鎬京。蓋文王營之而武王成之也。保安也。吾厚德而廣惠。忠信而志愛。人君之行。志當爲慈。或爲子。孔晁曰。四者君德。不爲

驕侈。不爲泰靡。不淫于美。括柱茅茨。爲民愛費。泰肆靡侈也。括。刮也。刮去其皮。不文飾也。英屋。蓋孔曰。言務儉也。因就木枚曰括。山林非時。不升斤斧。以

成草木之長。川澤非時。不入網罟。以成魚鼈之長。不卵不蹊。以成鳥獸之長。畋獵唯時。不殺童羊。不天胎。

童牛不服。童馬不馳。不驚澤。不行害。土不失其宜。萬物不失其性。天下不失其時。蹊。繼獸足也。天胎。毀胎也。驚。澤猶云竭。澤行害。如非時火

田以藥饑獸之類。不卵不蹊。本作不躡不卵。據說文訂。蹊音巽。獵本作漁。羊亦作牛。故嘗作佃。漁以時。童不天胎。馬不馳驚。土不宜。茲據太平御覽八十四卷訂正。土可犯。材可蓄。潤溼不穀。樹之竹葦莞

蒲。礫石不可穀。樹之葛木。以爲絺綌。以爲材用。犯讀爲範。範土爲器。陶旅之事也。莞。荷蘆。蒲。水草。皆可爲席。或云蒲柳也。樂細石。盧曰。絺綌謂葛材用。謂木。孔曰。所謂土不宜。御覽九百九十

五卷引此云葛小人得其業以爲羹君子得其材以爲綈綈以爲朝廷夏服疑孔注帙文

孤寡辛苦咸賴其生

裁裁成賴其生賴以養其生也故書無以字獸字依丁本訂淵舊作泉蓋唐人避諱改今正

山林以遂其材工匠以爲其器百物以平其利

商賈以通其貨工不失其務農不失其時是謂和德

遂遂長孔曰和故不失

土多民少非其土也土少人多非其人也

是故土多發政以漕四方四方流之士少安帑而外其務方輸夏箴曰中不容利民乃外次開望曰土廣

無守可襲伐土狹無食可圍竭二禍之來不稱之災

孔曰漕轉流歸言移內入也夏箴禹之戒書也利福業次舍于田開望古書名也政以人士相稱爲善愚謂發政以漕如大聚篇所云是

也外務謂設業于外使各輸穀以養圍竭圍之以待其竭

潛夫論引此云土多人少莫出其材是謂虛土可襲伐也土少人衆民非其民可遺竭也是故土地人民必相稱也

天有四殃水旱饑荒其至無時非務

積聚何以備之夏箴曰小人無兼年之食遇天饑妻子非其有也大夫無兼年之食遇天饑臣妾輿馬非

其有也國無兼年之食遇天饑百姓非其有也戒之哉弗思弗行禍至無日矣明開塞禁舍者其取天下

如化不明開塞禁舍者其失天下如化

孔曰積材用聚穀蔬古者國家三年必有一年之儲非其有言流亡也不明謂失其機變化之頃謂其疾丁曰開塞開源節流也禁粥熟室市舍舍用振穹此節及孔

注舊有訛脫據羣書治要太平御覽玉海所引增訂

人各修其學而尊其名聖人制之

丁曰衣食足則禮義興制之言制禮也

故諸橫生盡以養從生從生盡

以養一丈夫

孔曰橫生萬物也從生人也一丈夫天子也言兆民養天子也從子容反

無殺天胎無伐不成材無墮四時如此者十年有十年之積

者王有五年之積者霸無一年之積者亡生十殺一者物十重生一殺十者物頓空十重者王頓空者亡

此言積聚之不可緩也霸若昆吾大彭豕韋也孔曰生多則重生少則空

兵強勝天人強勝天能制其有者則能制人之有不能制其有者則人制之

令行禁止王之始也

孔曰勝天謂有天命故書王下脫之字據羣書治要補

出一曰神明出二曰分光出三曰無適異出四曰無適與無

適與者亡

此言威柄不可下移也孔曰政出二臣分君之明光亦明也君臣無適異民無適與不亡何待適丁歷反主也專也

### 柔武弟二十六

維王元祀一月既生魄王召周公旦曰嗚呼維在文考之緒功維周禁五戎五戎不禁厥民乃淫

孔曰此文王卒

之明年春也愚謂據此可知史記漢書謂武王不改元之謬一月周正月也在察也緒謂未竟之業周而也五戎五者致戎之道

一曰土觀幸時政匱不疑二曰獄讐刑蔽姦吏濟貸

三曰聲樂。四曰飾女減德。五曰維勢是輔。維禱是怙。六曰盤游安居。枝葉維落。五者不距。目生戎旅。

興土功築

游觀微幸于閒暇之時。譬謂驚獄蔽罔濟成貸。忒輔附盤樂也。枝葉維落言臣民解體距絕也。

故必以德爲本。以義爲術。以信爲動。以威爲心。以決爲計。以節爲勝。

成其功也。

務在審時。紀綱爲序。和均道里。以匡辛苦。見寇□戚。靡適無□。勝國若化。不動金鼓。善戰不鬪。故

曰柔武。四方無拂。奄有天下。

匡救也。孔曰辛苦窮也。拂違也。無拂言威也。王念孫曰適與敵同。無下闕文當是下字。

### 大開武第二十七

維王一祀二月。王在鄧。密命訪於周公。且曰嗚呼。余夙夜維商。密不顯。誰和告歲之有秋。今余不獲。其落

若何。

前篇云元祀。此不應云一祀。且距伐紂時尙遠。或是十祀之訛。下篇做此。盧曰密如君不密之密。蓋云茲事密不顯。誰其與我。合意者愚謂落落實取材也。是時紂已疑周。周亦忌商矣。

周公曰。茲在德。敬在周。其維

天命。王其敬命。遠戚。

忠信爲周。戚憂也。

無干和。無再失。維明德無佚。佚不可還。維文考恪勤戰戰何敬。何好何惡。

時不敬殆哉。

干和謂賞罰刑政之乖。再失貳過也。佚逸豫也。一日偷安。雖悔無及。何敬言無所不敬。何好何惡。言無有作好作惡也。干故書作十。茲依了本。

王拜曰。允哉。余聞國有四戚。五和

七失九因十淫非不敬不知今而言維格余非廢善以自塞維明戒是祗

孔曰言非不欲敬而未知所聞而汝格至也是祗敬之愚謂塞滿也

周公

拜曰茲順天天降寤于程程降因于商商今生葛葛右有周維王其明用開和之言言孰敢不格

趙云降寤于程

即指太姒之夢愚謂葛蔓延之草喻政亂也右助也言昔天寤周以夢因商政已失今商更淫戲自絕于天是右助有周也開和疑是謬名未詳

四戚一內同姓二外婚姻三官同師四哀同勞

妻父曰婚壻父曰姻師長也同師同僚也姓舊作外茲從丁本

五和一有天維國二有地維義三同好維樂四同惡維哀五遠方不爭

得天心方能享國資

地之利以和義同好惡言人和也不爭孔曰以文德來遠

七失一立在廢二廢在祗三比在門四諂在內五私在外六私在公七公不違

趙曰立在

廢立者在所廢也廢在祗廢者在所祗也孔曰暱比近諂公私干錯公法不能違之所謂失愚謂立即八柄之置也私在外外寵也私在公假公濟私也

九因一神有不饗二德有不守三才有不官

四事有不均五兩有必爭六富有別七貪有匱八好有遂九敵有勝

不誠則不饗命去則不守用違其才則不官事有難易簡繁故不均物莫能兩大疑則戰故必

爭富有別教之禮也好有遂天從民欲也敵有勝戰不正勝也

十淫一淫政破國動不時民乃不保二淫好破義言不協民乃不和三淫樂破

德德不純民乃失常四淫動破醜醜不足民乃不讓五淫中破禮禮不同民乃不協六淫采破服服不度

民乃不順。七淫文破典，典不式教。民乃不類。八淫權破故，故不法官。民乃無法。九淫貸破職，百官令不承。

十淫巧破用，用不足，百意不成。

政賦斂徭役，淫好聲色犬馬之屬，協協于義也。動謂賞罰舉錯，破醜不足以勸懲也。淫中傲惰也。淫采間色不衷之服，淫文巧言深文變亂舊章，式用類善也。權權勢故典，故官不率成憲，則

民無法守貸，假也以名器假人，則無以勸功，故令之而不承。淫巧必費財財匱，則事不成。民乃不保舊脫，乃字依北堂書鈔增。

嗚呼！十淫不違，危哉！今商維茲。

維去也。孔曰：言商紂。其唯所行如此十者之弊。

弟茲命不承，殆哉！若人之有政令，廢令無赦，乃廢天之命，訖文考之功緒，忍民之苦不祥。

弟次弟，天將以周繼商，宜益敬德以

承之。孔曰：廢政令則罪不赦，而乃廢天命，絕父業，忍民患，是不祥也。

若農之服田，務耕而不耨，維草。其宅之既秋而不穫，維禽。其饗之人而獲飢，云

誰哀之。

服田，力田也。宅如甲宅之宅，根也。虛曰：即肯播肯穫之意。欲武王纘承文考之功緒。

王拜曰：格乃言。嗚呼！夙夜戰戰，何畏非道，何惡非是，不敬，殆哉。

孔曰：王心以周公

言爲至，故拜也。

### 小開武弟二十八

維王二祀一月，既生魄，王召周公旦曰：嗚呼！余夙夜忌商，不知道極，敬聽以勤天命。

屈惡也。惡其淫亂。

周公拜手

稽首曰在我文考。順明三極。躬是四察。循用五行。戒視七順。順道九紀。是正戒警道由紀理也。孔曰皆文王之所行。三極既明。五行

乃常。四察既是。七順乃辨。明勢天道。九紀咸當。順德以謀。罔惟不行。勢當為。三極。一維天九星。二維地九

州。三維人。四左。孔曰九星四方及五星也。四左疏附。禦侮奔走先後是也。愚謂九星正歲時辨封域。察祿祥九州。奠山川則土。四

察。一目察維極。二耳察維聲。三口察維言。四心察維念。四者審其邪正。洪範之明。五行。一黑位水。二赤位火。三

蒼位木。四白位金。五黃位土。五行九疇之首位。之所以修六府。七順。一順天得時。二順地得助。三順民得和。四順利財足。五

順得助明。六順仁無失。七順道有功。孔曰順天時得天道。順道有功得人功。愚謂順利。因利也。順得當為順德。助明謂輔助者明作有功也。九紀。一辰以紀日。二宿以

紀月。三日以紀德。四月以紀刑。五春以紀生。六夏以紀長。七秋以紀殺。八冬以紀藏。九歲以紀終。從子孟亥為辰。

醜以甲乙所以紀日。宿次也。星紀至析木。月與日會之次也。日陽精常實。故紀德。有魯則修德。月陰宗有盈不闕。故紀刑。有魯則修刑。孔曰日為禮。月為法。四時終則成歲。時候天視可監。時不失以知吉凶。三月為時。

五日為候。視示同。監時不王拜曰。允哉。余聞在昔。訓典中規。非時罔有恪言。日正余不足。惠棟曰恪。古文格字。

先。兼三極。四察。七順言之。

維王三祀二月丙辰朔王在鄙召周公旦曰嗚呼敬哉朕聞曰何脩非躬躬有四位九德何擇非人人有

十姦何有非謀謀有十散不圍我哉何慎非言言有三信信以生寶寶以貴物物周爲器美好寶物無常

維其所貴信無不行

位所以立德所以行姦讀爲奸亂也散雜也圍困苦之意信者國之寶凡所謂寶者以物之可貴物周于用爲器天下美好之物不一惟視其君之所貴重若以信爲寶則蠻貊可行四海皆準三祀唐書大衍厯議引作

元祀今以周厯推之武王元年元餘四百九十二天正己未朔人正戊午朔惟建午月爲丙辰朔耳三年二月亦非丙辰朔當闕疑

行之以神振之以寶順之以事明衆以備改口以庸庶

格懷患

神慎也振動也衆庶來歸猶懷後患

四位一曰定二曰正三曰靜四曰敬敬位丕哉靜乃時非正位不廢定得安宅

丕大哉始

也慎終于始時非待時而動廢失宅居也

九德一孝孝子畏哉乃不亂謀二悌悌乃知序序乃倫倫不騰上乃不崩三慈惠知長

幼知長幼樂養老四忠恕是謂四儀風言大極意定不移五中正是謂權斷補損知選六恭遜是謂容德

以法從權安上無慝七寬弘是謂寬宇準德以義樂獲純嘏八溫直是謂明德喜怒不郟主人乃服九兼



武是謂明刑惠而能忍尊天大經九德廣備次世有聲

孝者必敬敬畏必無亂謀倫理次也不騰不相超越崩墜失之意四儀四方所儀則風言流言大極已甚也權斷謂權其中正

而斷之選善也補不足損有餘以臻至善也容德有容之德字器字恭遜寬宏恐近優柔故濟之以法義純大嘏福也溫直溫厚易直也邾間也喜怒以理故無間隙主人爲人主也武刑之大者溫肅並行天之大經次世猶言累世故書孝字不重而衍一上字今訂

姦一窮□于靜二酒行于理三辯惠于智四移潔于清五死勇于武六展允于信七比譽于讓八阿衆于

名九專愚于果十懷孤于貞

惠讀爲慧移讀爲侈自多其潔若陳仲子之類死勇期死也展允必信也國語所謂復言不謀身也比譽號名也專愚愚而自專也懷諫者必孤立姦謝云當作干古字姦作奸奸與干通用史記尙

以漁釣奸周是也行去聲惠與慧通孔融傳將不早惠乎謂早慧也移與侈通堯氏侈奔故書作移是也比如字阿衆同流合汚也

十散一廢□□□□行乃泄□□□□□□三淺

薄聞瞞其謀乃獲四說眇輕意乃傷營立五行恕而不願弗憂其圖六極言不度其謀乃費七以親爲疏

其謀乃虛八心私慮適百事乃僻九愚而自信不知所守十不釋大約見利忘親

孔曰聞瞞不察謂所謀也虛曰說眇即佻佛不厚重也極

言不度謂汗漫也丁曰乃傷營立謂敗其所經營創立者愚謂閉私也瞞閉目之貌獲猶淮南子不獲五度之獲誤也行恕不願言與人

不想贊拂也逆于理也適專主也心存固我故僻而不中釋解約要也言不中窳窳間如字後漢書獨行傳聞窳歸家注云私也說音

脫眇音挑贊音弗中庸費而隱釋文本作拂適丁麻反

三信一春生夏長無私民乃不迷二秋落冬殺有常政乃盛行三人治百物物德

其德是謂信極。政法天以爲信。信至而物感也。信既極矣。嗜欲□在在不知義。欲在美好有義。是謂生寶。以義輔信。信乃可寶。好呼報切。周公

拜手稽首興曰。既能生寶。恐未有臣。子孫其敗。既能生寶。未能生仁。恐無後親。王寶生之。恐失王會。道維

其廢。王會。可王之機也。故書。臣在曰字下。茲依丁本。王拜曰。格而言維時。余勸之以安位。教之廣用。寶而亂亦非我咎。上設榮祿。不

患莫仁。安以四位則能擇人。教以九德則民興仁。又設爵祿以勸之。豈患無仁哉。仁以愛祿。允惟典程。既得其祿。又增其名。上下咸勸。孰不競仁。維子

孫之謀。寶以爲常。愛惜也。擇仁而祿之。是愛祿也。賢臣迪哲。記于功載。是得祿而又增其名也。

### 鄭謀弟三十

維王三祀。王在鄭。謀言告聞。此距伐紂時尙有八年。云三祀疑。誤。商謀伐周人以其謀告武王。王召周公旦曰。嗚呼。商其咸辜。維日望謀建功。謀

言多信。今如其何。孔曰。商君臣皆罪周。日望以周建功也。周公曰。時至矣。乃興師循故。言謀言果信。則時至矣。我當興師承之。故初也。謂用三同三讓三虞也。初用三同。一

戚取同。二任用能。三矢無聲。戚親。矢誓也。無聲不譁也。皆欲其同心。三讓。一近市。二賤粥。三施資。孔曰。以財讓也。近來。民市施資以恩也。三虞。一邊

不侵內。二道不毆牧。三郊不留人。

禦之于竟。不使內侵。不敵。致不留人。防鈔掠及間謀。

王曰。嗚呼。允從三。三無咈。厥徵可因。

言三者前用之而無遠。既有徵矣。可

因而用之。

與周同愛。愛微無疾。疾取不取。疾至致備。曲禱不德。不德不成。害不在小。終維實大。悔後乃無。

與助微無疾惡。

也。言今天下諸侯助周者皆愛周者也。次之雖不愛周亦無惡周之意。則商雖惡周不能取也。然在周不可不為之備。不然曲禱之而神不德。事不成。厥害非小。後悔無及。曲舊作由據。孔注曰。曲為非義。神不德之是孔本作曲也。今正。

帝命不諂。應

時作謀。不敏殆哉。

孔曰。帝天。諂。僭。敏疾也。

周公曰。言斯允裕。誰從已出。出而不允。乃菑。往而不往。乃弱。士卒咸若。周一

心。已謂紂也。諸侯皆已叛商。誰從之出。不允是菑。不往是弱。吾惟撫我士卒使之咸順。周一心以應時而已。

### 寤儆第三十一

維四月朔。王告儆。召周公。且曰。嗚呼。謀泄哉。今朕寤有商驚予。

孔曰。夢為紂所伐。故驚。

欲與無口。則欲攻無庸。以王不

足。戒乃不興。憂其深矣。

乃猶而也。

周公曰。天下不虞周。驚以寤王。王其敬命。

虞。度也。言無叛意。

奉若稽古。維王克明三德。

維則戚和。遠人維庸。致王禱。赦有罪。懷庶有茲。封福。

奉。承若。順稽。同。古。天也。言承順天道。合于天之無私。則民歸往之。孔曰。三德。剛柔正直。和近人。則遠人用。庶衆封。大也。愚謂庶有猶庶類。

也。監戒善敗。護守勿失。無爲虎傅翼。將飛入邑。擇人而食。

爲虎傅翼。喻助凶暴。爲字舊脫。據韓非子及文選注增。傳音附。

不驕不吝。時乃無敵。

驕。泰。齊。尚也。

齊本作憐。

王拜曰。允哉。余聞曰。維乃子謀。謀時用臧。不泄不竭。維天而已。

乃。汝也。謂公之謀。王亦前聞之。臧。善也。泄。急緩。竭。竭。言天運有常。故順天者。

不可先時。

後時也。

余維與汝。監奮之葆。咸祇曰。戒戒維宿。

曰當爲日。孔曰。言戒于心宿。古文夙。

此  
页  
空  
白

# 逸周書集訓校釋四

## 武順第三十二

天道尙左。日月西移。地道尙右。水道東流。人道尙中。耳目役心。

西移陽趨于陰。東流陰趨于陽。孔曰耳目爲心所役也。

心有四佐。不和曰

廢。地有五行。不通曰惡。天有四時。不時曰凶。

孔曰四佐脾腎肺肝也。愚謂廢廢疾也。水木火土金不生則氣化絕不相勝則功用匱凶災也。春秋傳曰天反時爲災。

天道曰祥。地

道曰義。人道曰禮。知祥則壽。知義則立。知禮則行。禮義順祥曰吉。

祥象也。天事恆象。義宜也。高卑燦陳各有宜也。人如天之無爲則壽。

吉禮左還。順

天以利本。武禮右旋。順地以利兵。將居中軍。順人以利陳。

本謂治國之本。陽主生。陰主殺。故喪禮亦尙右也。

人有中曰參。無中曰兩。兩

爭曰弱。參和曰強。男生而成三。女生而成兩。五以成室。室成以生民。民生以度。

謝曰有中無中謂男女形體。孔曰陽奇陰耦五謂相醜成室。

左右手各握五。左右足各履五。曰四枝。元首曰末。

孔曰四枝手足元首頭也。虛曰易大過象云本末弱。本謂初末謂上又說文云木上曰末則以元首爲末理固然也。

五五二十

五曰元卒。一卒居前曰開。一卒居後曰敦。左右一卒曰閭。四卒成衛曰伯。

開即啓。司馬法大前驅啓。詩元戎十乘以先啓行是也。敦厚也。即殿也。左右一

卒如里之有門故曰闔四卒百人克殿篤百夫是也他書皆言五伍爲兩四兩爲卒蓋後所改

三伯一長曰佐三佐一長曰右三右一長曰正三正一長曰卿三卿

一長曰辟

盧曰伯統四卒百人以下皆三三而益佐十二卒三百人右三十六卒九百人正百八卒二千七百人卿三百二十四卒八千一百人辟九百七十二卒二萬四千三百人愚謂此周初三軍之制卿爲軍帥則正爲中大夫右爲下大夫佐爲上士伯

爲中士乎

辟必明卿必仁正必智右必肅佐必和伯必勤卒必力

孔曰卒二十五人之帥故以勇力爲之也和肅舊互易茲從了本

辟不明無以慮官

卿不仁無以集衆伯不勤無以行令卒不力無以承訓

慮計度也集和也行奉行也

均卒力貌而無比比則不順均伯勤

勞而無攜攜則不和均佐和敬而無留留則無成均右肅恭而無羞羞則不興辟必文聖如度

均同也貌若荀子情貌之

盡謂恭敬也無比欲其各致死力無攜欲其勞而不怨留遲滯也羞縮慝之意興奮發也文者以文德經武功孔曰聖君所爲如度度功不有差也比毗志反王念孫曰比當爲北古文背字

元忠尙讓親均惠下集固介

德元忠忠之大者讓謂不爭功不伐善親均惠下則能安集固守大德

危言不干德曰正正及神人曰極世世能極曰帝

孔曰不干謂不犯也愚謂正直之德孚于上下則造其極矣道數于

後裔則世世能極矣

武穆弟三十三

若稽古曰昭天之道熙帝之載揆民之任夷德之用總之以咸殷等之以□禁成之以□和咸康于民

卿格維時監于列辟敬惟三事永有休哉

前篇訓軍制此篇訓軍政也天道溫肅生殺之道熙廣也帝載謂六府三事所以教養萬民者也任以九職任之也災常咸和也言將總此以誠和股民也等齊也

虛曰列辟周上世之賢君所當取法者也闕處

三事一倡德二和亂三終齊德有七倫亂有五遂齊有五備

倫理遂通

疑是九禁五和九禁見大開篇五和見大開武篇

備具也

五備一同往路以揆遠邇二明要醜友德以衆爾庸三明辟章遠以肅民教四明義倡爾衆教之以

服五要權文德不畏強寵

揆遠邇以節勞逸要醜善惡之要友德順德也衆力競之意庸功辟法章明倡率服行也不畏強寵言法行自貴

五遂一道其通以決其雍二絕□

無赦不疑三挫銳無赦不危四閑兵無用不害五復尊離羣不敵

道由也通迎服者決攻之也雍抗拒者挫折也謂不用命而敗弱者閑兵無用未詳復覆也孔曰覆

離故不敵也道音導雍塞也古無雍字復音福

七倫一毀城寡守不路二通道不戰三小國不凶不伐四正維昌靜不疑五睦忍寧

于百姓六禁害求濟民七一德訓民民乃章

毀圯也不路師不入其境道通則不戰不主于殘民凶惡也正其綱維昌明安靜言有道之邦也和睦容忍以安百姓禁害禁侵掠章謂明于教訓

哉欽哉余夙夜求之無射

射厭也射音亦



和寤弟三十四

王乃出圖商。至于鮮原。召邵公奭。畢公高。

時蓋武王十年也。鮮原近程邑。小山別大山曰鮮。蒐以簡軍實。爲伐商計也。邵公周之同姓。畢公文王庶子。邵畢皆采地。今鳳翔府岐山縣境有邵亭。西安府咸陽

縣北有鮮原。

王曰。嗚呼。敬之哉。無競惟人。人允忠。惟事惟敬。小人難保。

強國以賢治事。惟敬保安之也。

后降惠于民。民罔不格。惟風

行賄。賄無成事。

孔曰。人之歸惠如草應風。如用賄則無成事。

繇繇不絕。蔓蔓若何。豪末不掇。將成斧柯。

繇繇微細也。蔓蔓曼衍也。銳毛爲豪。纖緒爲末。掇拾取也。柯斧柄也。孔曰。

言防患在微。

王乃厲翼于尹氏八士。唯固允讓。

厲作也。翼佐也。尹氏八士。或云卽達。迺突。忽夜。夏。隨。驕也。王以作爲翼佐之任。任之八士。八士固讓而陳其謨。如下文所云者也。厲。孔讀爲勵。云獎厲也。

德

降爲則。振于四方。行有令問。戾和不逆。加用禱巫。神人允順。

法本于德。有諸已而後求諸人也。振。整理也。事成民和罔有違逆。

武寤弟三十五

王赫奮烈。八方咸發。高城若地。商庶若化。

武王伐紂。不期而會孟津。八百諸侯。是八方咸發也。若地。不待攻而無阻也。若化。不徠而歸附也。

約期于牧。案用師旅。

牧地。

名。在朝歌南七十里。今衛輝府汲縣地。呂氏春秋曰。武王伐紂。至賄水。紂使膠鬲候周師曰。將何之。武王曰。將之股。膠鬲曰。將以何日至。曰。將以甲子至商郊。是約期于牧也。案發聲。案。烏汗反。荀子王制篇注云發聲也。

商不足滅。分禱上下。

孔曰子牧野將戰先禱天地也

王食無疆王不食言庶赦定宗

丁曰不食言謂先有此庶赦定宗之言克紂後必不食之庶赦指無罪而爲紂所囚者愚謂庶赦猶云脅從罔治定宗者定其宗主立武庚也

尹氏

八士大師三公威作有績神無不饗

大師呂尙也三公據克殷篇是周公邵公畢公也孔曰言羣臣皆謀立功而神明饗其禱

王克配天合于四海惟乃永寧

合讀

爲洽

### 克殷第三十六

周車三百五十乘陳于牧野帝辛從

尙書序曰惟十有一年武王伐殷唐志稱竹書紀年云武王十一年庚寅周始伐商則牧野之戰在周正爲十一年二月商正爲十一年正月也呂覽首時篇言武王立十二年而

成甲子之事管子及家語並同者以文王薨年爲武王元年故也若漢志以爲十三年又連文王受命年數之謬矣帝辛紂之號從逆戰也周歷武王十一年元餘五百二積月六千二百有八閏餘十八積日十八萬三千三百二十七小餘四百九十二大餘二十七天正辛卯朔十六日丙午故世俘曰維一月丙午勞生魄是月小盡二月庚申朔故又曰二月既死魄越五日甲子朝至接于商

武王使尙父與伯夫致師

尙父太公望伯夫四卒百人也致師挑戰也周禮注曰致其必戰之志古者將

戰先使勇力之士犯敵焉

王既誓以虎賁戎車馳商師商師大崩

軍旅曰誓今尙書牧誓是也虎賁禁旅也周禮虎賁氏掌先後王而趨以卒伍與司右戎右之職不同梁玉繩謂即車存非也孟子曰武王伐

殷虎賁三千人賁音奔

商辛奔內登于鹿臺之上屏遮而自燔于火

鹿臺在朝歌城內新序曰紂爲鹿臺七年而成其大三里高千尺竹書謂之南單之臺孔曰屏遮自障愚案史記云紂衣其寶玉衣

赴火而死是也。武王乃手大白以麾諸侯。諸侯畢拜，遂揖之。  
手持也。孔曰：大白，旗名。揖，諸侯共追紂也。愚謂通帛為纛。夏大黑，殷犬白，周大赤，皆以色別之。諸侯拜賀武王也。 商庶百

姓。咸俟于郊。羣寶僉進曰：上天降休，再拜稽首。武王答拜。  
庶，庶民。百姓，百官。俟于郊，待武王也。羣寶，周之羣臣。子商為寶，休美也。弔商庶百姓而慰安之，商人則再拜稽首若崩厥

角。王獨答拜者。  
羣寶嫌不敢當。 先入適王所，乃克射之。三發而後下車，而擊之以輕呂，斬之以黃鉞，折縣諸大白。  
孔曰：輕呂，劍名。折絕其首。

愚謂黃鉞以黃金飾之。此事世多疑之。然墨子云：武王折紂而係之赤纆，載之白旗。荀子云：紂縣于赤旆。尸子云：武王親斫殷紂之頸，汲郡古文云：王親禽紂于南單之臺，正與此同。孟子所謂聞誅一夫紂，未聞弑君也。  
縣音圓。 乃適二女之所。

既縊，王又射之三發，乃右擊之以輕呂，斬之以玄鉞。縣諸小白。  
孔曰：二女，妲己及嬖妾。縊，自縊也。玄鉞，黑斧。小白，旗名也。愚謂司馬法曰：夏執玄鉞，殷執白鉞。玄鉞用鐵。

不磨礪，小白者雜帛為物。  
除地為場。 乃出場于厥軍。  
孔曰：平治社以及宮，徹宜去者。宜居者遷居焉。此 及期，百

夫荷素質之旗于王前。  
孔曰：素質，白旗。前為王道也。一作以前于王。荷音禍。 叔振奏拜假，又陳常車。  
叔振，武王弟曹叔振鐸。奏，進假。嘉也。進白于王，言將拜受天之嘉命也。常車，威儀車。繼太

常畫。周公把大鉞，召公把小鉞，以夾王。散宜生、泰顛、閔夭皆執輕呂以奏王。王入即位于社，太卒之左。羣

臣畢從。  
大柯，斧重八斤。小者半之。奏，讀如湊，亦夾衛之意。王立于社南。而屯卒于其西以衛也。召公，史記作畢公。散宜生，依史記增。 毛叔鄭奉明水，衛叔封傅禮，召公奭贊采，師尚

父牽牲。毛叔名鄭。文王庶子。明水。元酒。取陰陽之潔氣也。衛叔封。康叔也。傳禮。相儀。蓋攝宗伯史記作布茲所見本異。贊佐采幣。蓋攝冢宰。牽牲攝司徒也。尹逸筮曰：殷末孫受德，迷先成湯之明。

侮滅神祇不祀，昏暴商邑百姓。其章顯聞于昊天上帝。武王再拜稽首，膺受大命，革殷受天明命。武王又

再拜稽首，乃出。尹逸，史佚，疑卽八士之叔夜。夜逸聲相近。筮，祝文也。受德，紂之名。孔曰：神祇，天地也。舉天地，則宗廟以下靡可知也。受天大命以改殷，天明命王天下也。愚謂祝未畢而先拜稽首，以將云膺受大命也。祝畢又再拜稽首，敬受天之明

命也。筮，依說文當作册，膺受大命以下十七字，據史記及文選注所引補。立王子武庚，命管叔相。武庚，紂子，祿父，殷初定。未集，故命管叔相之。乃命召公釋箕子之囚，命畢公

衛叔出百姓之囚，表商容之閭。箕子名胥餘，紂諸父，釋徑出之，出謂慮其罪而出之。商容，殷賢者，紂廢之，故表其閭。表商容之閭五字，諸本俱脫，據史記補。乃命南宮忽振鹿臺之

錢，散巨橋之粟。南宮，忽，仲忽也。振，散之以拊窮乏。史記曰：紂厚賦稅，以實鹿臺之錢，盈鉅橋之粟。服虔云：鉅橋，倉名，許慎曰：鉅鹿水之大橋也。故書錢作財，又脫散字。據太平御覽八百三十五卷訂。乃命南宮百達、史

佚、遷九鼎三巫。孔曰：鼎，王者所傳寶。三巫，地名。陳逢衡曰：巫與筮通。三巫，商人卜筮之重器。洪頤煊曰：周本紀作展九鼎寶玉，三巫疑卽寶玉之譌，愚謂洪說近是。乃命閔天封比干之墓。比干亦紂諸父，諫紂

而死，封而樹之，禁樵采者，括地志云。乃命宗祝崇賓饗禱之于軍。宗祝，主祭祀之官。崇賓，人姓。名孔曰：饗祭前所禱之神。乃班。孔曰：還，鄆京也。

世俘弟三十七。舊弟四十，今移此。使與克殷相次。世大古通用。世俘者大俘也。孔廣森經學危言曰：書序武王伐殷，往伐歸獸，識其政事，作武成。蓋孟子所謂驅虎豹犀象而遠之者，出於此篇。漢律厯志引武成曰：惟一月壬辰旁死霸云云。今世俘

籍具有其語。又載虎二十有二云。頗與歸獸事相類。意武成世俘文多大同。但孟子所讀武成有血之流杵。世俘無之。則又未可竟以當武成耳。

維四月乙未日。武王成辟。四方通殷命有國。四月建卯之月。乙未。月七日也。武王既歸。成天下君。乃殞克殷之命于列邦。孔曰。此克紂還歸而作也。

維一月丙午。旁生魄。若翼日丁未。王乃步自于周。征伐商王紂。越若來。此追敘伐紂逮師之日也。據古文武成。周師以十一年建子月三日癸巳乃行。十六日丙午逮師。此言丁未。差一日耳。旁近也。生魄。望也。王引之曰。越若。詞也。來至也。

二月既死魄。越五日甲子。朝至接于商。則咸劉商王紂。執

矢惡臣百人。孔曰。朔為死魄。惠曰。接讀為捷。愚謂咸讀為戔。絕也。劉。殺也。矢如殺生相矢之矢。乖也。矢惡臣。費廉惡來之輩。禮內則接以大牢。鄭讀為捷。說文云。戔古文讀若咸。殺生相矢大元文也。太公望命禦方來。

丁卯。望至。告以誠俘。孔曰。大公受命。追禦紂黨。方來。愚案丁卯月八日。戊辰。王遂禦循。追祀文王。時日王立政。戊辰。九日。孔曰。禦循。追祀以克紂。告祖考。壇帷而祭。是日立王。

政布天下。愚案說文云。禦。祀也。蓋祀天即位也。循。因也。追祀。以王禮祀之。禮大傳云。牧之野。武王之大事也。已事而退。柴于上帝。遂設奠于牧室。即說此事也。呂他命伐越戲方。壬申。荒新至。告以誠俘。侯

來命伐靡。集于陳。辛巳。至。告以誠俘。甲申。百弁以虎賁誓命伐衛。告以誠俘。呂他。荒新。侯來。百弁。皆將也。越。戲方。陳。衛。皆紂邑。壬申。十三日。丁曰。呂他。

之命不言至。荒新之至不言命。恐有訛文。愚謂或荒新與他偕命。錯舉互文也。越未詳。戲。戲陽。在彰德府內黃縣北方。防陵。在彰德府安陽縣西南。靡。集。紂黨。寰宇記曰。衛州汲縣古陳城也。辛巳。二十二日。甲申。二十五日。他音佗。惠棟云。呂他。南宮氏。越戲方一作反虎方。

見南宮  
中鼎銘

辛亥薦俘殷王鼎武王乃翼矢珪矢憲告天宗上帝

辛亥即下文辛亥四月二十三日此篇非一人所記故錯出于此鼎即九鼎翼嚴敬也矢陳也珪鎮珪長尺二寸憲憲令天宗日月星辰

上帝昊天上帝

王不革服格于廟秉黃鉞語治庶國籥人九終

不改祭天之服而格廟急于語治也秉鉞示當斷制天下焉籥如笛長三尺三孔或曰六孔吹之以節舞九終九成也舊脫黃鉞

二字依下文例增

王烈祖自大王大伯王季虞公文王邑考以列升維告殷罪

孔曰虞公虞仲邑考文王子也愚謂上文追祀文王未及列祖此乃備焉以列升謂以王禮祀

三王以侯禮祀大伯虞仲邑考也

籥人造王秉黃鉞正國伯

造進也國伯八州之伯

壬子王服袞衣矢琫格廟籥人造王秉黃鉞正邦君

周禮曰琫圭以易行以除懸注云圭有鋒尺二寸征伐誅討之象邦君庶邦之君

癸丑薦殷俘王士百人籥人造王矢琫秉黃鉞執戈王入奏庸大享

終王拜手稽首王定奏庸大享三終

孔曰王士紂之士而囚俘者愚謂庚戌用俘主燎懸首之旂此乃獻俘也執戈虎賁氏執以衛王庸大鐘也肆夏變遏渠本大享之樂以金奏之故云奏庸大享三終周公制樂王

出入奏王夏定安也殷俘王士或作俘殷王士庸鏞本字經典皆作鏞

甲寅謁戎殷于牧野王佩赤白旂籥人奏武王入進萬獻明明三終

謁告也以克殷牧野

之事告也赤白旂翼王如佩武明明皆詩篇名萬舞干舞也夏小正曰萬用入學

乙卯籥人奏崇禹生開三終王定

孔曰崇禹生開皆篇名愚案國語衛彪侯曰武王克殷作飫歌曰天之所支不可壞也其所壞亦不

可支也。豈即禹乎。連日有事者。庚戌以郊天告廟。辛亥以追王告廟。壬子正邦。君癸丑薦俘。甲寅告牧野之事。惟乙卯以庶邦君助祭為正祭焉。自辛亥薦俘殷王鼎以下。至此若移後。至于沖子之下。則順矣。

庚子。陳本命伐磨。百韋命伐宣方。新荒命伐蜀。乙巳。陳本新荒。蜀磨至。告禽霍侯。艾侯。俘佚侯。小臣四十

有六。禽禦八百有三十兩。告以馘俘。百韋至。告以禽宣方。禽禦三十兩。告以馘俘。百韋命伐厲。告以馘俘。

孔曰。此復說克紂所命伐也。庚子。閏二月十一日。梁曰。磨者歷之譌。路史國名紀。鄆商時侯國。盧曰。黃歇說。秦曰。割濮歷之北。歷近濮。愚謂今山東東昌府濮州南有麻山。泰安府泰安縣西有蜀亭。河南懷慶府修武縣北有濁鹿城。然距朝歌俱遠。非五日能往返也。霍侯都歷。艾侯都蜀。佚侯蓋附近小國。來助霍艾者。曆讀如厓。艾本或作文。三十舊譌作三百。

武王狩。禽虎二十有二。貓二。麋五千二百三十五。犀十有二。鼈七百二十有一。熊百五十有一。羆百一十

有八。豕三百五十有二。貉十有八。麀十有六。麇五十。麋三十。鹿三千五百有八。孔曰。武王克紂。遂總其圃所獲禽獸。愚謂此孟子所謂驅虎豹犀象

而遠之者也。貓似虎而淺毛。麋似鹿。澤獸。犀似牛而豕頭。庫脚黑色。有三角。一在頂。一在額。一在鼻。鼈狀如牛。尾有朱。有白。可為旄。熊似豕。山居冬。鬣勇鬪。羆如熊。黃白文。猛。慈多力。豕野豬。貉似狐。善睡。麀。鹿之大者。羆。鹿隨之。視其尾。麇似獐而小。臍有香。羆。獐也。貓或作獠。麋或作糜。歷一作鹿。麀舊亦為麋。依梁處素說改。武王遂征四方。凡愬國九十有九。國。馘。曆。億有十萬七千七百七十有九。俘人三億。

萬有二百三十。凡服國六百五十有二。

孔曰：愍惡也。武王以不殺爲仁，無緣誠億也。俘讖之多，此大言之也。盧曰：億，下不當更言十萬十字，非衍卽誤。愍徒對反，磨本作魔，或作磨，未詳孰是。

時四月既旁生魄，越六日庚戌，武王朝至燎于周，維予冲子綏文。

既旁生魄，十六日也。庚戌，二十二日。乙未成辟，至此始獻俘者，蓋將帥分征，愍國始告至也。先廟後

天者，將因其祖以達之文，文德也。勝殷，遏劉，庶自此可綏天下以文德也。

武王降自車，乃俾史佚繇書于天號。

至廟而後命作誓，示不敢專。武王乃廢于紂，初克紂于商郊，號令所伐

廢，禁錮也。伐，殺也。孔曰：言

矢惡臣百人，伐右厥甲小子鼎，大師伐厥四十夫家君鼎，帥司徒司馬，初厥于郊號。

初克紂于商郊，號令所伐

也。臣下舊衍人字，依盧說訂。

武王乃夾于南門用俘，皆施佩衣，衣先讖入。

孔曰：陳列俘讖于南門內夾道，以示衆也。愚謂獻俘者佩囊韃衣戎衣，先俘入廟。武王二字疑衍。

武王在

祀，大師負商王紂縣首白旂，妻二首赤旂，乃以先讖入，燎于周廟。

大師，樂師。負紂及二女首所縣之旂，入燎于廟。燎，非燎首也。使瞽者負之者，示紂不明，以至此也。

若翼日辛亥，祀于位，用籥于天位。

天位，南郊園丘。

越五日乙卯，武王乃以庶國祀讖于周廟，翼子冲子，斷牛六，斷

羊二，庶國乃竟，告于周廟曰：古朕聞文考脩商人典，以斬紂身，告于天子稷。

乙卯，二十七日。翼，佐助也。武王戒諸侯于乙卯助祭也。牛六羊二，未聞竟

讀爲敝，戒備也。古音也。言成湯弔伐之典，昔朕曾聞之。文考，今脩而用之。已將斬紂身事，告之天與稷矣。

用小牲羊犬豕于百神水土，于誓社曰：維予冲子，綏文考至于



冲子。孔曰百神。天宗水。土山川告誓也。

用牛于天子稷五百有四。用小牲羊豕于百神水土社二千七百有一。孔曰所用甚多。似皆益之。

商王紂于商郊。時甲子夕。商王紂取天智玉琰五環。身厚以自焚。

孔曰更說始伐紂時。天智玉之上美者。縫環其身以自厚也。太平御覽七百十八卷引作取天知

玉珥及庶玉衣身以自焚。庶玉則銷。天知玉珥在火中不銷。

凡厥有庶。告焚玉四千。孔曰衆人告武王。

五日。武王乃俾千人求之。四千庶玉則銷。天智

玉五在火中不銷。凡天智玉。武王則寶與同。

孔廣森曰。顧命越玉五重。蓋即此天智玉五。以其在火不銷。故寶之。

凡武王俘商舊寶玉萬四千。胤玉

億有八萬。

故書作俘商舊玉億有八萬。茲依北堂書鈔藝文類聚。太平御覽增補。

### 大匡第三十八

惟十有三祀。王在管。管叔自作殷之監。東隅之侯咸受賜于王。王乃旅之以上。陳誥用大匡。順九則。八宅

六位。寬儉恭敬。夙夜有嚴。

克殷後二年。王巡守方國。管管叔邑。今河南開封府鄭州地。孔曰。東隅。自殷以東。旅謁。各使陳其政事。愚謂東諸侯被紂化久。故訓以正之。咸與維新也。陳誥舊作東隅。陸麟書說據孔注當如此。今作上

東隅者。涉上文而說。

昭質非樸。樸有不明。明執於私。私回不中。中忠於欲。思慧醜詐。

質。性也。樸。儻也。執。讀爲繫。心本明。爲私所繫。則回曲而不中。故當盡心以絕物欲。慧

者智之發參之以私則詐而非質。昭信非展。展盡不伊。伊言於允。思復醜譖。孔曰：展似信而非伊，愚謂展者復言不謀身也。伊維允誠也，思之於義言乃可復譖，不信也。

伊維也，爾雅。昭讓非背。背黨雍德。德讓於敬。思賢醜爭。讓德為讓，非欲其背公植黨。雍蔽，塞也。思賢思自奮于賢。雍音擁。昭位非忿。忿非直。直

立于衆。思直醜比。位者謂其所立，忿，恚也。卓立不可奪。非有所恚於人比。阿黨也。比去聲。昭政非閑。閑非遠節。節進於政。思正醜殘。孔曰：政以道民，非禁閑之，故貴得節。愚謂

殘，虐也。昭靜非窮。窮居非意。意動於行。思靜醜躁。靜者游象外以觀物，窮則為物所困而計無所出也。意以慮行，靜則能慮，躁則寡謀。昭潔非為。為窮非涓。涓潔

於利。思義醜貪。為讀為偽，好名之人能讓千乘之國，苟非其人，單食豆羹見于色，是有時而窮也。涓亦潔也。為偽古通用。左傳：為將改立君者，又曰：子為不知義，皆作偽。昭因非疾。疾非不貞。貞固於

事。思任醜誕。丁曰：所當因者非欲急成也。疾，急也。愚謂誕，虛也。昭明九則。九醜自齊。齊則曰知。恃則死勇。齊，正也。明則去醜，謂之知。逢醜恃則必不得其死，死于勇，非知也。虛曰九

則九醜，尚少其一疑。勇如害上。則不登于明堂。虛曰：如與而同。愚案杜預曰：明堂，策勛序德，故不義之人不得升。明堂所以明道。明道惟法。明法惟人。

人。惟重老。重老惟寶。道者法之本，法待人而行。人至老而智，故老成人。國之寶也。明法句舊脫明，惟人三字依陸麟書說增補。嗚呼。在昔文考。戰戰惟時。祇祇汝其夙

夜濟濟。無競惟人。惟允惟讓。不遠羣正。不邇讒邪。汝不時行。汝害于士。戰戰，懼也。祇祇，濟濟，敬也。孔曰：汝，諸侯也。言當近正人，遠讒人，愚謂士當為事。士

惟都人孝悌子孫不官則不長官戒有敬官以長人。不官才不足以勝官。官口朝道舍賓祭器曰八宅綏比新故外內貴賤

曰六位官所治事處曰官。君與臣圖政處曰朝。道廬宿棲止行旅者舍廬舍孔曰安之比之各以其道則六位順也。大官備武小官承長備武詰戎兵也。承長從其長也。大匡封攝外用和大

中匡用均勞故禮新小匡用惠施舍靜衆封四境攝正也。正其四封而外和大國所謂守在四鄰也。均勞逸也。新故謂士大夫及賓客施施恩舍赦罪靜安也。禁請無怨順生

分殺不忘不憚俾若九則生敬在國國咸順順維敬敬維讓讓維禮辟不及寬有永假言所以抑其請而無怨者由上之仁育義正有

以順明天地之生殺也。分明也。勿狃故常。勿憚更始。言移風易俗有其漸。九則既順。生敬于國。則國人順之而敬讓風行矣。辟行假至也。言同至于王道。分明也。本呂覽注。假音格。

文政第三十九

惟十有三祀王在管管蔡開宗循王禁九憲昭九行濟九醜尊九德止九過務九勝傾九戒固九守順九

典蔡叔食邑疑即今大名府長垣縣之祭城。其後成王改封蔡仲于蔡。今汝寧府上蔡縣地。孔曰。二叔開其宗族。循鑄京之政。九者所茂政也。濟謂濟其醜以好也。愚謂傾危也。以為可危也。九憲一不類二不服三不則

四務有不功五外與內通六幼不觀國七閭不通徑八家不開刑九大禁不令孔曰。徑。路。刑法也。不令。不宣令也。愚謂類善也。不服。不從教也。外與

內通謂外臣交結近侍觀如時觀弗語之觀不觀國謂以童子從政也閻不通  
徑未詳不令下舊有路徑二字王念孫曰當爲徑路孔注誤入正文今依訂  
九行一仁二行三讓四信五固六治七義八

意九勇意當爲慧九醜思勇醜忌思意醜變思義醜思治醜亂思固醜轉思信醜奸思讓醜殘思行醜

頑思仁醜思怨也報私怨也變猶詐也轉者執持不力頑者頑鈍無廉隅自矜者以誇人也奸姦同九德一忠二慈三祿四賞五民之利六商工受資七祗

民之死八無奪農九足民之財祿常祿賞非常也敬死孔云勸葬也九者皆施德布惠之事九過一視民傲二聽民暴三遠慎而近類四法

令視示同不戒視成謂之暴慎誠亂五仁善是誅六不察而好殺七不念而害行八思前後九偷其身不路而助無漁

也類無實也路道也無衍文漁侵漁也慎誠也爾雅釋詁文類古文貌九勝一□□□□□□□□□□二□□□□□□□□□□三同惡潛謀四同好和固五師□征惡六迎

旋便路七明賂施舍八幼子移成九迪名書新孔曰潛謀潛密之謀愚謂迎旋僑云迎送委積授節故便也移如移郊移遂血氣未定端其所習則易成也迪道也有道之人以時書而用之九

戒一內有柔成二示有危傾三旅有罷實四亂有立信五教用康經六合詳毀成七邑守維人八飢有兆

積九勞休無期孔曰柔成善柔諂人也康逸也守邑無備恃其人衆皆危道愚謂地神曰示言守稷有傾危之勢罷疲也實當爲置驛也以亂立信信不義也共謀詳審而適以毀成三思反惑也兆積謂積聚財穀不賑窮乏罷音疲兆衆也積音

恣勞力報反

九守。一仁守以均。二智守以等。三固守以典。四信守維假。五城溝守立。六廉守以名。七戒守以信。

八競守以備。九國守以謀。

等義理之等。維假言至平義也。戒九戒有備則國強。假音格。

九典。一祇道以明之。二稱賢以賞之。三典師以教之。

四因戚以勞之。五位長以遵之。六羣長以老之。七羣醜以移之。八什長以行之。九戒卒以將之。

稱舉典主戚。憂位立遵表。

也。老之率之也。移習也。孔曰。將之軍旅行陳也。

嗚呼。充虛爲害。無由不通。無虛不敗。

孔曰。陰陽姦謂之充國無人謂之虛。

位長。玉海引作伍長。遵表也。廣雅釋詁文。

### 大聚弟四十

維武王勝殷。撫國綏民。乃觀于殷政。告周公曰。嗚呼。殷政總總若風草。有所積。有所虛。和此如何。

孔曰。總總。

亂也。有積有虛。言不平也。愚謂地邑民居參相得曰和。

周公曰。聞之文考。來遠賓。廉近者。

趙曰。欲來遠賓。在廉察近者之利病。使之各得其所。

道別其陰陽之利。相土地

之宜。水土之便。營邑制。命之曰大聚。先誘之以四郊。王親在之。賓大夫免列以選。赦刑以寬。復亡解辱。削

赦輕重。皆有數。此謂行風。

山南水北爲陽。山北水南爲陰。農事陽熨則早。陰寒則晚。土地之宜。如大司徒土會之法是也。水土之更因之以制城郭溝洫。聚亦邑也。在察也。免列。謂擢之衆人之中。選擇也。亡者復之。辱者解之。削則其

職。救。救其罪。數等差也。風。風聲。道。狄。胃。反。別。被。列。反。相。息。亮。反。輕。舊。闕。茲。依。丁。本。

乃令縣鄙商旅曰。能來三室者。與之一室之祿。

孔曰以一夫之耕祿之。

關關脩道。五里

有郊。十里有井。二十里有舍。遠旅來至。關人易資。舍有委。市有五均。早莫如一。送行逆來。振乏救窮。老弱

疾病。孤子寡獨。惟政所先。民有欲畜。

天子近郊五十里。此下邑之制。故得十之一。井以解渴。舍。庠。舍。可止宿。便行旅也。孔曰。均。平也。言早莫一價。惠曰。河間獻王所傳樂元語。其道五均事云。天子取諸侯之士。以立五

均。則市無二價。四民常均。強者不得困弱。富者不得邀貧。公家有餘恩。及小民矣。愚謂委。委積也。行而無資曰乏。全無生業曰窮。疾病。廢疾。癰病。發政。施仁。先是數者。皆民所欲畜者也。畜。養也。關。舊作開。依玉海訂正。資。貨也。春秋傳曰。民易資者。不求豐焉。謂交易其所有之貨也。孔。晁。云。資。易供其資。非是。

發令以國爲邑。以邑爲鄉。以鄉爲閭。禍災相卹。資喪比服。五戶爲伍。以首爲長。十夫爲什。

以年爲長。合閭立教。以威爲長。合旅同親。以敬爲長。飲食相約。興彈相庸。耦耕俱耘。男女有婚。墳墓相連。

民乃有親。六畜有羣。室屋旣完。民乃歸之。

鷦冠子云。五家爲伍。十伍爲里。四里爲扁。十扁爲鄉。管子亦以二千家爲鄉。此時周禮未定。疑亦當然。閭二十五家也。資。助比。合。服。事也。比。服。猶云通力合作。立教。

以威。故閭。胥有贖。撻之罰。旅當爲族。百家也。趙曰。功作則互相勸。是興。游惰則互相糾。是彈。惠曰。漢時有街。彈之室。蓋取則于古。孔曰。六畜。牛。馬。豬。羊。犬。雞。彈。徒。干。反。

鄉立巫醫。具百藥。以備疾災。畜百草。以

備五味。立勤人以職孤。立正長以順幼。立職喪以卹死。立大葬以正同。立君子以脩禮樂。立小人以教用。

兵立鄉射以習和容。春獵耕耘以習遷行。教芋與樹藝。比長立職。與田疇皆通。立祭祀與歲穀登下厚薄。

此謂德教。孔曰：草味不同，言五味非一也。通，連比也。登，下，隨穀豐儉也。愚謂勤人能勤恤者，正長。若書傳所言卿大夫致仕而歸，居門側之塾以教子弟是也。職，喪掌殯斂之令。大葬，族墳墓也。鄭司農云：和，閨門之內行容，謂容貌也。四時皆田，舉春以該之。習，

遷行者，習出入坐起隨行。鴈行之節，芋，草名，可爲布。言芋則桑麻可知。比，長。伍，長也。麻田曰疇。教芋與樹藝，比長之職，使一比之民。田疇，連比也。畜，百草。句，本作畜。五味，以備百草。依王念孫說，訂正芋說。文曰：草也可以爲繩。廣韻集韻並云：與芋同。王褒僮約云：多取蒲芋

益作繩索，亦名三稜。見上林賦注直呂反。若其凶土陋民，賤食貴貨，是不知政。孔曰：不順政，故曰凶。山林藪澤，以因其利。工匠役工，以攻其材。

商賈趣市，以合其用。外商資貴而來，貴物益賤。資貴物出賤物，以通其器。夫然則關夷市平，財無鬱廢。商

不乏資，百工不失其時，無愚不教，則無窮乏。此謂和德。澤無水曰藪。水鍾曰澤。役工，居肆也。合，聚也。價貴，練商。商集貨賤，資賤出貴。農商皆利器，猶用也。鬱廢，不流通也。史記計然曰：

積著之理，務完物，不息幣，言久停貨物，則無利也。時，寒溫也。若弓人春液角夏治筋，秋合三材，寒定體之類。利舊闕，今依丁本趣趨同。若有不言，乃政其凶。言教也。陂溝道路，叢草邱墳，不可

樹穀者。樹以材木，春發枯槁，夏發葉榮，秋發實蔬，冬發薪烝，以匡窮困，損其民力，相更爲師，因其土宜，以

爲民資，則生無乏用，死無傳尸。此謂仁德。陂，阪也。山旁曰陂。水注谷曰溝。容二軌曰道，容三軌曰路。柴棘萑葦爲叢。草之醫蒼爲草，土高曰邱。水崖曰墳。枯槁，謂木之槁斃者。榮華也。實蔬，草木之實可食者。

羸曰薪細曰烝。揖讀爲輯。孔曰資。資用也。傳尸。傳于溝壑。惠云。猶轉尸也。淮南子。鬱而無轉。高誘曰。轉讀作傳。山旁曰陂。釋名。文。叢俗作藪。周禮注。叢物。雀草之屬。楚辭注。柴棘爲叢。苴子。余反。管子。苴多。臙。藝注曰。謂草之翳。莠。烝。通作蒸。揖音集。漢書郊祀志。揖五瑞。正作輯。

且聞禹之禁。春三月山林不登斧。以成草木之長。夏三月川澤不入網罟。以成魚鼈之長。且以并農力。

執成男女之功。夫然則土不失其宜。萬物不失其性。人不失其事。天不失其時。以成萬財。萬財既成。放以

爲人。天下利之而勿德。是謂大仁。

春夏耕耘蠶繅之時。故禁樵漁。不但順成草木魚鼈。亦以并其力。使操執成就農桑之功。孔曰。放以爲人。放散以供人用也。土不失其宜。舊作有土而不失其宜。天下利之而勿德。是

謂大仁二句。作此謂正德。今據藝文類聚訂正。類聚放作牧。形相似。

淵深而魚鼈歸之。草木茂而鳥獸歸之。稱賢使能。官有材而士歸之。關市平。商賈歸之。分地薄斂。農民歸之。水性歸下。民性歸利。王若欲來天下民。先設其利而民自至。譬之若冬日之

陽。夏日之陰。不召而民自來。此謂歸德。

稱舉也。分地則有恆產。薄斂則有餘資。淵。舊作泉。蓋唐人避所諱也。民性舊作農民。來舊作求。並依玉海所引訂正。

五德既明。民乃知

常。各得其所而無苟且之文。

武王再拜曰。嗚呼。允哉。天民側側。余知其極有宜。

孔曰。側側。喻多。長有國也。丁曰。言人民雖多。自有治之道。側或讀爲惻。隸釋。平輿令薛君碑。側爾酸辛。

乃召昆吾。治而銘之。金版藏府而朔之。

謝曰。昆吾。掌治世官。孔曰。朔之。月朔省之也。昆吾。山出善金。見山海經注。故因以名。掌治者。爾雅云。鉗金謂之飯。



箕子弟四十一 亡

考德弟四十二 亡 舊作書  
總據序訂正

# 逸周書集訓校釋五

商誓第四十三

誓讀爲哲，篇中有商先誓王，故以商誓名篇。

王若曰：告爾伊舊何父□□□□幾耿肅執，乃殷之舊，官人序文□□□□及太史比、小史昔及百官里

居獻民□□□來尹師之敬諸，戒疾聽朕言，用胥生蠲尹。

左傳：殷民七族有饑氏，六族有蕭氏，饑即饑，蕭即蕭也。路史國名紀：相州有饑城，書序祖乙圮于耿，即邢也。執擊通詩曰：

擊仲氏任，又易震用伐鬼方，或以震爲擊，伯名，皆殷之世家大族也。比昔皆人名。里居賢民，致仕及未仕者，疾速蠲，明尹正也。執讀若至。

王曰：嗟爾衆，予言若敢，顧天命，予來致上帝之威。

命明罰，今惟新誥，命爾敬諸朕話言，自一言至于十話言，其惟明命爾。

若順也，話言善言也。

王曰：在昔后稷，惟上帝

之言，克播百穀，登禹之績，凡在天下之庶民，罔不惟后稷之元穀，用蒸享，在商先誓王，明祀上帝□□□

□亦惟我后稷之元穀，用告和，用胥飲食，肆商先誓王，維厥故，斯用顯我西土。

言猶命也，登成也，元穀嘉穀，蒸祭享食也，明祀禮祀也，闕處當是社。

稷宗廟四字，告和告民和也。

今在商紂，昏憂天下，弗顯上帝，昏虐百姓，棄天之命，上帝弗顯，乃命朕文考曰：殪商之多罪。

紂肆子小子發弗敢忘天命朕考胥翕稷政肆上帝曰必伐之予惟甲子克致天之罰帝之來革紂

之予亦無敢違大命

昏亂使天下憂弗明天之威命殪殺翕順也文王順行稷政未違致天討棄舊作奉今依丁本

敬諸昔在西土我其有言胥告商之百無

罪其維一夫予既殛紂承天命予亦來休命爾百姓里居君子其周即命

休美即就也言當受命于周

□□□□□□□□□□

爾冢邦君無敢其有不告見于我有周其比冢邦

君我無攸愛上帝曰必伐之今予惟明告爾

冢大也言我既告爾冢邦君庶其來見于周相親比乃冢邦君敢違大命無我攸愛故帝亦曰必伐之予不忍遽行天罰且明告爾

予其往

追紂遂趨集之于上帝天王其有命爾百姓獻民其有綴芴夫自敬其有斯天命不令爾百姓無告

往

日追自牧野至沫土也趨臻同乃也集成也告成功于帝天王武王自謂也綴芴盧云若絲之絕而復續草之刈而更生也宜各自敬以享斯天命我周不令爾困苦無告此克紂時所命爾者也趨音臻臻乃也爾雅釋詁文綴連也一曰贅也芴音仍草不翦曰芴

西

土疾勤其斯有何重天維用重勤興起我罪勤我無克乃一心爾多子其人自敬助天永休于我西土爾

百姓其亦有安處在彼宜在天命弗反側興亂予保奭其介

凡我勞苦而來豈爲斯天位惟恐天以我憚勤降我違天之罰且我之勤不克免者乃一心于爾衆卿大夫也保安

與。密介大也。弗舊闕。有斯勿用天命。若朕言在周。曰商百姓無罪。朕命在周。其乃先作我肆罪疾。予惟以先反側作及惻。茲從丁本。

王之道御。復正爾百姓。越則非朕負亂。惟爾在我。有斯勿用天命句。當在朕命在周下。言伐商之時。曾謂庶敕定宗。爾乃勿用天命。相率作亂。以患苦我周。則予惟以法從事而已。道御以刑。獨

教也。復反也。越則。語辭。負亂。猶。王曰。百姓。我聞古商先誓。王成湯。克辟上帝。保生商民。克用三德。疑商民弗懷。

怙亂也。在我言爾之禍福在我。

用辟厥辟。今紂棄成湯之典。肆上帝命我小國。曰革商國。肆予明命汝。百姓其斯。弗用朕命。其斯爾冢邦。

君商庶百姓。予則□劉滅之。疑定也。用剛柔正直三德之人。定商民之不安。用君天下。闕處疑是虔字。王曰。蠶予天命。維既咸汝。克承天休于我有周。

斯小國于有命不易。蠶。飛聲也。咸。皆也。皆以告也。不易。前安。處在彼之命。蠶呼郭反。急疾聲也。昔在盟津。帝休辨商。其有何國。太誓言武王渡河中流。白魚躍入王舟。既渡。有火自上至

于王屋。流爲鳥。是帝降休美也。是時諸侯不期而會者八。命予小子。肆我殷戎。亦辨百度。□□美左右子。予肆劉般之百。明商之諸侯皆歸于周矣。盟津在河南府洛陽縣東北。

命。此處所脫疑。不止兩字。今予維篤佑爾。予史太史違。我寔視爾。靖疑胥敬誥。其斯一話。敢逸僭予。則上帝之明命。予

爾屏屏爾百姓。越爾庶義庶刑。予維及西土。我乃其來卽刑。乃敬之哉。庶聽朕言罔胥告。予史當爲子使。古史使通假。違。太史

名寔是也。言我是示爾安爾所疑。爾其胥敬我語命。逸過也。僭不信也。屏放流之也。庶義庶刑。言義所當刑。卽就也。我其來就爾殷致刑也。罔胥告言。毋謂我罔以斯言相告也。故書誥作請。屏作拜。茲從丁本。

度邑弟第四十四

維王克殷。國君諸侯。乃徵厥獻。民九牧之師。見王于殷郊。

盧曰。九牧。九州之牧。康成注尙書。州立十二人爲諸侯師以佐牧也。舊作乃厥獻。民徵主九牧之師。今依史記及玉海。

王乃升汾之阜。以望商邑。永歎曰。嗚呼。不淑。充天對。遂命一日。維顯畏弗忘。

汾。阜名。在殷郊。淑。善。充。當對答也。遂。讓曰。墜。言紂不善承天意。墜天。

命于一日。明顯可畏之至也。汾一作邪。史記作瀼。充。舊作兌。依文選注改。

王至于周。自鹿至于丘中。具明不寢。王小子御告叔旦。叔旦亟奔。卽王曰。

久憂勞。問害不寢。曰。安。予告汝。

鹿。丘中。皆地名。具。明。達旦也。小子。御。內豎也。卽。就。害。何。安。坐也。丘。李善曰。或爲苑天。亟。戮力反。害。讓爲曷。安。坐也。爾雅釋詁文。

王曰。嗚呼。且。維天不

享于殷。發之未生。至于今六十年。夷羊在牧。飛鴻滿野。天自幽不享于殷。乃今有成。

明堂篇言。武王克商後六年。崩。路史發揮引竹書武。

王崩年五十四。則克商時年四十有八也。此溯天命去殷至今六十年。故云未生。夷羊。高誘曰。土神。韋昭曰。神獸。未知孰是。飛鴻。淮南子作飛黃。注云。蠶蠨之屬。史記索隱引隨巢子作飛拾。亦蟲名也。言天示妖祥。冥冥中已不享殷。至今乃有成命也。夷羊。史記作麋。鹿。飛。

作蜚。自幽二字。盧依

維天建殷。厥徵天民名三百六十。夫弗顧亦不賓。威用戾于今。

天民。賢者也。三百六十。言衆也。賓。擯同。威。滅。戾。至也。天建殷。邦。

史記刪。今從原本。

其登用天民。若伊萊甘巫。可指名者甚衆。故其後嗣雖不顧天。天亦不即擯滅。延六十年之久而至于今也。厥微史記作其登。天民名作名民。願作顯。咸作滅。嗚呼。予憂茲難近。飽于卹。辰是不室。我未

定天保。何寢能欲。飽于卹。言憂甚多也。辰。時也。不室。言未定都邑。天保。言天眷也。欲。安也。王曰。且。予克致天之明命。定天保。依天室。志我其惡。卑從

殷王紂。日夜勞來。定我于西土。我維顯服。及德之方明。專讀爲孔。貶之。既。墜也。言我既致天命。亟宜登用天民。以定天保。卜宅以依天室。汝其志我所惡。墜命如殷紂。夙夜勤劬。勞來

斯民。以定我于西土。我其明我事。使德教顯于四方。乃可安寢也。一切經音義云。貶古文卑。墜也。詩詁訓傳文。叔旦泣涕于常。悲不能對。常古裳字。二句錯簡。當在不得高位于上帝下。王□□傳于後

闕處當是。王曰。且。汝維朕達弟。予有使汝。汝播食不遑暇食。矧其有乃室。今維天使予。惟二神授朕靈期。欲且二字。

予未致于休。予近懷于朕室。汝維幼子大有知。此下言定天保也。達。明達也。使猶命也。播猶陳也。室。家室。靈讀爲零。落也。夢神示以徂落之期。恐不能致于休嘉。近懷我家。惟周公可付託也。昔

皇祖底于今。勛厥遺得顯義。告期付于朕身。肆若農服田。饑以望穫。予有不顯。朕卑皇祖。不得高位于上

帝。遺。遺訓。期。付。期望付託也。饑。以望穫。喻急也。卑。讀爲俾。蓋后稷以來。積累以基天命。今大統離集。未致太平。未作禮樂。無以光顯祖業于天下。是使皇祖不得享配天之祭也。汝幼子庚厥心。庶乃來。班朕大環。

茲于有虞意。乃懷厥妻子。德不可追于上。民亦不可答于下。朕不賓在高祖。維天不嘉。于降來省。汝其可

瘳于茲。乃今我兄弟相後。我筮龜其何所。即今用建庶建。

庚更也。更其謙讓之心來勤也。班布也。賓列也。布德于天下。若環之循而無窮。且有虔度之心。若懷安其妻子。上嚳祖德。

下飛民望。則朕死不從乎高祖之列。天恐後之不嘉。故使二神降省。瘳愈也。何所言無用也。不傳子而傳弟。故曰庶建。庚更也。詩推度災文來勤也。爾雅文賓列也。廣雅文子曰也。

叔旦恐泣涕共手。

惠曰。王欲傳位于旦。故恐共讀爲拱。

王曰。嗚呼。且我圖夷茲殷。其惟依天室。其有憲命。求茲無遠。天有求繹。相我不難。

此下言依天室也。圖。度。夷。平。憲法也。武王時殷之世家大

族已有震動之心。觀商誓篇可見。武王以爲不遷終有後患。故言我欲平殷。惟使之依近天室。以習憲命。其地即于此求之勿遠。天意待人尋繹。其輔相我者不難也。故後周公卒遷殷土。室字依陸麟書說增。

自雒汭延于伊汭。居易

無固。其有夏之居。

雒汭。雒水入河之處。在河南府鞏縣北。伊汭。伊水入雒處。在河南府偃師縣西南五里。延及也。易平也。欲夷茲殷。故欲居易無固也。竹書云。太康居斟尋。桀亦居之。今在鞏縣西南。後周公不營此者。蓋卜之不吉。易舊作陽。據

史記訂。徐廣曰。夏居河南。初居陽城。後居陽翟。以釋陽字。謬也。

我南望過于三塗。我北望過于嶽鄙。顧瞻過于有河。宛瞻延于伊雒。無遠天室。

三塗。山名。在河南府嵩縣西南。嶽。司馬貞以爲太行山。在懷慶府河內縣北。鄙。都鄙。近嶽之邑也。顧瞻。回顧也。宛。坐見貌。此規畫畿甸也。嶽鄙。有河並據史記訂。延字據玉海增。

其名茲曰度邑。

名舊作曰。據玉海訂。

武徽弟四十五

惟十有二祀。四月。王告夢。丙辰。出金枝。郊寶。開和細書。命詔周公。旦立後嗣。屬小子誦文及寶典。

二當作六。告夢。

疑卽二神授朕靈期之夢。開和書名。誦成王名寶典卽此書第二十九篇餘未詳。

王曰。嗚呼。敬之哉。汝勤之無蓋。□周未知所。周不知商。□無也。朕不敢

望。敬守勿失。以詔宥小子曰。允哉。汝夙夜勤心之無窮也。

此篇殘缺不可讀

### 五權弟四十六

維王不豫。于五日召周公旦曰。嗚呼。敬之哉。昔天初降命于周。維在文考。克致天之命。汝惟敬哉。先後小

子。勤在維政之失。政有三機五權。汝敬格之哉。克中無苗。以保小子于位。

天子有疾稱不豫。言不悅也。在。察也。先後相導也。格。量度也。苗。末也。言無務乎

宋務。格。量度也。著。韻文。見文選注。苗。字本作緇。緇。微之義。廣雅云。末也。

三機。一疑家。二疑德。三質士。疑家無授衆。疑德無舉士。質士無遠齊。吁。敬之

哉。天命無常。敬在三機。

疑家。威權震主者。疑德。僞行也。質士。不學之士。舉士。舉而任之事也。齊。如荀子以國齊義之齊。言任以遠大而不克濟也。齊音劑。

五權。一曰地。地以權民。二曰

物。物以權官。三曰鄙。鄙以權庶。四曰刑。刑以權常。五曰食。食以權爵。

計夫授地。無曠土。無游民。物猶事也。事繁官多。事簡官省。鄙。都鄙。量遠近。度多寡。以建城市。常。

常德也。出禮入刑。刑以正德。食。祿也。班祿視爵。

不遵承。括。食不宣。極賞則澀。澀不得食。

括。法也。官不奉法以奪其祿。澀。讀爲屈。竭也。丁曰。濫賞則匱。竭如水涸也。承一作奉。括。法也。廣雅釋詁。食不宣。下。舊



有不宣授臣四字。蓋孔注之脫爛僅存。誤入正文者。又不得二字舊倒。今並正。

極刑則仇。仇至乃別。

丁曰。人各一心也。

鄙庶則奴。奴乃不滅。國大則驕。驕乃不給。鄒統

如奴事主。衛者衆。故無滅亡之患。君驕則奢侈。故財不給用也。

官庶則荷。荷至乃辛。物庶則擗。擗乃不和。

謝曰。荷與苛同。見漢書酈食其傳。盧曰。辛疑半之。訛說文。叢生草也。讀若泥。苛細煩碎之意。梁處素

云。擗疑之訛。愚謂氣雜也。舊作物。庶則爵乃不和。依嘉氏趙氏王氏說訂。

地庶則荒。荒則聶。人庶則匱。匱乃匿。

聶當爲僞懼也。土廣無守可襲。伐故懼。財用竭則民逃亡。匿亡也。

嗚呼。敬之。

哉。汝慎和稱。五權維中是以。

句以長小子于位。實維永寧。

稱度也。和以度之。權其中而用之。則三機亦無失也。

成開弟四十七

成王元年。大開告用。

此武王崩之明年。三統厥謂之周公攝政元年。非也。周公大開告成王以所當用者也。

周公曰。嗚呼。余夙夜之勤。今商孽競時。逋播以輔。

余何循。何循何慎。王其敬天命。無易天不虞。

孔曰。言商餘紂子祿父。競求是逋逃播越之人。以自輔。當敬天命。備不度者也。易以鼓反。

在昔文考。躬脩五典。勉

茲九功。敬人畏天。教以六則。四守五示。三極。祇應八方。立忠協義。乃作。

孔曰。祇。敬。協和也。

三極。一天有九列。別時

陰陽。二地有九州。別處五行。三人有四佐。佐官維明。

惠曰。九列。卽九星。孔曰。四佐。謂天子前疑後丞。左輔右弼。愚案蒼龍。朱鳥。歲星。熒惑。填星。陽也。咸池。元武。太白。辰星。陰也。冀。井。水也。幽。兗。

青木也荆揚火也豫土也雍金也疑謂博聞多識可決疑惑者承謂承天子之遺忘者直立敢斷廣心輔善謂之輔廉潔切直匡過諫邪謂之弼丁曰四佐注與小開武不同者武王彼時尙爲諸侯成王則已爲天子故也

五示顯允明所望孔曰

謂當明五示示于民也

五示一明位示士二明惠示衆三明主示寧四安宅示孥五利用示產

孔曰主明則民安之安宅則妻孥寧利用則產業衆

足不窮家懷思終主爲之宗德以撫衆衆和乃同

懷安也孔曰言五示之義同謂和同

四守一政盡人材材盡致死二士守其

城溝三障水以禦寇四大有沙炭之政

孔曰任人盡其材則死力效致愚謂沙炭至微而政不遺此則大者可知

六則一和衆二發鬱三明怨四轉怒

五懼疑六因欲

孔曰鬱謂穀帛滯積者也怒則轉之疑則懼之欲則因之

九功一賓好在筭二淫巧破制三好危破事四任利敗功五神巫

動衆六盡哀民匱七荒樂無別八無制破教九任謀生詐

好危謂傲倖求成任利貪利也孔曰在筭謂實幣于筭無節限也盡哀送終過制也無別亂同也任謀權變不犯此則成

功也此下舊有和集集以禁實有離莫遂通其十二字今依卜世昌本刪之

五典一言父典祭祭祀昭天百姓若敬二顯父登德德降爲則則信民寧

三正父登過過慎於武設備無盈四譏父登失脩政戒官官無不敬五□□□制哀節用政治民懷盧曰

父者尊之之詞言父蓋宗伯之屬顯父司徒之官正父司馬之官譏父師氏保氏之職所闕當是司空孔曰祭祀見享受福民乃化則法信民心也使正舉事過于前無自滿刺譏之士舉政之失戒其官官無不敬矣懷歸之也愚謂宗伯相禮有辭命之節故曰言父若順也

司徒掌教。賓與其賢者能者。故曰顯父登德。司馬掌邦政。政正也。讒舊作機。据孔注改。

五典有常。政乃重開。內則順意。外則順敬。內外不爽。是曰明王。

重開言四達不

惇。爽。差也。重開下舊有之守二字。盧曰。衍文。今審定為下節錯文。

王拜曰。允哉。維予聞曰。何鄉非懷。懷人惟思。思若不及。禍格無日。式皇敬哉。余

小子思繼厥常。以昭文祖之守。定武考之烈。嗚呼。余夙夜不寧。

言民何往而不求安。安民在思立政。思之不審則有禍也。格。至。式。用。皇。大也。

作維弟四十八

武王克殷。乃立王子祿父。俾守商祀。建管叔于東。建蔡叔。霍叔于殷。俾監殷臣。

祿父。武庚名。管叔監殷東之諸侯。蔡叔。霍叔相武庚。王制曰。天子使

其大夫為三監。監于方伯之國。蓋本殷制。武王因之。

王既歸。乃歲十二月崩。鎬。肆于岐周。

孔曰。乃歲。乃後之歲也。肆。攢塗。惠曰。士喪禮。掘肆見。自天子至于士。殯皆曰肆。愚謂岐周在鎬西北三百餘里。畢在鎬東數

十里。不應殯遠而葬近。蓋謂鎬京之周廟耳。肆。息四反。埋棺之坎也。又羊至反。

周公立。相天子。三叔及殷東徐奄及熊盈以略。

孔曰。立。謂為宰攝政也。殷。祿父。徐。徐戎。奄。殷之諸侯。愚案金縢

云。武王既喪。管叔及其羣弟。乃流言于國曰。周公將不利于孺子。書傳云。管蔡流言。奄君謂祿父曰。武王死。成王幼。周公疑。此百世之時。請舉事。然後三監及殷畔。是其事也。徐。盈姓。國在安徽泗州東南。奄。熊姓。國今山東曲阜縣。熊盈。謂徐奄之同姓。國不以道取曰略。謂相

煽搆亂。略。本亦作畔。

周公召公內弭父兄。外撫諸侯。

孔曰。弭。安也。

元年夏六月。葬武王于畢。二年。又作師旅。臨衛政殷。殷

大震潰降辟三叔。王子祿父北奔。管叔經而卒。乃囚蔡叔于郭淩。凡所征熊盈族十有七國。俘維九邑。俘

殷獻民。遷于九畢。孔曰畢地名。下畔其上曰潰。郭淩地名。囚拘也。俘囚為奴。十七國之九邑罪重。故囚之。獻民。士大夫也。九畢。成周之地。愚謂天子七月而葬畢在鎬東杜南。今陝西長安縣地。衛在殷南。政讀為征。震懼辟法也。公族有罪則繫于

甸人。謂縊殺之也。周公既葬武王而出。明年征殷。罪人既得。公為鷓鴣之詩。其秋王感雷風之變。迎周公于東。三年春。踐奄而歸。十有七國。奄其一也。故詩曰。自我不見于今三年。政本亦作攻。水經注云。滎陽縣有虢亭。俗謂之平桃。城內有管叔冢。九畢。玉海引作九里。

誤也。爾雅。畢堂牆。言如堂之牆也。維北有邱。故謂之畢耳。俾康叔宇于殷。俾中旄父宇于東。此成王四年事也。宇。宅也。中旄。父系國未聞。中音仲。父音甫。書大傳曰。周公攝政。一年救亂。二年伐殷。三年踐奄。四年封侯。

衛五年營成周。周公敬念于後。曰。予畏周室不延。俾中天下。延。長也。不延。舊作克。追。據初學記訂。又引俾中天下。作以為天下宗。蓋所見本異。及將致政。乃作

大邑成周于土中。立城方千七百二十丈。郭方七十里。南繫于雒水。北因于邠山。以為天下之大湊。孔曰。王城

地于天下土為中。郭。郭也。繫。因皆連接也。湊。會也。愚謂王城在今河南府城西北。古者六尺四寸為步。三百步為里。一里之長百九十二丈。依攷工記。國方九里。當云千七百二十八丈。今略其奇數耳。邠山在河南府城北。立城舊無立字。依藝文類聚。初學記。太平御覽。玉

海。增。又七百作六百。七十里作七十二里。制郊甸方六百里。因西土為方千里。分以百縣。縣有四郡。郡有四鄙。大

縣立城。方王城三之一。小縣立城。方王城九之一。都鄙不過百室。以便野事。孔曰。西土。岐周通為圻內。野事。耕桑之事。愚謂六百里開平方。得方百里。

者三十六宗周圻內方八百里開平方得方百里者六十四合之得方百里者百是為千里縣方百里郡方五十里鄙方二十五里然地有山川沮澤不能方窻如國故有大縣小縣之差三之一方三里也九之一方一里也 因舊作國據水經注改大縣下舊無立字據通鑑前農居鄙得以庶士士居國家得以諸公大夫凡工賈胥市臣僕州里俾無交為趙曰以用也農之秀者可為士士有功效可為大夫孔曰

工商百胥人臣僕各異州里而居不相雜交也愚謂胥庶人在官給後役臣僕私家僕從乃設丘兆于南郊以祀上帝配以后稷日月星辰先王皆與食丘圜丘兆城也

先王謂太昊炎帝黃帝少昊顓頊五德之帝 日月星辰四字 封人社壇諸侯受命于周乃建大社于國中其壇東青藝文類聚太平御覽玉海引俱作農星農星星之一耳疑非也

土南赤土西白土北驪土中央爨以黃土將建諸侯鑿取其方一面之土爨以黃土苴以白茅以為社之

封故曰受列土于周室封人地官之屬壇謂為壇之增埒驪黑也禹貢徐州貢五色土爨隙疇也以黃土彌四土之隙爨覆苴藉也孔曰王者封五色土為社建諸侯則割其方土與之使立社茅取其潔黃取其王者覆四方 此節正

文及孔注並據公羊傳文十三年正義訂 乃位五宮大廟宗宮考宮路寢明堂位立也古通用宗宮文王廟考宮武王廟也孔曰路寢王之所居明堂在國南者也 咸有四阿反坫重

亢重郎常累復格藻稅設移旅楹春常畫旅孔曰咸皆也宮廟四下曰阿反坫外向室也重亢累棟也重郎累屋也常累系也復格累芝栴也藻稅畫梁柱也承屋曰移旅列也春常謂藻井之飾也愚謂

四阿四注屋四面有脊阿下也坳謂之坳在堂隅反坫者當坳之上屋檠反向外如飛翼重亢複屋棟一名勞重郎即重屋也常累未詳或云結網施宇下以梁鳥雀者也復格即空廣雅云格謂之空柱頭斗拱也藻稅畫梁上侏儒柱為藻文也爾雅云連謂之移謂堂邊

小屋移卽彩也。梁升今名承膠。以板承椽。有界畫如井。旅樹門屏也。天子外屏。畫以文采。亢讀爲亢龍之亢。極也。極卽楹也。說文。複屋之棟曰棼。卽廊。說文無廊字。累字本作彙。又作彙。廣雅釋器云。彙。索也。又云。絲縷也。今殿屋宇下施鐵絲網。蓋其遺制。復音福。復格。御覽一百八十四卷引作深閣。王念孫以格爲搭字之譌。恭謂之樞。郭璞云。卽檀也。御覽引通俗文云。連閣曰移。曰納。陸謂鑿殿基際爲陸。不使露。尊者不欲露而升陸。故內之審也。應門。庫臺。玄闔。天子五門。皋。庫。雉。應。路。應門。正門也。其內爲治朝。亦曰朝門。闔。門。概在門中而短。門限。又概謂之闔。注曰。門闔。說文。樞。門。鑿也。闔。楹也。楹。限也。是闔非卽闔也。晏子春秋曰。和氏之璧。井里之困也。可見門闔有以石爲之者。

皇門弟四十九

維正月庚午。周公格于左闔門。會羣臣。

格至也。卷門謂之闔。言左則有右矣。蓋在路門旁。舊說于字。又羣臣作羣門。据玉海九十卷二百六十九卷所引增訂孔曰。路寢左門曰皇門。闔音皇。未詳所據。

嗚呼。下邑小國。克有耆老據屏位。建沈人罔不用明刑。維其開告子于嘉德之說。命我辟王。小至于大。

耆。老成人也。據。依據。屏。蔽。建。立也。沈人。沈伏在下之賢。刑法。辟。君也。言下邑小國。既用老成。又求新進。尙且罔不用法。況有天下。爾可不各進善言。所以命我辟王者。無小無大。知無不言乎。舊予于誤倒。依王念孫說訂。我聞在昔。有國誓王。

之不綏于卹。乃維其有大門宗子。勢臣罔不茂揚肅德。訖亦有孚。以助厥辟。勤王國王家。

誓當爲誓。不綏于卹。言不以憂者爲

安大門大族也。孔曰：宗子適長，勢臣顯仕茂，勉揚舉肅敬訖，既孚信也。

乃方求論擇元聖武夫，羞于王所，自其善臣以至有分私子，苟克有常，罔不

允通，咸獻言在于王所。

孔曰：方，旁羞進私子，庶擊也。常謂常德，愚謂此言大門宗子勢臣，以人事君也。武夫，爪牙之士分職也。私子，家臣通達也。薦之朝使獻言也。自字舊錯在注中，依了如金說訂。

人斯是助王。

恭明祀，敷明刑，王用有監明憲，朕命用克和有成，用能承天嘏命，百姓兆民，用罔不茂在王庭，克用有勸。

永有孚于上下。

明憲，先王之法，克和民和也。有成，政立也。承，奉嘏，大茂，美也。惟能相勸，勉故孚于上天下地。克用舊作先用，依王念孫說訂。孚，舊闕，依了本。

人斯既助厥辟，勤勞王家，先人神

祇報職用休，俾嗣在王家，四國用寧，小人用格，口能稼穡，咸祀天神，戎兵克慎，軍用克多，王用奄有四鄰。

遠土，丕承萬子孫，用未被先王之靈光。

職，主休美也。嗣，王家謂嗣王家之職，小人細民，格，來成和也。戰功曰多承，繼也。孔曰：奄，同丕，大末終也。辟，字舊脫，今增在王家舊作在厥家，據困學紀聞訂。四國，舊作

王國，據玉海訂。

至于厥後嗣，弗見先王之明刑，維時乃胥學于非夷，以家相厥室，弗卹王國王家，維德是用。

孔曰：時，是皆相

爲是相學于非常，不憂王家之用德，愚謂以家相厥室，言惟顧其家室，乃舊作及，依王念孫說訂。

以昏臣作威，不詳不屑，惠聽無辜之辭，乃維不順之辭，是羞于王。

王阜求良言于是人，斯乃非維直以應，維作誣以對，俾無依無助。

昏亂之臣，怙勢作威，孔曰：詳善阜，大良善也。王求善而是人作誣以對，故王無依助也。以昏至良

言三十字並依  
王念孫說訂

譬若畋犬。驕用逐禽。其猶不克有獲。是人斯乃讒賊媚嫉。以不利于厥家國。譬若匹夫之有

婚妻。曰子獨服在寢。以自露厥家。

驕。虛憍也。虛憍之犬。猶不能獲禽。矧蔽賢之人。能不病其家國乎。巧辭傷善。曰讒。險心害人曰賊。媚嫉皆妒也。服。事寢室。露。敗也。以妒婦喻昏臣也。

媚夫有邇無

遠乃食。蓋善夫俾莫通。在于王所。乃維有奉狂夫。是陽是繩。是以爲上。是授司事于正長。

孔曰。媚夫見近利而無遠慮。利爲掩

蓋善夫俾莫通。盧曰。食猶日月之食。掩蔽之意。丁嘉葆曰。繩如繩息媯之繩。譽也。愚謂狂夫。愚妄之人。陽。揚舉之也。正。大夫也。長。一職之長。食。王念孫曰。當爲弇。爾雅。弇。蓋也。繩。說文作調。

命用迷亂。獄用無成。小民率穡。

保用無用。壽亡以嗣。天用弗保。媚夫先受殄罰。國亦不寧。嗚呼敬哉。監于茲。朕維其及。

孔曰。命者教也。率皆痛愁困也。安民之用。無所

宣施是故民失其性。天所不安。用非其人故也。愚謂穡。讀爲歎。悲意。殄絕其世。罰其人及子禍也。

朕蓋臣大明爾德。以助子一人憂。無維乃身之暴皆卹。

蓋。進也。言爾尙大明

爾德。以助我愛天下。暴。惡也。讒賊媚嫉。必受殄罰。是可憂也。大舊作夫。據玉海訂。

爾假予德憲。資告子元。譬若衆畋。常扶子險。乃而子于濟。

假。嘉。資。用也。爾嘉示我以德憲。用皆

我善。如衆共畋。獵至險阻之處。相爲扶持。是能濟成子者。汝之力也。盧曰。而古與能同。古文能作耐。或省作而。劉向說苑。凡能字皆作而。易屯卦而不寧。鄭讀而爲能。是也。

汝無作。

趙曰。似有缺文。愚謂衍文。

### 大戒弟五十



維正月既生魄。王訪于周公曰。嗚呼。朕聞維時兆厥工。非不顯。朕實不明。以侂伯父。

孔曰。兆。始工。官言政治維是始正其官。愚謂侂。完也。

言伯父之訓。非不明顯。朕愚不知所以完守之者。曲禮曰。五官之長曰伯。是職方。天子同姓謂之伯父。謂三公兼二伯者也。故成王謂周公為伯父。以侂。句。舊脫。據說文所引補。段玉裁曰。侂音義與濶。恩同。亦通。

維士非不務而不得

助。大則驕。小則懼。懼謀不極。予重位與輕服。非共得福。厚用遺。

恒懼者失常。故謀不得中。如驕者之意。則必予重位而與之細事。然非欲共享治平之福。而厚遺之以爵

乎。庸止生邳。庸行信貳。衆輯羣政。不輯自匿。

此又言取士之難。止。容止。邳。間隙。矜持懈則。尊豆見于色。是生邳也。貳。當為貳。差也。行有誠亦有偽。故恐信非所信也。用賢所以安輯庶政。不輯則懸矣。匿。隱

也。貳。讀為貳。禮。緇。衣。篇。其儀不貳。釋文。本作貳。

嗚呼。予夙勤之。無或告予。非不念。念不知。

孔曰。我雖勤之。無有告我者。徒知而不得明知也。

周公曰。於。敢稱乃武

考之言曰。微言入心。夙喻動衆。大乃不驕。行惠于小。小乃不懼。連官集乘。同憂若一。謀有不行。

微言。微眇之言。入心。入人

深也。夙。喻。以身率之。不待言而喻也。行。惠者。接以寬和待之。患。怨。連官集乘。言連事共職。相為佐助。猶同車共載也。有不行。言必行也。

予惟重告爾庸。厲口以餌士。權先伸之。明約必遺之。

孔曰。餌。謂爵祿。權。謂勢。重。愚謂明約。賞罰也。

其位不尊。其謀不陽。我不畏敬。材在四方。

盧曰。賢者不在尊位。雖有善謀。亦不能顯。示于人在四方。言野多遺賢。或且以資敵。

無擅于人。

塞匿勿行。惠戚咸服。孝悌乃明明。立威恥亂。

孔曰。擅。人。專己。塞。匿。陰忌。惠。順。戚。近也。愚謂孝悌明。則等威立。而人恥亂。

使衆之道。撫之以惠。內姓無感。

外姓無誦人知其罪。感憾古今字無憾不施其親也無誦不求備于一人也如是則衆無不懷自知其辜恩之罪上之明審教幼乃勤貧賤制設九備乃無亂

謀九備一忠正不荒美好乃不作惡四說聲色憂樂盈匿五碩信傷辯曰費六出觀好怪內方淫

巧七謀躁內乃荒異八好威民衆日逃九富寵極足是大極內心其離九備既明我貴寶之應

協以動遠邇同功。保守也協同心之和也謀和適用覆以觀之上明仁義援貢有備。謀和適用敷奏以言也覆觀明試以功也上尚也援汲引也貢進也備具也此答庸止庸

行之衆財多以援成功克禁淫謀衆匿乃雍。財當爲材雍塞也孔曰閉塞不行也順得以動人以立行輯佐之道上必盡其志

然後得其謀。順得當爲順德盡其志謂忠信重祿以體之無轉其信雖危不動貞信以昭其乃得人上危而轉下乃不親。孔曰轉移也

其用也上危而下不親之不足信故也。無王拜曰允哉允哉敬行天道。轉了本作無失貞信舊亦闕茲並據孔注訂

此  
页  
空  
白

# 逸周書集訓校釋六

## 周月弟五十一

惟一月。既南至。昏昴畢見。日短極。基踐長。微陽動于黃泉。陰降慘于萬物。

冬至日在牽牛。出赤道南二十四度。故曰南至。古曆冬至中星去日八十二度。

日在牽牛初。則奎十度爲中星。自奎十一度至畢十六度。凡五十九度。故昴畢見。極至基始踐履也。冬至日出辰入申。陽照三不覆九。故極短。夏至日出寅入戌。陽照九不覆三。故極長。長即短之始。短即長之始也。陽伏泉下。故泉動而溫。陰氣盛于地上。故物慘而死。慘寒氣慘烈也。○冬至中星去日八十二度者。據三統曆也。

是月斗柄建子。始昏北指。陽氣虧。草木萌蕩。

日入後漏下三刻爲昏。虧少蕩動也。陽氣雖少而萌芽將動。故曰孳萌于子。

日月俱

起于牽牛之初。右回而行。月周天進一次。而與日合宿。日行月一次。而周天。曆舍于十有二辰。終則復始。

是謂日月權輿。

牽牛之初。星紀也。于辰爲丑。日月起此而右轉入子。月行二十七日而周天。又二日九百四十分日之四百九十九。而與日會。則進一次矣。日行三十日進一次。三百六十五日九百四十分日之二百三十五。而復其故處。舍躔也。日

月之會爲辰。自星紀以至析木之津是也。權輿始也。造曆必始冬至以正氣朔。故曰日月權輿。孫星衍曰。權輿草木之始。釋草云。其萌蘗蕭。即權輿也。

周正歲首。數起于一而成于十。次一爲首。其

義則然。凡四時成歲。歲有春夏秋冬。各有孟仲季。以名十有二月。月有中氣。以著時應。

古曆皆以中數。朔不必在其月中。必在其月。故

夏殷周歷元皆歲與朔會漢詔曰黃帝建氣物分數氣二十四氣也則中氣由來久矣于下舊衍時字据玉海刪歲字舊不重據御覽增又脫月有二字據文選曲水詩注及御覽補

春三月中氣驚蟄春分清立夏三

月中氣小滿夏至大暑秋三月中氣處暑秋分霜降冬三月中氣小雪冬至大寒

孔穎達云雨水雪散而為雨水也驚蟄蟄蟲驚而走出殼

雨言雨以生百穀清明謂物生清淨明潔小滿言物長于此小得盈滿芒種言有芒之穀可稼種小暑大暑小寒大寒謂極寒極熱之中分為大小月初為小月半為大處暑暑將退伏而潛處白露陰氣漸重露漉色白寒露言露氣寒將欲凝結小雪大雪以霜雨凝結為露十月猶小十一月轉大閏無中氣斗指兩辰之間朔數三百五十四日有奇為一年中數三百六十五日有奇成一歲中朔參差正之以閏中氣在月盡則後月是閏也淮南天文訓云斗指子則冬至加十五日指癸則小寒指丑

則大寒指報德之維則蟄在陰地而立春指寅則雨水指甲則雷驚蟄指卯中繩曰春分指乙則清明風至指辰則穀雨指常羊之維則立夏指巳則小滿指丙則芒種指午則陽氣極而夏至指丁則小暑指未則大暑指背陽之維則立秋指申則處暑指庚則白露降指酉中繩曰秋分指辛則寒露指戌則霜降指號通之維則立冬指亥則小雪指壬則大雪又十五日指子是屆中氣而後指辰閏無中氣故指兩辰間也萬物春生夏長秋收冬藏天地之正四時之

極不易之道夏數得天百王所同

得天得天地之正也魏志高堂隆云黃帝高辛夏后皆以十三月為正少昊唐殷皆以十二月為正高陽虞周皆以十一月為正此云百王同夏則隆說謬也

其在商湯

用師于夏除民之災順天革命改正朔變服殊號一文一質示不相沿以建丑之月為正易民之視若天

時大變亦一代之事

夏以平旦為朔殷以雞鳴為朔周以夜半為朔號名號也沿因也以季冬為孟春故天時大變此改正亦改時之明證也玉海無湯至正朔十六字視本亦作既

亦越我周王致伐于

商改正異械以垂三統至於敬授民時巡守祭享猶自夏焉是謂周月以紀于政

械謂禮樂之器也統本也寅為人統丑為地統子為天統

自從也

### 時訓弟五十二

立春之日東風解凍又五日蟄蟲始振又五日魚上冰風不解凍號令不行蟄蟲不振陰氣奸陽魚不上

冰甲冑私藏

易乾鑿度云天氣三微而成一著康成曰五日為一微十五日為一著故五日為一候十五日成一氣東風條風也振動也言漸蘇也泰卦用事陽息而升故魚上頁冰風者天之號令凡言此者人君政失則氣候乖天事恆象著以示警

使修省焉奸犯也陽不勝陰故不振魚有鱗甲冑之象凡此災祥之應有三蟄蟲不振陰奸陽義也鴻鴈不來遠人不服象也草木不萌動果蔬不熟類也餘倣此氣字舊脫據御覽補

驚蟄之日獺祭魚又五日鴻鴈

來又五日草木萌動獺不祭魚國多盜賊鴻鴈不來遠人不服草木不萌動果蔬不熟

獺似狐而小青黑色冰解魚多獺將食之先陳

以祭埤雅曰豺祭方獺祭圓夏小正云正月鷹北鄉鄉者鄉其居也萌動將茁也

雨水之日桃始華又五日倉庚鳴又五日鷹化為鳩桃不始華是謂陽

否倉庚不鳴臣不從主鷹不化鳩寇戎數起

倉庚商庚黃鳥也鷹鷓鴣也應陽而變喙柔而不驚否塞也驚不感化故有寇戎從舊闕依了宗洛本

春分之日玄鳥至

又五日雷乃發聲。又五日始電。玄鳥不至。婦人不娠。雷不發聲。諸侯失民。不始電。君無威震。

康成云。燕以施生。來巢人堂宇。

而孚乳。故玄鳥為祈子之候。大壯用事。陽盛上奮。與陰相搏。其聲為雷。其光為電。雷震百里。諸侯之象。電光照耀。象君之威。

穀雨之日。桐始華。又五日田鼠化為鴛。又五日虹始見。

桐不華。歲有大寒。田鼠不化。鴛。國多貪殘。虹不見。婦人苞亂。

田鼠食稼。鴛當為鴛。說文云。牟母也。一名鴛。虹。婦人也。桐葉知秋。其華知寒。燥苞。叢也。叢亂。淫也。易緯注云。虹陰陽

交接之氣。失節不見。似夫人淫姿。亦此意也。

清明之日。萍始生。又五日鳴鳩拂其羽。又五日戴勝降于桑。萍不生。陰氣憤盈。鳴鳩不

拂其羽。國不治。兵戴勝不降于桑。政教不中。

萍。楊花入水所化。鳴鳩。鷓鴣。一名鷓鴣。郭璞云。似山雀而小。青黑色。短毛多聲。拂羽。康成以為翼相擊。戴勝。一名鷓鴣。埤雅云。頭上有花成勝。三月飛在桑間。

蠶生之候。憤盛也。盈滿也。

立夏之日。螻蟈鳴。又五日蚯蚓出。又五日王瓜生。螻蟈不鳴。水潦淫漫。蚯蚓不出。嬖奪后命。王

瓜不生。困於百姓。

螻蟈。蛙之屬。蛙鳴始于二月。立夏而鳴者。其形較小。其色褐黑。好聚淺水而鳴。舊謂即蝦蟆。非也。王瓜。一名土瓜。四月生。苗延蔓。五月開黃花。子如彈丸。生青熟赤。或以為即瓠瓢也。水大無蛙。故為水潦之徵。康成易緯注云。蚯

蚓淫邪。御覽引郭璞爾雅圖贊云。蚯蚓。土精。無心之蟲。交不以分。淫於阜。蠶觸而感物。無有常雄。故蚯蚓不出。為嬖奪后命之象。

小滿之日。苦菜秀。又五日靡草死。又五日小暑至。苦

菜不秀。賢人潛伏。靡草不死。國縱盜賊。小暑不至。是謂陰暉。

苦菜。菜也。生于秋。凌冬不凋。至夏乃秀。葉似苦苣而細。斷之有白汁。花黃似菊。康成云。靡草。薺草。薺之屬。穎達云。以

其枝葉靡細故曰靡草。慙惡也。

芒種之日，螳螂生。又五日，鷦始鳴。又五日，反舌無聲。螳螂不生，是謂陰息。鷦不始鳴，令姦雍。

信反舌有聲，佞人在側。

螳螂秋深乳子，至夏乃生。鷦，伯勞也。五月陰極于下，應候而鳴。離騷所謂鷦鷯也。反舌能辨反其舌效百鳥之鳴，今百舌鳥是也。息滅也。令姦雍，偃言令雍塞而姦僭偪也。百舌巧言如佞。反舌蔡邕以爲蝦蟆。

康成以爲百舌鳥案，提誠圖云：江充之害，反舌鳥入殿，則是鳥也。

夏至之日，鹿角解。又五日，蝸始鳴。又五日，半夏生。鹿角不解，兵革不息。蝸不鳴。

貴臣放逸，半夏不生，民多厲疾。

鹿陽獸，感陰氣而解角。蝸，良蝸也。半夏治痰之藥，角者獸之兵放逸，放縱晏佚厲疾也。

小暑之日，溫風至。又五日，蟋蟀居辟。又

五日，鷹乃學習。溫風不生，國無寬教。蟋蟀不居辟，恆急之暴。鷹不學習，不備戎盜。

蟋蟀生土中有翼而未能飛，但居壁上辟壁同，驚感陰氣。

學習搏擊之事，急，福急。恆急，舊作急，迫據御覽訂。

大暑之日，腐草爲蠋。又五日，土潤溽暑。又五日，大雨時行。腐草不爲蠋，穀實鮮落。土

潤不溽暑，物不應罰，大雨不時行，國無恩澤。

蠋，馬蠋也。溽，溼也。穎達云：六月建未，未值井，井主水，故大雨時行。鮮如羶鮮者之鮮，謂未熟而墮落也。不應罰言刑罰不當。蠋，舊作螢，據說文及段氏北戶

錄訂。然說者疑焉。爾雅云：蝦，馬蟻。注云：馬蠋，俗呼馬蟻。廣雅云：蛆，蠋。馬蟻，馬蟻也。又云：馬蟻，蠋也。方言云：馬蟻，北燕謂之蛆，蠋。其大者謂之馬蟻。本草作馬陸，一名百足，一名商蛆，一名秦蠋，皆一物也。陶注本草云：此蟲足甚多，寸寸斷便寸寸行。又引李當之云：蟲長五六寸，狀如大蛭，夏月登樹鳴，冬則蟄。唐本草注云：亦名刀環蟲，以其死則臥若刀環也。據此諸說，並無腐草變化之說。陶注本草螢火云：此是腐草爛竹根所化，初時如蛹，腹下已有光，數日便能飛，而不言螢火即蠋。惟呂覽云：腐草化爲螢，蛭，蛭即蠋也。高誘曰：蛭，馬蟻也。一



曰螿火也。立秋之日涼風至。又五日白露降。又五日寒蟬鳴。涼風不至。國無嚴政。白露不降。民多效病。寒蟬不

鳴。人皆力爭。寒蟬似蟬而小青赤色。一名蜺。鳴則天涼。嚴政。嚴肅之政。效。癩也。效。舊作邪。據藝文類聚訂。處暑之日鷹乃祭鳥。又五日天地始肅。又五日禾乃登。

鷹不祭鳥。師旅無功。天地不肅。君臣乃□。農不登穀。暖氣為凶。殺鳥而不即食。如祭然。肅。嚴急也。禾。木王而生。金王而死。黍稷之屬也。凶。舊作災。據御覽訂。白露

之日鴻鴈來。又五日玄鳥歸。又五日羣鳥養羞。鴻鴈不來。遠人背畔。玄鳥不歸。室家離散。羣鳥不養羞。下

臣驕慢。來自北而來也。燕去而蟄。如歸家。然。養羞者。蓄食以備冬。如藏珍羞。秋分之日雷始收聲。又五日蟄蟲培戶。又五日水始涸。雷不始收聲。諸

侯淫沕。蟄蟲不培戶。民靡有賴。水不始涸。甲蟲為害。穎達云。戶。穴也。以土增益穴之四畔。以陰氣將至而猶須出入故也。淫沕。淫沕。沕。沕。若稻蟹之類。水始涸。唐書厯志引作爰始收。

溲。然太平御覽兩引此。與今本同。故仍之。沕。舊作佚。據御覽訂。寒露之日鴻鴈來賓。又五日爵入大水為蛤。又五日菊有黃華。鴻鴈不來。小民

不服。爵不入大水。失時之極。菊無黃華。土不稼穡。鴻鴈先至者為主。後至者為賓。大。水海也。蛤。蟹屬。似蟬而圓極過也。霜降之日豺乃祭獸。又五日

草木黃落。又五日蟄蟲咸俯。豺不祭獸。爪牙不良。草木不黃落。是為愆陽。蟄蟲不咸俯。民多流亡。豺似狗。

後黃色羣行。其牙如錐。殺獸而陳之若祭。俯垂頭也。陽氣下沈。垂頭嚮之。爪牙武士。愨陽。陽不潛藏也。

立冬之日。水始冰。又五日地始凍。又五日雉入大水為蜃。水不

冰。是為陰負。地不始凍。咎徵之咎。雉不入大水。國多淫婦。晉語云。雉入于淮為蜃。雉。丹雘也。立秋來。立冬去。大蛤曰蜃。貢。借也。言陰敗也。雉與蛇交。合不以類。淫之象也。小雪

之日。虹藏不見。又五日天氣上騰。地氣下降。又五日閉塞而成冬。虹不藏。婦不專。一天氣不上騰。地氣不

下降。君臣相嫉。不閉塞而成冬。母后淫佚。六陽盡消。天不近物。故云上騰。純陰用事。地體凝凍。故云下降。閉塞。謂物盡蟄。天地猶君臣也。嫉。惡也。老陰。母后之象。大雪之日。鶡旦

不鳴。又五日虎始交。又五日荔挺生。鶡旦猶鳴。國有訛言。虎不始交。將帥不和。荔挺不生。卿士專權。鶡旦一名

寒號。夏月毛采五色。至冬盡落。夜則忍寒而號以求旦。荔挺。香草。一名馬薺。又名馬蘭。似蒲而小。或曰似鬚而長。厚。三月開紫碧花。五月結實。訛言。妖言也。虎。將帥之象。鶡旦。舊作鶡鳥。依王念孫說。訂顏氏家訓曰。說文荔似蒲而小。根可為刷。蔡邕章句云。荔似挺。高誘呂覽注云。荔草挺出。然則月令注荔挺為草名。誤矣。王引之曰。月令篇中草

名二字者。則但言生一字者。則言始生。未有狀其生之貌者。究當從鄭。冬至之日。蚯蚓結。又五日麋角解。又五日水泉

動。蚯蚓不結。君政不行。麋角不解。兵甲不藏。水泉不動。陰不承陽。結。盤屈如結也。麋。澤獸。色青黑。肉蹏。目下有兩小孔。能夜視。陽氣踵黃泉而出。故水泉動。承。奉也。

寒之日。鴈北向。又五日鵲始巢。又五日雉始雊。鴈不北向。民不懷主。鵲不始巢。國不寧。雉不始雊。國大水。

穎達云。鷹北鄉。晚者正月乃北鄉。鵠始巢。據晚者若早者。詩緯推度災云。復之日。鵠始巢。是也。雷在地中。雉聞則雊。不雊不聞雷也。陽不勝陰。陰沴故主水。

大寒之日。雞始乳。又五日鷺鳥厲疾。又五日

水澤腹堅。雞不始乳。淫女亂男。鷺鳥不厲。國不除姦。水澤不腹堅。言乃不從。

鷺鳥。鷹隼之屬。太陰殺氣將盡。故猛疾。與時競。腹堅。言冰堅固。凸出如腹。

論衡曰。火爲言。言不從。則水火相射。故不堅。

月令第五十三

亡。盧氏據蔡邕明堂月令論。隋書牛宏傳。謂禮記月令。卽周書月令。因以呂氏十二紀首補之。然如馬融論語注。引月令改火之文。蔡邕牛宏引月令論明堂之制。今俱不見于呂覽。則其同異未可知也。宋崇文總目有周書月令。

一卷。則別有單行本。今不可攷矣。餘詳逸文。

諡法第五十四

維三月既生魄。周公旦大師望相嗣王發。既賦憲受臚于牧之野。將葬。乃制作諡。

三月。謂成王元年作諡法之月也。武王未葬。故不諱賦。布。

憲。法臚。旅也。布法于天下。受諸侯旅見之禮。于時追諡西伯爲文王。而諡法未備。及此將葬武王。乃敘制之。舊作維周公旦太公望開嗣王業。建功于牧之野。終將葬。乃制諡。遂敘諡法。茲據困學紀聞訂。

諡者行之迹也。號者功之

表也。車服者位之章也。是以大行受大名。細行受細名。行出於己。名生於人。

迹。蹤迹。猶云大略也。號。若成湯武丁是也。名。謂號諡勸沮之方。以車服勳。

之子生前。以號謚惕之于身後。春秋傳曰。謚以勸德。言勸成其德也。五經通義云。謚之言列。陳列所行。以爲勸戒也。自殷以前。有名號而無謚。堯舜禹皆名也。虞書堯舜呼舜呼禹。及其歿。稱之爲帝。爲皇。祖。不敢名也。湯。號也。成湯既歿。猶稱爲湯。而馬融蔡邕之倫。並以爲謚。春秋繁露。風俗通。獨斷。並以黃帝之黃。亦爲謚。皆非也。但湯有成湯武湯之目。則亦謚之先聲矣。白虎通曰。天子崩。大臣至南郊。謚之。明不得欺天。故厲幽之謚。宣平不能改。自晉魏以還。君上無惡謚。失其義矣。婦人無外事故。從其夫之謚。有謚自魯隱公母聲子始。太子未立。無謚。晉賀循云。周靈王太子聰。哲明智。年過成童。亡猶不繼。春秋諸侯即位。未踰年。稱子。卒不爲謚。行未成也。申生有謚。惠公改葬而尊之。其後陳有悼太子。蔡有隱太子。亦其例也。諸侯薨。天子謚之。卿大夫卒。君謚之。春秋王室卑。諸侯不請謚。故莊公元年。王錫桓公命。而前此已嘗葬我君桓公矣。周禮。太史掌小喪。賜謚。小史掌卿大夫之喪。賜謚。讀誅皆皆贈謚于柩。夫易名攷行。勸沮之大典。後世則官顯例得美謚。何以褒貶哉。宋太平興國八年。詔增周公謚法五十五字。美謚七十一字。爲一百字。平謚七字。爲二十字。惡謚十七字。爲三十字。據此。則周公謚法當共有九十五字。今本除去神聖。帝皇王君公侯八字外。尙有九十六字。蓋有後人驟入者矣。

民無能名曰神。聖之至妙。無形無方。稱善賦簡曰聖。敬賓厚禮曰聖。孔

所稱得人。所賦得簡。愚謂賦。布也。簡。壹德不懈也。禮記曰。仁義接賓。主有事。俎豆有數曰聖。博厚高明。同于天也。德象天地曰帝。靜民則法曰皇。靜安皇大也。前民利用惠及萬世。仁義所在曰

王。仁天道。義地道。一貫三爲王。王往也。民往歸之。賞慶刑威曰君。從之成羣曰君。賞足以慶。刑足以威。君之道也。從之成羣。如一年成聚。二年成邑。三年成都。立制及衆曰公。公正無私。執

應八方曰侯。所執守者可應。八方侯侯也。壹德不解曰簡。平易不疵曰簡。壹。專一也。平易。無城府也。簡。約也大也。虞曰。簡不優于文。而列在文前。蓋篇中錯簡多矣。經緯天地曰

文。道德博厚曰文。勤學好問曰文。慈惠愛民曰文。愍民惠禮曰文。錫民爵位曰文。能經緯順從天地之道。德之盛也。博厚。廣博深厚。學問所

以成文理。論衡曰：文者德惠之衣。呂覽曰：文者愛之徵也。愛民而順理，則政事斐然，舉所可舉，順理成章。博厚，虞摭史記正義作博聞。茲依元本，勤學舊倒。茲據通鑑前編訂。左傳正義又有忠信接禮曰文。

剛彊理直曰武。威彊

德曰武。克定禍亂曰武。刑民克服曰武。夸志多窮曰武。

剛無欲，彊不撓，理忠恕，直無曲，威武驍彊，而有叡聖之德，叡思之德也。春秋傳曰：止戈爲武。又曰：夫武禁暴戢兵，保大定功，安

民和衆，豐財者也。法以正民而民服，法本于德故也。夸，大也。好大喜功，黷武不厭，管子曰：兵威而不止，命曰武滿。剛，彊理直，白虎通引作強理勁直。

敬事尊上曰恭。尊賢貴義曰恭。尊賢敬讓曰

恭。既過能改曰恭。執事堅固曰恭。愛民長弟曰恭。執禮御賓曰恭。芘親之闕曰恭。尊賢讓善曰恭。

敬事不懈于位

尊上，責難于君，尊賢則嚴憚，責義則齋肅，敬有德，讓有功，過勿憚，改能自拱持，執事堅固，言奉承弗失，以愛撫民，以慈字幼，皆恭道也。賓客主恭，執禮以迓之，親之闕失，修德以蓋之，讓善謂已有善而讓之人也。尊上，舊作供上，據後漢書寶皇后紀注訂禮檀弓疏引作敬

順事上。左傳疏引作敬長事上，俱非。長弟，通鑑前編作悌長。王念孫曰：長弟者仁愛之意，齊語云：不長弟于鄉里，是也。

照臨四方曰明。譖訴不行曰明。

照臨四方，豫見安危也。譖訴不行，能先覺也。威儀表

備曰欽。

表見于外者，可畏可象也。表，舊作悉，據馬融堯典注訂。

大慮靜民曰定。安民法古曰定。純行不爽曰定。

靜，安也。大慮，深思遠慮也。法古以安民，有定識，純行而不爽，有定力。

爽，差也。舊衍安民大慮曰定，復出今刪。爽，舊作二，据左傳疏史記正義訂。

諫爭不威曰德。綏柔士民曰德。

孔曰：不以威拒諫，安民以居，安士以事。綏柔，句舊脫。據史記正義補。

辟地有德曰

襄。甲冑有勞曰襄。

辟，開廣也。有勞，言能攘除外患。左傳疏地作土，甲冑，句作因事有功。

有伐而還曰釐。質淵受諫曰釐。小心畏忌曰釐。

戰功曰伐，不窮兵所以受

福淵深也。受諫獲益。能求福也。畏忌敬憚也。能敬憚。則過寡矣。釐亦作儻。小心句舊脫。據左傳疏補。博聞多能曰憲。通古今多才能。故能制憲令。聰明叡哲曰獻。知質有聖曰獻。聰明叡哲

真視聽思之德。孔曰。知質有聖。有所通。而無蔽。知質句舊脫。據史記正義補。溫柔聖善曰懿。孔曰。性純淑也。五宗安之曰孝。慈惠愛親曰孝。協時肇享曰孝。五宗五服

內之族屬也。慈惠愛親者。體親心以惠其下。孔曰。協合肇始也。常如始。親魏書甄琛傳引作民。秉德不回曰考。大慮行節曰考。回。邪也。不回所以成其德。大慮所以成其節。考成也。秉德句舊作孝。今訂。執心

克莊曰。齊資輔共就曰齊。齊肅自治。資輔佐以共成。淵源流通曰康。豐年好樂曰康。安樂撫民曰康。令民安樂曰康。淵源流通

管明于義理。觀物無滯。年豐民和。由其能敬天愛民也。孔曰。安樂撫民。無四方之虞。令民安樂富而教之。淵源句舊錯在恭諡之下。今併此。安民立政曰成。能成先業。布德執義曰穆。中情見貌曰

穆。布德不私。執義而固。情貌相符。表裏若一。皆敬以成之。敏以敬順曰頃。祗勤追懼曰頃。慈仁和民曰頃。敏。疾也。順當為慎。頃。敬也。追懼。能悔過也。祗。勤也。二句舊脫。據左傳昭八年昭三十

年疏補。昭德有勞曰昭。威儀恭明曰昭。聖聞周達曰昭。昭德。明其德也。勞功也。恭明。恭敬昭明也。聖聞。令聞也。威儀。容明舊作美。據左傳釋文訂。保民者艾曰胡。

彌年壽考曰胡。孔曰。六十曰耆。七十曰艾。彌年。大年也。彊毅果敢曰剛。追補前過曰剛。自勝為彊。致果為毅。果敢。勇致也。剛以勝私。故能補過。柔德考衆曰靜。恭

己鮮言曰靜。寬樂令終曰靜。柔德考衆。當依魏書源懷傳作柔直考終。直作德。終作衆。並古文假借。鮮言。靜默也。靜亦作靖。治而無昏曰平。執事有制曰平。布綱

持紀曰平。貴過也。制法度言不偏也。由義而濟曰景。布義行剛曰景。耆意大慮曰景。景強也大也。用義而成能自強也。布義行剛以剛行義也。耆強也。

清白守節曰貞。大慮克就曰貞。不隱無屈曰貞。外內用情曰貞。清白不污。固守其節。就成也。精定不動惑。故成也。不隱無屈者。堅守其正。外內用情者。內外如一。外內句舊。

脫據禮弓疏猛以剛果曰威。猛以彊果曰威。彊毅信正曰威。孔曰。猛則少寬。果敢行也。彊甚于剛。愚謂剛在心。彊在力。彊于行。毅于斷。以伸其正信。伸同。治典不殺

曰祁。秉常不衰。祁大也。句舊脫。據史記正義補。左傳疏作經典不易。辟土服遠曰桓。克敬勤民曰桓。辟土兼國曰桓。桓。武志也。克敬當作克敵。道德純備曰思。

大省兆民曰思。外內思索曰思。追悔前過曰思。純且備。由其慮深通敏。省察疾苦。思興利革弊也。外內思索。言求善也。備舊作一。據馬融堯典注訂。柔質慈民曰惠。

愛民好與曰惠。柔質寬柔之質。與施予也。孟子曰。惠而不知為政。又曰。分人以財。謂之惠。柔質受諫曰慧。慧智也。能受諫則慧矣。能思辨衆曰元。行義說民曰元。始

建國都曰元。主義行德曰元。能以深思辨章百姓。可以長人矣。元長也。行義說民。民說其義。主義者以義為主。始。左傳疏作好非也。元始也。兵甲亟作曰莊。叡罔克服曰莊。

勝敵志強曰莊。死於原野曰莊。屢征殺伐曰莊。武而不遂曰莊。亟。數。叡。深。圍。強也。死於原野。為國捐軀也。屢征殺伐。好勇尚力也。遂。成也。莊壯同。志強。左傳釋文作克亂。疏

作克克殺秉政曰夷。安民好靜曰夷。夷。傷也。平也。誅戮不忌。傷人多矣。好靜則平易之義也。民舊作心。亦作人。據左傳疏訂。靜亦作靖。執義揚善曰懷。慈仁短折曰懷。

揚稱也。孔晁曰：短未六十，折未三十。

鄭康成說：未冠曰短，未婚曰折。

夙夜警戒曰敬。夙夜恭事曰敬。善合法典曰敬。

夙夜警戒，敬身也。夙夜恭事，敬事也。法典所在，非敬何以守之。恭，左傳

疏作勤，奮有象，方益平曰敬。孔曰：法之以常而加敬也。語不可曉，今從史記正義儀禮通解文獻通考刪。

述義不克曰丁。迷而不悌曰丁。

丁，強也。孔曰：不悌，不遜。順也。丁，說文作玎。

有功安民曰

烈。秉德遵業曰烈。

孔曰：以武立功，遵世業不墮，愚謂烈業也。光也。秉，後漢書陰皇后紀注作執。

剛克爲伐曰翼。思慮深遠曰翼。

伐，功也。思深慮遠，翼翼敬事也。

剛德克就

曰肅。執心決斷曰肅。

嚴整不撓，成其剛德。執心決斷，言嚴果也。

愛民好治曰戴。典禮不憲曰戴。

戴，奉也。憲，愆同。

死而志成曰靈。亂而不損曰

靈。極知鬼神曰靈。不勤成名曰靈。死見神能曰靈。好祭鬼神曰靈。

生前之志，死而成之，所謂爲厲鬼以殺賊也。棄法行私曰亂，損滅也。極知鬼神者，窮幽測隱，不務民

義也。不勤成名，若周靈王之生而能神，死見神能。若杜伯彭生之類，好祭鬼神，謂濃祀如靈巫。

短折不成曰殤。未家短折曰殤。

不成，未成人也。喪服傳：十九至十六曰長殤，十五至十二爲中殤，十一至八歲爲下殤。孔曰：未

家者，未室家也。

不顯尸國曰隱。隱拂不成曰隱。

顯，明尸主也。以闇主國，若邾隱公，隱拂，違拂也。如魯隱公欲讓國而不成，不顯句，左傳釋文作不尸其國。

年中早夭曰悼。恐懼從

處曰悼。

年不稱志，如晉悼公，從處未詳。孔曰：言險圯也，亦所未喻。

不思忘愛曰刺。愾佞遂過曰刺。

刺，謬戾也。孔曰：忘愛，忘其愛己者。拒諫曰愾，反是曰佞。刺音辣。

外內從亂曰荒。

好樂怠政曰荒。

孔曰：官不治，家不理，淫于聲色，怠于政事，從子用反，荒亦作穰。

在國逢難曰愍。使民折傷曰愍。在國連憂曰愍。禍亂方作曰愍。



難外患也。災癘水旱。民多夭折。憂內難也。方作滋長也。怒亦作潯。蚤孤短折曰哀。恭仁短折曰哀。孔曰。蚤者。未知人事。體恭質仁。功未施也。蚤孤隕位曰幽。雍遏不通曰

幽。動靜亂常曰幽。隕位。失其位也。雍遏不通。蓄心蔽干欲。昏亂暗昧。動靜亂常。言起居無節。號令不時。隕奮作有慮。從史記正義作鋪。茲據文獻通考訂。靜奮作祭。據左傳疏訂。克威捷行曰魏。克威惠

禮曰魏。魏。大也。孔曰。有威而敏行。雖威不逆禮。史記年表索隱。引作克捷行軍曰魏。魏音魏。通作微。魯魏公亦作微公。去禮遠衆曰煬。好內遠禮曰煬。好內怠政曰煬。肆行

勞神曰煬。去禮遠衆。悖理弄民也。好內遠禮。非禮宣淫也。肆行勞神。恣肆其行。疲憊其神也。煬釋金也。一曰火熾猛也。肆行句奮作肆行勞祀曰悼。錯在前悼諡下。茲據穀梁定元年疏訂。醜心動懼曰甄。醜。恥也。心能有恥。動則戒

懼。甄讀爲眞。魯眞公衛眞侯是也。此節虛從史記正義作甄。心動懼曰頃。茲從故書與文獻通考合。威德剛武曰圉。孔曰。圉。禦也。能禦亂患也。愚案。漢功臣表有費圍侯陳賀。善聞周達曰宣。舊作聖善周

治民克盡曰使。使。民以義。行見中外曰愨。孔曰。表裏如一。勝敵壯志曰勇。孔曰。不燒屈。昭功寧民曰商。孔曰。明有功者也。狀古述今曰

譽。譽。美也。以文章狀述古今。心能制義曰度。孔曰。制事得宜。愚謂心如度。能度萬事也。好和不爭曰安。孔曰。失在少斷。外內貞復曰白。孔曰。正而復。終始一也。不生其國曰

聲。孔曰。生于外家。暴慢無親曰厲。殺戮無辜曰厲。暴慢句奮脫。據隱三年左傳疏補。無辜。杜預引作不辜。官人應實曰知。量才授官。知之要務。凶年無穀曰穰。孔曰。凶年無穀曰穰。孔

不務稼穡。盧曰。漢書諸侯王表有中山穰王昆侈。師古注引好樂怠政曰穰。則與前荒謚相同。或誤記耳。古者三年耕有一年之食。上苟勤于民事。則緩急自當有備。凶歲不能爲災。穰之爲言虛也。名實不爽曰質。孔曰。言相應也。不悔

不務稼穡。盧曰。漢書諸侯王表有中山穰王昆侈。師古注引好樂怠政曰穰。則與前荒謚相同。或誤記耳。古者三年耕有一年之食。上苟勤于民事。則緩急自當有備。凶歲不能爲災。穰之爲言虛也。名實不爽曰質。孔曰。言相應也。不悔

前過曰戾。孔曰知而不改。溫良好樂曰良。和厚易直使人可好可樂。怙威肆行曰醜。恃其威勢肆行妄爲。德正應和曰莫。服虔曰發號施令天下應和之莫然而定無喧譁也。勤

施無私曰類。杜預曰施而無私物得其所類善也。好變動民曰躁。使民不安躁古文作趨。慈和徧服曰順。服虔曰上愛下曰慈和中和也爲上而愛下行之以中和天下徧服從而順之。滿志

多窮曰戚。孔曰自足者必不足者也。盧曰感古憾字。危身奉上曰忠。忘身之危。鞠躬盡瘁。思慮果遠曰趕。孔曰自任多近于專。金履祥曰趕當作悍。怠政外交曰攜。不自強而恃人

也。攜離也。怠。善也。依劉斷訂。疏遠繼位曰紹。孔曰非其次弟偶得之也。彰義掩過曰堅。著善而掩不善是長其過也。堅長也。肇敏行成曰直。敏于行而行成則能正人之曲。內外

賓服曰正。外賓內服。非正不能。華言無實曰夸。夸虛也。教誨不倦曰長。服虔曰教誨人以善不懈。倦言善長人以道德也。愛民在刑曰克。在察克。能也。嗇於賜

與曰愛。孔曰言貪吝也。逆天虐民曰抗。天者理也。逆天害民是抗天也。好廉自克曰節。廉廉隅。孔曰自勝其情欲。擇善而從曰比。服虔云損益古今之宜。比方而從之也。好更

改舊曰易。孔曰變改故常。名與實爽曰繆。名美實惡。思慮不爽曰厚。爽差也。舊作思厚不爽曰愿。據史記正義通鑑前編所引訂。貞心大度曰匡。心正而明察少。隱哀

之方。景武之方也。方類也。施爲文也。除爲武也。孔曰施德除惡。辟地爲襄。服遠爲桓。剛克爲發。柔克爲懿。履正爲莊。有

過爲僖。施而不成爲宣。惠無內德爲平。襄。襄也。詩曰。獫狁于襄。發。發壯往也。懿。美也。莊。嚴正也。宣。樂也。孔曰無內德惠不成也。發。蘇洵集作伐。失志無轉。則以其明。餘

皆象也。

失當爲矢。志定不移。則以其明所及爲證象。謂象其事行。

和會也。勤勞也。遵循也。爽傷也。肇始也。又治也。康安也。怙恃也。享祀也。胡

大也。服敗也。乘順也。就會也。蹇過也。錫與也。典常也。肆放也。穰虛也。叡聖也。惠愛也。綏安也。堅長也。耆彊

也。考成也。周至也。懷思也。式法也。布施也。敏疾也。捷克也。載事也。彌久也。

詩常棣傳曰。九族會曰和。老子曰。五味令人口爽。言傷其口也。壽考謂之胡考。

言大年也。顏氏家訓曰。打破人軍曰敗。讀補敗反。敗之則服之矣。就如就正之就。穰亦作康。康者虛荒之名。堅與叡賢並通。自多其能之意。春秋傳曰。不懼不書。懼之反也。盧曰。自和會也。以下皆廣訓篇內字義。

### 明堂弟五十五

大維商紂暴虐。脯鬼侯以享諸侯。天下患之。四海兆民。欣戴文武。是以周公相武王以伐紂。夷定天下。既

克紂。六年而武王崩。成王嗣。幼弱未能踐天子之位。周公攝政。君天下弭亂。六年而天下大治。乃會方國

諸侯于宗周。大朝諸侯明堂之位。

史記云。九侯有女入于紂。九侯女不好淫。紂怒殺之。並脯九侯。九鬼聲相近。路史國名紀云。相之隆慮有九侯城。夷平也。武王十一年克紂。十七年十二月崩。成王時年十三歲。攝政謂

百官聽于冢宰。弭亂。黜殷踐奄也。方國。四方之國。宗周。雒邑也。祭統云。卽宮于宗周。

唐大衍麻議云。周書革命六年而武王崩。管子家語以爲七年。通克殷之歲也。

天子之位。負斧戾南面立。羣公卿士侍

于左右三公之位。中階之前北面東上。諸侯之位。阼階之東。西面北上。諸伯之位。西階之西。東面北上。諸子之位。門內之東。北面東上。諸男之位。門內之西。北面東上。

天子成王也。負背也。展在太室戶外。狀如屏。畫斧焉。故曰斧。展侯伯皆北上。統于天子門正門也。羣舊作率。據玉

海九十五卷訂

九夷之國。東門之外。西面北上。八蠻之國。南門之外。北面東上。六戎之國。西門之外。東面南上。五

夷蠻戎皆上右

狄之國。北門之外。南面東上。四塞九采之國。世告至者。應門之外。北面東上。此宗周明堂之位也。

狄上左者。以亦南面避尊也。四塞九采。謂九州之外。爲中國蔽塞。供事者世告至。世一見也。塞息代反。此字奮脫。據玉海增。

明堂者。明諸侯之尊卑也。故周公建焉。而朝諸侯於明

康成云。頌讀爲班。度謂丈尺高卑廣狹。量謂豆區斗斛。篚筥所容受。方賄。

堂之位。制禮作樂。頒度量而天下大服。萬國各致其方賄。七年致政於成王。

土之所有。此篇闕逸尙多。虛文昭據御覽補八十一字。實不盡此。今列逸文。者字奮脫。據文選東都賦注。增政一本作位。非也。

嘗麥弟五十六

維四年孟夏。王初祈禱于宗廟。乃嘗麥于太祖。月令孟夏之月。農乃登麥。天子乃以彘嘗麥。先薦寢廟。成王始舉行此禮也。太平御覽八百三十八卷引此宗廟作岱宗。太祖作廟。是月。

王命大正正刑書

大正蓋司寇也。春秋鄭有少正。是月為斷薄刑決小罪之時。故使正刑書。

爽明。僕告既駕。少祝導王。亞祝迎王。降階。即假于大宗。少

宗少祕于社。各牡羊一。牡豕三。

爽明。旦明也。僕。大僕也。少祝。中士。亞祝。上士。階。路寢之階。假。至也。大宗。少宗。大宗伯。小宗伯也。少祕。內史也。掌書王命。社。主陰。陰。主殺。將頒刑書。故假社而告焉。社。與后土。皆羊一。豕三。不用

大牢者。皆祭殺禮。假音格。少祕。惠士奇以為小史。

史導王于北階。王陟階在東序。乃命大史尙。大正即居于戶西南向。九州牧伯咸進

在中。西向。宰乃承王中。升自容階。作筴執筴從中。宰坐。尊中于大正之前。大祝以王命作筴告大宗。王命

□□祕作筴許諾。乃北向繇書于兩楹之間。

作筴必于廟。示不致專也。堂東西牆謂之序。大史下大夫。尙上也。大史邇王近戶。大正近廟在中。中庭也。宰。宰夫。承奉也。中本盛筴器。此蓋盛作筴之具。筴及

鉛槧也。作筴者。執筴從宰而升。宰乃奠中于兩楹間。尊猶奠也。大祝下大夫。告大宗以王命作筴。大宗遂以王命命祕繇用也。牧。舊闕。茲依丁本。三禮圖云。中長尺二寸。首高七寸。背上四寸。穿之容算八。此所用中。當亦相類。筴初革反。獨斷云。長二尺。短者半之。尊本作算。

與算相似。士喪禮注云。古文奠為尊也。

王若曰。宗揜大正。昔天之初。誕作二后。乃設建典。命赤帝分正二卿。命蚩尤。宇于少昊。

以臨四方。司□□上天未成之慶。

揜。大宗名。訓刑而告宗伯者。亦出禮入刑之意。二后。當作元后。二卿。左右大監。監萬國者。猶周之周召分陟也。蚩尤。古諸侯。即二卿之一。少昊。魯也。蚩尤。家在壽張。亦魯地也。誕。舊闕。

茲依丁本。宇于二字舊倒。據路史訂。少昊。路史作小顛。大戴記用兵篇云。蚩尤。庶人之貪者。蓋猶三苗本。是諸侯。而呂刑謂之苗民也。馬融孔傳。並以蚩尤為少昊之末九黎君名。時代隔遠。非也。

蚩尤乃逐帝。爭于涿鹿之河。

九隅無遺。赤帝大恟，乃說于黃帝，執蚩尤殺之于中冀，以甲兵釋怒，用大正順天思序。紀于大帝，用名之。

曰絕轡之野。

梁曰：史記注，涿鹿山名。阪泉一名黃帝泉，至涿鹿與涿水合，所謂涿鹿之河也。愚案今宣化州保安州東南有涿水，赤帝神農之後帝榆罔，黃帝軒轅氏也。山海經云：帝令應龍攻蚩尤，遂殺之。釋怒，釋民之怒。甲兵刑之大者，黃帝始以兵

定天下，故首溯之。順天思序，致天討，使民畏法而思倫序。紀于大帝，言天紀其繼。河本或作阿涿水，見水經注。

乃命少昊清司馬鳥師，以正五帝之官，故名曰質。天用大成。

至于今不亂。

此因蚩尤事終言之。清一名青陽，黃帝子，己姓，為黃帝司馬。代蚩尤居少昊，其後有名質者，代軒轅氏有天下，以鳥師正五帝之官，具詳春秋傳。質讀為摯，知清非即質者，禮祭法疏引春秋命厥序云：黃帝傳十世，少昊傳八世，顓頊傳

十二世，帝嚳傳十世，路史稱黃帝之後有帝鴻、帝魁，又引竹書云：黃帝至禹，為世三十。曹植少昊贊云：祖自軒轅青陽之裔，是金天氏不得親代黃帝明矣。

其在啓之五子，忘伯禹之命，假國無正，用胥

興作亂，遂凶厥國。皇天哀禹，賜以彭壽，思正夏略。

五子，五觀也，亦曰武觀。啓子，太康昆弟。國子觀，墨子云：武觀淫溢康樂，野于飲食，萬舞奕奕，章聞于天。路史稱竹書云：武觀以西河叛，帝征西

河，以武觀歸，是其事也。彭，大彭，夏之伯諸侯者，壽其名也。今太原府榆次縣西南有武觀城。啓舊作殷，形近而譌。

今予小子，聞有古遺訓，予亦述厥文，考之言，不易。予用皇威

不忘，祇天之明典，令□我大治，用我九宗。正州伯教告于我。

文考當作文祖，皇大威，畏祇敬也。九宗，正九族之長。

相在大國，有殷之□辟。

自其作□于古，是威厥邑，無類于冀州，嘉我小國，其命余克長王國。

相，視也。此言殷紂不善，所以殞命。大國謂殷，威，虛類種也。冀州紂所都。威，王念孫謂是威字。

之譌威即滅字

嗚呼敬之哉。如木既顛厥巢，其猶有枝葉作休。爾弗敬恤爾執，以屏助予一人。集天之顯，亦爾子

孫，其能常憂恤乃事。

顛覆也。休讀爲荏，荏蔭也。丁曰：敬恤爾執，謂敬念所執之事，屏輔也。集天之顯，言成上天眷顧之顯命。

勿畏多寵，無愛乃鬻，亦無或刑于鰥寡。非

罪，惠乃其常，無別于民。

言用法者勿憚貴寵之臣，勿惜諸言之姦，順乎天討之典，貴賤無別。

衆臣咸興，受大正書，乃降。太史筴刑書九篇，以升授大

正。

以刑書之筴九篇升，刑書九篇蓋即春秋傳之九刑，殺則爲賊，掩賊爲竊，竊賄爲盜，盜器爲姦，主穢之名，賴姦之用，爲大凶德，有常無赦，即其逸文。

乃左還自兩柱之間，箴大正曰：欽之哉。諸

正敬功，爾頌審三節，無思民因順。爾臨獄無頗，正刑有愒，夫循乃德，式監不遠。以有此人，保寧爾國，克戒

爾服，世世是其不殆，維公咸若。

箴，規戒也。諸正，司寇之屬，官主刑獄者。頌，誦也。三節，蚩尤五觀股紂也。無思，思也。因，依順，從也。頗，偏也。愒，憂也。慎之至也。人民服事也。敬戒爾事，慎用中罰。世世不危，維公之循理稱職也。

愒，奮作撥。茲依丁本。

太史乃降，大正坐舉書，乃中降，再拜稽首。王命大正升，拜于上，王則退。

由中階降，尊刑憲。舊作王命太史正涉上而誤衍也。是

月，士師乃命太宗序于天時，祠大暑，乃命少宗祠風雨百享。士師用受其馘，以爲之資邑。

士師，下大夫，掌邦之八成及憲令，刑

書既殞，告于百神，以信法也。祠暑于壇，祠寒于坎，百享，百神在祀典者，馘肉也。謂胙肉也。資邑，使都邑資以爲法。

乃命百姓，遂享于家，無思民疾，供百享，歸祭閭，率里君，以爲

之資野。百姓百官疾疾苦也。率者連率之率。閭率里君。周禮謂之閭。胥里宰。野六達也。歸如字。一音饋。率悉類反。幸乃命冢邑縣都祠于太祠。幸用受其職。載以爲之。

資采。宰公邑之宰。太祠邑中尊祭之神。若社稷及鄉先生職所當祭。自受之。故曰職。載。采公卿大夫之采。太祠下舊衍及風雨也。四字蓋校注之詞。潤入正文。今刪。君乃命天御豐穡享祠。爲施大夫。以

爲資箴。君采邑之君。天御未嘗。或云太御之。譌。稽。稽同。資箴箴大夫無箴法也。太史乃藏之盟府。以爲歲典。盟府。司盟之府。

### 本典第五十七

維四月既生魄。王在東宮。告周公曰。嗚呼。朕聞武考。不知乃問。不得乃學。俾資不肖。永無惑矣。今朕不知

明德所則。政教所行。字民之道。禮樂所生。非不念念而不知。敬問伯父。字。愛也。道民以政教。化民以禮樂。皆本于明德。念慮也。念而不知。舊脫念不二字。依王

念孫訂。敬舊作。故據文選注改。周公再拜稽首曰。臣聞之文考。能求士者智也。與民利者仁也。能收民獄者義也。能督民過

者德也。爲民犯難者武也。收。如收威之收。謂收。收如收威之收。謂收。收如收威之收。謂收。收如收威之收。謂收。智能親智。仁能親仁。義能親義。德能親德。武能親武。五者昌

于國曰明。方以類聚。君有是德。然後能用。是人賢能在位。是謂明主。明能見物。高能致物。物備咸至。曰帝。帝鄉在地曰本。本生萬物曰世。世



可則效曰至。至德照天。百姓□驚。

識以別人。權以達識。物備成至。則如天之無爲而四時行。百物生。鄉猶眷顧也。天所眷其本在德。照天如天之臨照。鄉音向。

備有好醜。民無不戒。

顯父登德。德降則信。信則民寧。爲畏爲極。民無淫慝。

備。備示之也。民有所畏。而協于中。自無淫慝矣。

生民知常利之道。則國彊序。明好

醜必先固其務。

正德利用厚生。常利之道也。然教必先富。故宜先固其務。必先奮作。必依陸麟書說訂。

均分以祿之。則民安。利用以資之。則民樂。明德以師

之。則民讓。生之樂之。則母之禮也。政之教之。遂以成之。則父之禮也。父母之禮。以加于民。其慈□□。

祿讀若算。

明示之也。示以等威。則無覲覲。給以田里。通其材用。則無窮乏。教以禮樂。則無爭競。成其名也。祿。奮作。利據說文。訂利。奮。闕。依陸麟書說補。

古之聖王。樂體其政。士有九等。皆得其宜。曰材

多人。有八政。皆得其則。曰禮服。士樂其生。而務其宜。是故奏鼓以章樂。奏舞以觀禮。奏歌以觀和。禮樂既

和。其上乃不危。

九等。忠、信、敬、剛、柔、和、貞、固。順用得其宜。故材多。八政。夫婦、父子、兄弟。君臣。其則即禮也。樂以鼓爲節。章表也。舞有揖讓之容。故可觀禮。

王拜曰。允哉。幼愚敬守。以爲本典。

治之

本國之典也。

# 逸周書集訓校釋七

## 官人第五十八

王曰。嗚呼。大師。朕維民務官。論用有徵。觀誠。考志。視聲。觀色。觀隱。揆德。可得聞乎。周公曰。亦有六徵。嗚呼。乃齊以揆之。

論用。謂辨論官材而用之。徵。驗。齊。辨也。虛曰。此篇亦見大戴禮。通篇皆文王之言。論知字。禮作倫。虛辯云。理次也。志。誓。作言。王念孫云。當依禮作志。齊如齊大小之齊。差其等列也。

一曰。富貴者觀其有

禮施。貧賤者觀其有德守。嬖寵者觀其不驕奢。隱約者觀其不懼懼。其少者觀其恭敬好學而能悌。其壯者觀其廉潔務行而勝私。其老者觀其思慎。彊其所不足而不踰。

此皆觀其所難。禮施有禮而施惠。德守。操守也。隱約。謂在下位者。血氣衰往往貪得自恣。故觀其所

慎勉也。父子之間。觀其孝慈。兄弟之間。觀其和友。君臣之間。觀其忠惠。鄉黨之間。觀其信誠。省其居處。觀其

義方。省其喪哀。觀其貞良。省其出入。觀其交友。省其交友。觀其任廉。

此皆觀其所當然。義以方外。則無苟且。貞者精定。不動惑。良者量力而動。不敢越限。倉卒大故。

可以覘其識與守也。方以類聚。故觀其友。任保也。以信相親也。釋名云。貞。定也。良。量也。

設之以謀。以觀其智。示之以難。以觀其勇。煩之以事。以觀其治。

此皆觀其才設。

假設也。治謂空儻之中處置得宜。

臨之以利以觀其不貪。濫之以樂以觀其不荒。喜之以觀其輕。怒之以觀其重。醉之酒以

觀其恭。從之色以觀其常。遠之以觀其不二。昵之以觀其不狎。

此皆觀其養濫。荒失也。從讀爲縱。常。常度也。二讀爲貳。昵親也。狎則犯禮。

復徵其言

以觀其精。曲省其行以觀其備。此之謂觀誠。

精微也。曲委曲備細也。

二曰方與之言以觀其志。志殷以淵。其氣寬以柔。

其色儉而不諂。其禮先人。其言後人。見其所不足。曰日益者也。好臨人以色。高人以氣。賢人以言。防其所

不足。發其所能。曰日損者也。

方常殷正。淵深也。儉卑約也。篤于禮。訥于言。不自諱其不足。是求益者也。賢勝也。防蔽而衛之也。發讀爲伐。禮正作伐。

其貌直而不止。其言正而不

私。不飾其美。不隱其惡。不防其過。曰有質者也。其貌曲媚。其言工巧。飾其見物。務其小證。以故自說。曰無

質者也。

止留質誠也。曲媚曲以媚人。見物表見之事。小證猶云小節。以故自說者。以他故自解其過。晉語多爲之故。章昭曰。多作計術。文選注引賈逵云。故謀也。然則謂以詐謀自解亦通。

喜怒以物而色不變。煩亂

以事而志不淫。深導以利而心不移。臨攝以威而氣不卑。曰平心而固守者也。喜怒以物而心變易。煩亂

以事而志不治。導之以利而心遷移。臨攝以威而氣懾懼。曰鄙心而假氣者也。

營惑亂也。攝迫也。和平其心。堅固其守。非有學者不能也。不治言愜。

擾無主，操亦懼也。鄙心假氣，言不學而假血氣以自強。攝如攝乎大國之攝，奮作懾，據後漢書注文選法訂。設之以物而數決，敬之以卒而度應，不文而辯，曰有慮者也。難

決以物，難說以言，守一而不可變，困而不知止，曰愚依人也。物事也。數之言速也。敬當依禮作驚，卒，倉卒也。度應，以法度應之。辯，慧也。依當爲隱，擊之誤也。隱，暗也。數所角反。

敬讀爲驚，卒與猝同。言字奮脫，依王念孫說增。依讀爲隱，白虎通廣雅並云衣隱也。禮中庸注云齊人言殷聲如衣殷，隱衣依古聲並同。盧文昭云依讀爲擊，未見所出。

營之以物而不誤，犯之以卒而不懼，置

義而不可遷，臨之貨色而不過，曰果敢者也。易移以言，志不能固，已諾無決，曰弱志者也。置，立也。不過，猶云不顧。易移，舊作

移易據禮訂。易以鼓反。順子之弗爲喜，非奪之弗爲怒，沈靜而寡言，多稽而險貌，曰質靜者也。屏言而弗顧，自順而弗

讓，非是而彊之，曰妒誣者也。險，讀爲儉，多稽學之博，儉，貌心之靡，屏當爲辨，自順，恣意自遂，非是而彊者，明知其非，故蹈之也。妒，誣，妒賢誣善也。險，禮作儉，言通用。屏，禮作辨，聲相近。彊，去聲。微而能發，察

而能深，寬順而恭儉，溫柔而能斷，果敢而能屈，曰志治者也。華廢而誣，巧言令色，皆以無爲有者也。此之

謂考志。淵微之理，發而顯之，所揆察者，能見其深。志治者，其志不亂也。廢，大也。誣，無實也。三曰誠在于中，必見諸外，以其聲處其氣，氣初生物，物生有聲，

聲有剛柔清濁，好惡咸發于聲。處，定也。氣稟于天，形成于地，聲發于形，實本于氣。剛柔清濁，氣稟之異，而聲之好惡象之。處，其氣舊作處，其實據禮訂好惡如字。心氣華誕者，其聲流

散心氣順信者其聲順節。心氣鄙戾者其聲醒醜。心氣寬柔者其聲溫和。信氣中易。義氣時舒。知氣簡備。

勇氣壯力。華誕虛妄。流散言無相也。醒讀爲嘶。散聲。中正坦易。信實之徵。義剛氣充。故時而舒也。智者簡通。該備勇者壯毅有力。醒禮作斯。孔廣森曰。內則注。沙猶斯也。正義曰。斯謂酸嘶。古嘶字。單作斯耳。今案說文作嘶。散聲。漢書王莽傳。大聲而嘶。注云。

聲破也。易以鼓反。知舊作和。據禮訂。聽其聲處其氣。考其所爲。觀其所由。以其前。觀其後。以其顯。觀其隱。以其小。占其大。此之

謂視聲。由者。所從來之意也。隱。中藏也。隱顯二字。舊五倒。王念孫據禮訂。四曰。民有五氣。喜怒欲懼憂。喜氣內蓄。雖欲隱之。陽喜必見。怒氣內蓄。

雖欲隱之。陽怒必見。欲氣懼氣憂悲之氣。皆隱之。陽氣必見。五氣誠于中。發形于外。民情不可隱也。隱。匿。陽外。

也。喜色猶然以出。怒色薦然以侮。欲色嫗然以愉。懼色薄然以下。憂悲之色瞿然以靜。猶然。舒和貌。薦然。如薦之怒。鷹神獸也。侮。陵也。

軀然欲得之貌。如雞將伏卵然。愉讀爲偷。苟且求悅人也。薄懼也。瞿然。眦視之貌。猶。禮作由。注云。當爲油。新生好貌。案猶通作繇。爾雅云。繇喜也。又荀子子道篇。蓋猶若也。注云。舒和之貌。則宜讀如字。薦讀爲薦。直氏反。說文。薦獸之所食草。古者神人以薦遺黃帝。又曰。豸獸長。豸豸然欲有所司殺。豸即鷹也。禮作拂。王念孫據之以爲莠字之誤。

亦通愉。禮作偷。惠云。古通用。瞿。禮作臬。玉藻云。視容瞿。注云。不審之貌。誠智必有難盡之色。誠仁必有可尊之色。誠勇

必有難懼之色。誠忠必有可新之色。誠潔必有難汚之色。誠靜必有可信之色。誠仁必有可尊之色。誠勇

新。禮作親。古通假。

質浩然固以安。

僞蔓然亂以煩。雖欲改之。中色弗聽。此之謂觀色。

浩然。浩浩然無所阻闕也。蔓然。蕪亂貌。中色。誠中之色。

五曰民生則有陰有陽。人多隱

其情。飾其僞。以攻其名。有隱于仁賢者。有隱于智理者。有隱于文藝者。有隱于廉勇者。有隱于忠孝者。有

隱于交友者。如此不可不察也。

盧辯云。人含陰陽之氣。生而有知。有知故生隱。僞情實攻取忠誠也。

小施而好德。小讓而爭大。言願以爲質。僞愛以

爲忠。尊其得以攻其名。如此隱于仁賢者也。

好德。好人之德已。願當爲愿。慤也。尊得攻名者。表暴其一德以取美名。攻奮作改據禮訂。

前總唱功。慮誠弗及。伴

爲不言。內誠不足。色示有餘。自順而不讓。措辭而不遂。此隱于智理者也。

前猶始也。唱。導也。始則總率而唱。導其功。慮其實有不及。則伴爲聰明內蘊之

狀。蓋能發不能收。又欲掩其不能者也。遂。直也。言留其不盡。

動人以言。竭而弗終。問則不對。佯爲不窮。貌而有餘。假道而自順。因之。□初窮

則託深。如此隱于文藝者也。

竭而弗終者。意竭而弗竟其詞。佯爲不窮者。對非所問也。託深。謂託爲艱深。貌上奮作空圍。王曰。本無脫字。貌而讀爲貌如。

□言以爲廉。矯厲以爲勇。

內恐外誇。亟稱其說。以詐臨人。如此隱于廉勇者也。

矯厲。矯情厲色也。亟。欺莫反。數也。

自事其親而好以告人。飾其見物。不

誠于內。發名以事親。自以名私其身。如此隱于忠孝者也。

見物人所共見之事。若割股薦慕之類。盧云。發與伐。同。欲得孝敬之名。是以名私身也。見音現。下同。

比周

以相譽。知賢可徵而左右不同而交。交必重己。心悅而身弗近。身近而實不至。懼不盡見于衆而貌克。如

此隱于交友者也。此之謂觀隱。

結黨相譽。知賢名之可求而相爲左右也。雖不同量亦與之交。將借其人以重己也。實德也。能爲己重。故心說。憚其嚴正。故身弗近。即近焉。實亦弗至。但懼衆不知其能。交賢士。故貌爲親。

密耳克能也。

六曰言行不類。終始相悖。外內不合。雖有假節見行。曰非誠質者也。

悖逆也。節非所安。故曰假行。皆緣飾。故曰見誠。奮作成。據禮訂。

言

忠行夷。爭靡及私。施弗求多。情忠而寬。貌莊而安。曰有仁者也。

言發于中。行歸于庸。所爭必公。求多。求人之以己爲多。

事變而能治。效窮

而能達。措身立方而能遂。曰有知者也。

效功遂成也。不苟合于世。而能保身以遂志。

少言以行。恭儉以讓。有知而言。弗發。有施而心

弗德。曰謙良者也。

弗伐其智。弗矜其施。

微忽之言。久而可復。幽閒之行。獨而弗克。其行亡如存。曰順信者也。

微忽細微。易忽幽閒。

幽室閒居。慎行于獨。非求勝人也。亡如存。所謂死者。可作生者。不愧。

貴富恭儉而能施。嚴威有禮而不驕。曰有德者也。隱約而不懼。安樂而不奢。勤

勞而不變。喜怒而有度。曰有守者也。

變謂變易其忠勤之志。

直方而不毀。廉潔而不戾。彊立而無私。曰有經者也。

不毀不驥。

所守不戾。不乖乎人。有經言能守其常道。

虛以待命。不召不至。不問不言。言不過行。行不過道。曰沈靜者也。

不過行。言必順行也。不過道。以道制行也。

忠愛

以事親。驩以敬之。盡力而不固。敬以安之。曰忠孝者也。固當依禮作面。驩以養。敬以事。力竭而不見于面。舊作驩以盡力而不回。敬以盡力而不回。茲據初學記訂。合志而

同方。共其憂而任其難。行忠信而不疑。迹隱遠而不舍。曰交友者也。方嚮也。志之所嚮。任擔持之也。隱遠不舍。言迹睽而心合。迹蓋闕禮作迷。蓋迹字之訛。志

色辭氣。其入人甚俞。進退工故。其與人甚巧。就人甚速。叛人甚易。曰位志者也。俞然也。人以為必應然也。工故。工于詐謀也。未得志則乞憐。已得志

則背叛。是志于爵位之鄙夫也。飲食以親。貨賄以交。接利以合。故得望譽。征利而依隱于物。曰貪鄙者也。接利以利相接。

此節及下節並依禮校補。

望讀為妄。征。奢隱據也。質不斷。辭不至。少其所不足。謀而巳。曰偽詐者也。既不能斷。而辭又不及。所不足未能致者也。言行亟變。從容克易。好

惡無常。行身不篤。曰無誠者也。從容克易。言安然變易。無慙作。亟欺翼反。少知而不大決。少能而不大成。規小物而不知大倫。曰

華誕者也。略有知能。便自誇翹。故曰華誕。規諫而不類。道行而不平。曰竊名者也。類善也。道行猶云行道不平。言多詭異也。故曰事阻者不夷。時口者

不回。面譽者不忠。飾貌者不靜。假節者不平。多私者不義。揚言者寡信。此之謂揆德。事阻謂行險也。靜讀為情。揚振揚張大也。靜禮作

情。文選注引此。亦作情。古通假。



### 王會弟五十九

成周之會。壇上張赤帑陰羽。

此名為會。其實殷同。故為壇于國外。孔曰。除地曰壇。王應麟曰。覲禮諸侯覲于天子。為官方三百步。四門壇十有二尋深四尺。周禮掌次合諸侯設重帑。又幕人云。朝覲會同。供其帷幕。帑注云。帑在

幕若帳中。坐上承塵。以繒為之。愚案陰淺黑色。以黑羽飾赤帑。陰。洪頤煊讀為翳羽葆幢也。如是則不須言羽。孔曰。陰鶴也。未知所本。

天子南面立。纁無繁露。朝服八十物。搢珽。

孔曰。繁露。冕之所垂也。所

尊敬則有焉。八十物。大小所服。搢插也。珽似笏。愚案玉藻注云。珽或謂之大圭。長三尺。杼上終葵首。終葵首者。杼上又廣其首。方如椎頭。王曰。崔豹古今注云。冕纁玉下。垂如繁露。

唐叔荀叔周公在左。太公望在右。

皆纁。亦無繁露。朝服七十物。搢笏。旁天子而立於堂上。

孔曰。唐荀。國名。皆周成王弟。旁。謂差在後。近天子。故其冕亦無。流。愚謂荀叔蓋武王庶子。今山西絳州西有故荀城。笏。諸侯以

象。長二尺有六寸。中博三寸。首廣二寸半。王曰。笏。晉宋以來謂之手板。古者搢之以記事。宇文周百官始執笏。

堂下之右。唐公虞公南面立焉。堂下之左。殷公夏公立焉。皆南

面。纁有繁露。朝服五十物。皆搢笏。

堂下謂中階之左右。唐公。春秋唐惠侯之先也。或曰。薊國也。武王封堯後。于薊。虞公。即陳侯。殷公。宋夏公杞也。孔曰。冕有繁露。搢笏。則虞唐同也。

為諸侯之有

疾病者。阼階之南。祝淮氏榮氏次之。珪瓚次之。皆西面。

王曰。祝。主祭祀之贊詞。能知山川。敬于禮儀。明神之事者。以爲祝瓚。盛鬯酒之器。以珪爲柄。孔曰。淮榮。二祝之氏也。

彌宗

旁之。為諸侯有疾病者之醫藥所居。

彌。如招弭之弭。宗。尊也。弭。祝之所也。旁之。謂次珪瓚南而少。後。弭。止也。士喪禮注。巫掌招弭以除疾病。說文。無彌字。

相者。太史魚大行人。

皆朝服有繁露。孔曰：魚、太史名及大行人皆贊相賓客禮儀也。堂下之東面。郭叔掌爲天子棗幣焉。紈無繁露。孔曰：郭叔、虢叔、文王弟、棗、錄諸侯之幣也。王曰：虢在畿內，括地

志云：在岐州陳倉縣。愚謂今在陝西鳳翔縣。竟君爽言：武王惟茲四人迪哲。時虢叔已死矣。此郭叔蓋文王弟之子若孫。

之。荒服次之。西方東面正北方。伯父中子次之。

臺即壇也。壇有三成。鄭康成說：上等爲堂，堂方二丈四尺，三等每面各一丈二尺。上言堂下是上等也。此言內臺是中等也。下言外臺是下等也。其

次自北而南。故云正北方。伯父中子與應侯曹叔相對，不重言比。要荒三服，省文也。孔曰：應侯，成王弟。曹叔，武王弟。二舅，成王之舅。伯父，姬姓之國王。曰：中子，王之支子。丁曰：比，輔也。輔近王畿之地。

方千里之內爲比服。方二千

里之內爲要服。方三千里之內爲荒服。是皆朝於內者。

孔曰：此服名因于殷，非周制也。

堂後東北爲赤帑焉。浴盆在其中。孔曰：

雖不用而設之。敬諸侯也。

其西天子車立馬乘六青。陰羽鳧旌。

其西，浴盆之西。立馬不稅駕。六馬皆青色。陰羽以飾蓋。鳧羽以爲旌。皆建于車上。王曰：公羊說：王度記云：天子駕六鳧似鴨而小，長尾背有文。中

臺之外。其左泰士。臺右彌士。受贊者八人。東面者四人。

中臺即內臺。其外則下等也。王曰：泰士，蓋上士。彌士，即中士。下士贊之言至所執以自致。孔曰：受贊幣士也。四人東面則西面

四人也。其左泰士，舊作其右。盧疑其誤。今訂正。

陳幣當外臺。天玄駢宗馬十二。玉玄繚壁綦十二。參方玄繚壁豹虎皮十二。四方玄

繚壁琰十二。

六入爲玄。在緘縹之間。天之色也。駢，屬也。宗，猶先也。以駢先馬。猶以乘車先牛。其下三者皆以玉先之。繚，繞也。綦，帛蒼艾色。或云雜文帛也。參，方四方者。陳幣之次第方列之也。琰，珪長尺二寸。孔曰：玄繚以黑組。組之琰珪有鋒銳。王曰：聘

禮記綯組尺。綯組亦名  
纒藉。虎豹示服猛也。

外臺之四隅張赤帟。為諸侯欲息者皆息焉。命之曰爻閭。

孔曰。每角張帟。息者隨所近也。愚謂閭者聚也。設于臺之四隅如卦爻。故

曰爻閭。

周公旦主東方。所之青馬黑龍。謂之母兒。其守營牆者。衣青操弓執矛。

孔曰。周公主東方。則太公主西方。東青馬。則西白馬矣。王曰。靡即鬻字。營牆壘

宮之牆也。司儀注云。官壇土以為牆。愚謂矛。刺兵也。酋。矛長。常有四尺。夷。矛三尋。盧曰。此東方故衣青執矛。餘方各異。

西面者正北方。稷慎大塵。

稷慎至會審二十國。皆列于臺西面。其序則自北而南也。孔曰。稷慎。肅慎也。真塵

似鹿。王曰。大行人云。九州之外。謂之蕃國。各以其所貴寶為擊。誓序云。成王東伐淮夷。肅慎來賀。山海經云。大荒之中。有山曰不咸。有肅慎氏之國。在白民北。念就篇注云。塵似鹿尾大而一角。愚謂不成山。今日長白山。肅慎今黑龍江地。

穢人前兒。前

兒若獼猴立行。聲似小兒。

孔曰。穢。韓穢。東夷別種。王曰。後漢東夷傳云。穢北與高句驪沃沮。南與辰韓接。東窮大海。西至樂浪。爾雅注云。鯢魚似鮎。四脚前似獼猴。後似狗聲。如小兒啼。大者長八九尺。上林賦之。謂益部方物記之鮑

魚。即此。愚謂今朝鮮國江原道古穢人地。

良夷在子。在子幣身人首。脂其腹。炙之。養則鳴曰在子。

孔曰。良夷。樂浪之夷也。賁奇獸。王曰。爾雅疏九夷。二曰樂浪。養豆葉。愚謂良讀如郎

今朝鮮平安道。古樂浪。幣疑當為幣。舊時。舊作霍茲。並依王本。

揚州禺禺魚名。

王曰。說文。鱗魚名。皮有文。出樂浪東。肅。神爵四年。初捕收輪考工。周成王時。揚州獻鱗。上林賦注。禺魚皮有毛。黃地黑文。禺魚容反。鱗同。

解隄冠。

丁曰。解地獻隄冠之獸。隄冠見下文。解音蟹。隄音俞。

發人鹿。鹿者若鹿迅走。

盧曰。發。北發也。王曰。王恢傳。北發。月支可得而臣。愚謂說文。鹿。發。屬師。古漢書注云。鹿形如鬣。牛尾一角。孔曰。迅。疾也。鹿。薄交反。

兪人雖

馬。孔曰。兪。東北夷。雖。馬。畜如馬一角。不角者曰騏。王曰。爾雅注曰。騏。角如鹿茸。騏。戶圭反。案唐子逃。聞奇錄云。傳宏。樂寧天台縣有人獵得一獸。形如豕。仰鼻長尾。有歧。傳識之曰。雖也。兩則縣于樹。以尾塞其鼻。驗之信然。說與孔異。

青丘狐九尾。

孔曰青丘海東地名。王曰服虔云青丘國在海東三百里。山海經云在朝陽北。又曰青丘之山有獸如狐而九尾。音如嬰兒能食人。  
周頭輝羝。輝羝者羊也。孔曰周頭亦海東夷。王曰羝牡。黑齒羊也。說文夷羊百斤左右爲羝。

白鹿白馬。王曰山海經云黑齒國在青丘北。呂覽云禹東至鳥谷青丘之鄉。黑齒之國東夷傳云祿國東南有黑齒國。船行一年始可至。  
白民乘黃。乘黃者似狐。其背有兩角。孔曰白民亦東南夷。

王曰山海經云白民之國在龍魚北。白身被髮。有乘黃。其狀如狐。背上有角。乘之壽二千歲。淮南子云黃帝治天下。飛黃服阜。注云飛黃乘黃。狐奮作騏。又脫一其字。據文選注初學記訂。  
東越海倉。王曰東越即閩州地。孔曰倉文倉。倉即蛤也。夢溪筆談云文倉即吳人所食花蛤也。

歐人蟬蛇。蟬蛇順食之美。王曰山海經云歐居海中。注曰今臨海永寧縣即東歐。在歧海中。輿地廣記云溫台處皆東歐地。愚案史記索隱稱姚氏云歐水名。永嘉記水出寧山行三十餘里入江。今浙江溫州府永嘉縣西南。有東歐故城。北有甌水。爾雅翼云蟬似蛇。無鱗。體有涎沫。類篇云蛇蟬黃質黑文。順謂縱切之。蟬上演反。今字作蟬。生水岸泥窟中。  
於越納。孔曰於越也。洪曰說文鱸魚似鼈。無甲有尾。無足口在腹下。愚案

今名鑊蓋魚。納與筋同。奴盡反。姑妹珍。孔曰姑妹國後屬越。愚曰即姑蔑。王曰輿地廣記云衢州龍遊縣本姑蔑地。愚謂珍當是一物未聞。妹亡結反。  
具區文蜃。具區今蘇州府西南太湖也。蜃蚌蛤之屬。司馬相如傳禹禹鱸鮒又作鮒。

埤雅以爲形似蛇。又云狀似螭龍。恐非。共人玄貝。孔曰共人吳越之蠻。玄貝斑貽貝也。王曰爾雅注云玄貝黑色。輿鐵論云幣與世易。夏后氏以玄貝。共音恭。  
海陽大蟹。孔曰海水之陽。一蟹盈車。王曰史記蘇秦傳云楚東有夏州海陽。玄中記云北海之蟹舉一螯能加于山。

自深桂。孔曰自深亦南蠻也。謝曰當即鼻深。愚案埤雅云桂有三。一曰菌桂。葉似柿。二曰牡桂。葉如枇杷而大。爾雅所謂檜木桂也。三曰桂葉如柏。皆生南海山谷間。  
會稽以鞮。會稽山在浙江紹興府東南。王曰山海經注云鼈似蜥蜴。長二丈有鱗彩。皮可冒鼓。

皆西嚮。孔曰自大遽已下。正北方。義渠以茲白。茲白者若白馬。鋸牙

逸周書集訓校釋 七 一一七

食虎豹。

自此至奇幹二十國。列于臺西東。而亦自北而南也。孔曰：義渠，西戎國。茲白一名駸。王曰：西羌傳云：涇北有義渠之戎，括地志云：寧原慶三州。戰國為義渠戎地。爾雅云：駸如馬，偃牙食虎豹。山海經云：中曲山有獸如馬而身黑，三尾一角，虎牙爪，音如鼓。

名曰駸，愚謂涇北義渠乃戎之內徙者，其始所在未聞。

央林以會耳，會耳者，身若虎豹，尾長參其身，食虎豹。

央林一作英林。王曰：書大傳云：散宜生之於陵氏，取怪獸曰虞。山海經云：林氏

國有珍獸，大若虎，五采畢具，尾長于身，名曰騶吾，乘之日行千里。

北唐以閭閻似險冠。

孔曰：北唐，戎之在西北者。射禮以閭象為射器。王曰：山海經云：縣雍之山，其獸多閭。注云：閭即踰也。如驢歧蹄。又北山經注云：角如羴羊，一名山驢，儀禮

注云：閭如驢一角，愚案穆天子傳注引竹書紀年云：北唐之君來見獻一驢馬，是生騶耳，即此戎也。

渠叟以颯犬，颯犬者，露犬也。能飛食虎豹。

王曰：西域圖記云：鉢汗國在蔥嶺西五百餘里，古之渠叟國也。

海經云：馬成之山有獸如白犬而黑頭，見人則飛，露犬蓋此類。王念孫云：颯蓋蚬之假借字。說文云：北方有蚬犬，食人。颯音

樓煩以

星施，星施者，珥施。

孔曰：樓煩北狄，施所以為旄羽珥。王曰：匈奴傳云：晉北有樓煩之胡，地里志云：鴈門樓煩縣，故樓煩胡地，故城在代州崞縣東。旄牛背膝及胡尾俱有長毛，愚案說文云：旄旗兒珥，珥也。蓋垂旄于旗若珥然。旄，李善甘泉賦注

引作旄，蓋

所見本異。盧以統牛，統牛者，牛之小者也。

孔曰：卜盧，盧人西北戎也。今盧水是。王曰：統與絲同。統渠尤反。通

區陽以幣

封，幣封者，若幣，前後有首。

孔曰：區陽亦戎之名。王曰：荊州記云：武陵郡西有陽山，山有獸如鹿，前後有頭，常以一頭食一頭行。

規規以麟，麟者，仁獸也。

孔曰：規規亦戎也。麟似鹿，牛尾一角，馬蹄。

王曰：陸璣云：麟音中鍾呂，行中規矩，不履生蟲，不踐生草，王者至仁則出。

西中以鳳鳥，鳳鳥者，戴仁抱義，掖信。

孔曰：其形似雞，蛇首魚尾，戴仁，向仁國，抱義，懷有義，掖信，歸有信也。王曰：爾雅疏云：鳳雞頭蛇頸，燕頰龜

背魚尾五采。氏羌以鸞鳥。氏地羌羌不同。故謂之氏羌。今謂之氏矣。鸞大于鳳。亦歸于仁義者也。王曰。說文云。鸞赤色五采。足高六尺許。鳴中五音。頌聲作則至。瑞應圖云。鸞鳥赤神之精。鳳皇之佐。愚謂今甘肅階州。古白馬氏地也。巴人以

比翼鳥。孔曰。巴人在南者。比翼鳥不比不飛。其名曰鸚鵡。王曰。爾雅注。比翼鳥似兔。青赤色。拾遺記云。狀如誰而多力。張華以爲一青一赤。愚謂巴國今四川重慶府。方煬以皇鳥。孔曰。方煬亦戎別名。皇鳥配鳳者也。王曰。爾雅鳳其雌皇。

蜀人以文翰。文翰若皋雞。王曰。華陽國志云。黃帝爲子昌。意娶蜀山氏後。子孫因封焉。秦以其地爲蜀郡。爾雅云。翰。天雞。注云。翰雞赤羽。孔曰。鳥有文采者。皋雞似鳧。冀州謂之澤特。說文。翰。天雞赤羽也。逸周書曰。文翰若羣雉。一

名鸚風。周成王時。蜀人獻之。所據與孔晁本異。爾雅注引此作采雞。邢昺疏云。文翰若采雞者。王會篇文。彼云。蜀人以文翰。文翰若羣雉。是郭璞所據本。又與許孔異。而邢昺所見則與許同。今詳孔注。似無譌字。故仍之。方人以孔鳥。孔曰。方人亦戎

別名。孔與鸞相配者。王曰。山海經云。南方多孔鳥。異物志云。大如鴈而足高。細頸龍背。似鳳。自背及尾。皆珠文。五采羽毛。末皆圓。文人指其尾則舞。劉遠吳都賦注云。孔雀尾長六七尺。綠色有華彩。朱崖交趾皆有之。卜人以丹沙。孔曰。卜人

丹沙所出。盧曰。卜卽濮也。王曰。那國志。越諸會無縣。故濮人邑。山夷用闌木。王曰。夷。山海經云。在東胡東南方。草木狀云。烏文木。樹高海經曰。桓山多丹粟。荀子云。南海有丹干本草云。生武陵山谷。七八丈。色正黑。如水牛角。孔曰。木生水中。色黑而光。其堅

若鐵。愚謂古今注謂之鑿木出交州。關茲消反。康民以桴苡。桴苡者其實如李。食之宜子。孔曰。康亦西戎別名。食桴苡卽有身。王曰。隋書。康國。康居之後也。唐以其地爲康居都護府。愚謂桴苡卽芣苢

也。桴音孚。又音浮。州靡費費。其形人身。反踵自笑。笑則上脣弇其目。食人。北方謂之土螻。孔曰。費費曰羴羊。好立行。如人被髮。前足指長。王曰。山海經云。

臬陽國在北胸之西。其爲人人面長唇黑身。有毛反踵。見人笑亦笑。爾雅注云。交趾及南康郡中亦有此。俗謂之山都。愚案史記西南夷傳。靡莫之屬。正義云。在姚州北。索隱云。與滇同姓。姚州今隸雲南。楚雄府。然則州靡西南夷也。費芳未反。說文作爾。爾雅作狝。狝舊作

霧案說文及海內南經注作揜揜奔字  
通土螻舊作吐嘍據說文廣雅御覽訂  
都郭生生欺羽生生若黃狗人面能言  
王曰海內南經狝狝知人名其爲獸如豕而人面水經注云頭顏端正善與人言音聲妙

麗如婦人愚謂欺羽當是鳥名靈光殿賦云佻欺偃  
以鵬欺欺蓋鵬類 都山海經注作鄭生一作狝  
奇幹善芳善芳者頭若雄雞佩之令人不昧  
孔曰善芳鳥名不昧不忘也 西山經云冀望之山

有鳥焉其狀如鳥三首六尾而善笑名曰鶻鶻服之令人不厭  
注引周書曰獻芳不昧疑幹或餘字之譌太平御覽亦作獻芳  
皆東鸞 孔曰此東向列次也 北方臺正東高夷嘽羊嘽羊者羊而四

角 北方臺正東者在臺北之東也 孔曰高夷東北夷高句驪王曰九夷三曰高驪東夷傳云在遼東之東千  
里南與朝鮮濊洺東與沃沮北與扶餘接述異記云周成王時東夷進六角羊 嘽苦斲反四或作六 獨鹿邛邛邛善走

者也 孔曰邛邛獸似距虛負蹙而走王曰阪泉氏徙居至于獨鹿子虛賦蹙邛邛麟距虛張揖曰邛邛奇獸其狀如馬距虛似羸而小  
說苑孔子曰蚤蚤距虛見人將來必負蹙以走二獸者非性愛蹙也爲其得甘草而貴之也然則負蹙者或邛邛或距虛二物不

相須也 盧云爾雅邛邛距虛是一獸今此文別出孤竹距虛則不與爾雅呂覽所說同也愚謂獨鹿卽涿  
鹿直隸宣化府保安州地 舊作獨鹿邛邛距虛善走者也 盧曰距虛二字後人以所習聞妄增耳今訂 孤竹距虛 王曰地里志遼

竹城括地志在平州盧龍縣南十二里殷時諸侯國姓墨胎  
氏愚謂盧龍縣今直隸永平府治 孔曰距虛野獸驢騾之屬 不令支玄模 盧曰不字發聲王曰齊語云北伐山戎刺令支斬孤竹括

平府遷安縣西爾雅云獾白豹注云似熊小頭庫脚  
能舐食銅鐵竹骨說文云似熊黃黑色 不讀如丕 不屠何青熊 王曰管子云桓公敗胡貉破屠何注云屠何東胡  
東胡黃熊 王

山海經云大澤在鴈門北東胡在大澤東服虔曰  
鳥桓之先也爾雅云鴈似熊黃白文長頭高脚 山戎戎菽 孔曰戎菽巨豆也王曰匈奴傳燕北有山戎史記正義曰今奚國  
漢書注云戎菽胡豆也管子桓公北伐山戎以戎菽徧布于天下 其西

般吾白虎黑文

其西謂在臺西也。孔曰：般吾北狄。王曰：釋文云：騶虞，義獸也。白虎黑文，不食生物，有至信之德，則至。般音班，據司馬相如封禪文。般般之獸，樂我君，聞般般當是部落之名，猶之規規也。吾者，騶虞也。海內北經云：林氏國有珍獸，名曰騶吾。注云：吾亦作虞。文選東京賦注引劉芳詩義疏云：騶虞或作吾，是也。孔

曰：騶吾注云：吾亦作虞。文選東京賦注引劉芳詩義疏云：騶虞或作吾，是也。孔

屠州黑豹

孔曰：屠州，狄之別也。王曰：晉史北狄有屠各。山海經云：幽都山多玄虎玄豹。

氏駒駮

王曰：管子云：堯舜之王，北用禹氏之玉，又云：王幣有七策，禹氏邊山之玉一策也。山海經云：北海內有獸狀如馬，名駒駮。史記匈奴奇畜則駒駮，徐廣曰：似馬而青。

大夏茲白牛，茲白牛，野獸也，牛形

而象齒

史記云：禹鑿龍門，通大夏，括地志云：大夏，今并州晉陽及汾絳等州地，或云在大宛西南二千餘里。

犬戎文馬，文馬赤鬣，縞身，目若黃金，名吉黃之乘

王曰：匈奴傳隴以西

有犬戎，山海經云：犬封國有文馬，名曰吉黃，乘之壽千歲。注曰：六韜云：名曰雞斯之乘，書大傳云：散宜生之犬戎氏取美馬，駮身朱鬣，雞目，瑞噫，圖云：騰黃神馬，一名吉光。文馬說文作馮，云：文馬也，吉一作古。

數楚每牛，每牛者牛之

小者也

孔曰：數楚亦北戎也。盧云：西山經云：黃山有獸如牛，而蒼黑，犬目，其名曰犛，犛音美，與此每牛正合。

匈奴狡犬，狡犬者巨身四足果

王曰：晉灼云：堯時曰葷粥，周曰獯，猶秦曰匈奴。通典云：山海經已有

匈奴說文曰：狡，少犬也。匈奴地有狡犬，巨口而黑，身，愚謂果讀為保，胡犬深毛，惟狡犬四足無毛也。

皆北嚮。北當為南，自高夷至此皆南向。

權扶玉目

此下五國在臺南，少東，魚復以下在臺南，少西。孔曰：權扶，南蠻也。玉目，玉之有光明者，形小也。

白州比閭，比閭者其華若羽，伐其木以為車，終行不敗

孔曰：白州，東南蠻，與白民接，水中可居，曰州。州中出此珍木，愚謂比閭即并閭也。本草拾遺云：欄木出安南，性堅紫紅色，有花

紋者名曰花閭。

禽人菅

孔曰：亦東南蠻，菅草堅忍。王曰：陸璣疏云：菅似茅，其根下有白粉。

路人大竹

孔曰：路人，東南蠻，貢大竹，愚謂路音近，駱疑即駱越。劉勰曰：廣鬱縣古駱越所



居今廣西南寧府地。荆州記云。臨賀東山中有大竹數十圍。

長沙鼈

孔曰。特大而美。故貢也。王曰。湘州記。秦分黔中以南長沙鄉爲長沙郡。

其西魚復鼓鐘鐘牛

孔曰。次西列也。貢鼓及鐘而似牛形者。王曰。鐘牛未詳。愚謂魚

復今四川夔州府奉節縣。

揚蠻之翟

孔曰。揚州之蠻。貢鴉鳥。王曰。爾雅。鸛山雉。注云。長尾者。揚蠻。舊作蠻。揚。丁嘉葆據孔注訂。

倉吾翡翠。翡翠者所以取羽。

王曰。禮記注云。蒼梧于周南越之地。楚吳起南

井蠻越。遂有蒼梧。異物志云。翠鳥似燕。翳赤而翠青。王逸楚辭注云。雉曰翡翠。雌曰翠。劉逵吳都賦注曰。翡翠巢于樹巔。生子。夷人稍徙下其巢。子大未飛。便取之。

其餘皆可自自古之政。

孔曰。餘謂衆諸侯貢物也。愚謂古之政。謂禹貢

及伊尹獻令也。

南人至衆皆北嚮。南人北嚮。則北人南嚮可知。

伊尹朝獻商書

此篇目也。伊尹制諸侯朝獻之贄。本在商書中。錄于此。以明自古之制也。古者篇題皆大題。退在小題下。

湯問伊尹曰。諸侯來獻。或無馬牛之所生。而獻遠方之物。事實相反。不利。今吾欲因其地勢所有。獻之必

易得而不貴。其爲四方獻令。

孔曰。非其所有。而當遠求于民。故不利也。爲獻令。制其品服之令。

伊尹受命。於是爲四方令曰。臣請正東符婁。仇州。

伊慮。漚深。九夷。十蠻。越漚。鬻髮文身。請令以魚皮之鞞。鰈鱗之醬。鮫厥利劍爲獻。

符。夫餘。婁。挹婁。王曰。後漢東夷傳云。夫餘國在玄菟北。挹

婁。古肅慎之國。仇州。海中州。伊慮。即醫閻也。九夷。夷有九種。曰。畎夷。千夷。方夷。黃夷。白夷。赤夷。玄夷。風夷。陽夷。世本曰。芊姓。東越。趙世家云。翦髮文身。甌越之民也。通典云。文身之國。梁時聞焉。在倭東北。人體有文如獸。額上有三文。左傳注云。鞞。佩刀。削上飾。荀子云。楚人鮫

華爲甲山海經注云鮫皮可飾刀劍本草注云沙魚一名鮫孔曰鰓魚名鰓盾也鮫文魚也愚謂醫巫閭山在錦州府廣寧縣西九夷即禹貢嶠夷之地陸璣詩疏云魚獸似猪東海有之一名魚狸背有斑文腹下純青一切經音義引臨海記云烏鰓以在懷板合墨故曰小史魚又引埤蒼云魚腹中有骨背有一首闊二寸許有鬚甚長口中有墨噴則噴人吳都賦云扈帶鮫函注云鮫魚甲可爲飾埤雅云鮫海魚也狀如鼈而無足利劍蓋倭刀之類 慮音閭漚音甌齧與翦同鞞并頂反刀室也饒舊闕據北堂書鈔訂饒鰓即烏鰓也鰓音伐

正南。甌鄧桂國。損子。產里。百濮。九菌。請令以珠璣。瑋瑁。象齒。文犀。翠羽。菌鶴。短狗爲獻。  
王曰甌即甌駱山海經云桂林八樹在番禺東

秦取之爲桂林郡孔曰璣似珠而小菌鶴可用爲旌翳短狗狗之善者也愚謂趙世家索隱引劉氏云朱崖儋耳今謂之甌人即甌駱荷子云楚繇之以鄧林損子疑即臨都漢武帝置朱崖郡治此今在廣東瓊州府瓊山縣東南產里即車里今雲南普洱府也百濮或云在巴中或云今雲南曲靖府地九菌蓋卽九真漢爲郡今安南國清化新平二府地漢書注應劭云珠崖郡在海中崖岸之閒出珍珠故名又今廣東廉州府本漢合浦郡有珠池在府東南海中產珠一切經音義引異物志云瑋瑁如龜生南海中大者如簾餘背上有鱗煮之則柔埤雅云犀之通天者可以破水其次正插角腰以上通其次倒插角腰以下通 菌音駮又音窘短狗王本作矩狗 正西。昆侖。狗國。鬼親。積已。闕耳。貫胸。雕題。離身。漆齒。請令

以丹青。白旄。紕鬮。江歷。龍角。神龜爲獻。  
王曰王肅云昆侖在臨羌西狗國犬戎也鬼親鬼方也山海經有蟲耳離耳國呂氏春秋云北懷闕耳山海經有貫胸國其爲人胸有竅雕刻鏤也題頭也刻其肌以丹

青涅之又有三身國一首三身又有黑齒國齒如漆荀子云南海有曾青丹干西海有文旄何承天纂文曰紕氏鬮也孔曰江歷珠名龍解角故得也愚謂昆侖在甘肅西寧府西塞外五代史云狗國人身狗首長毛穴居世本注云鬼方于漢則先零戎也國策云楚得枳而亡今四川涪州也曾青銅之精楊倞云可化黃金出蜀山越嶺後漢書云冉駝夷能作髦鬮注云髦卽紕說文云鬮西胡毳布也師古云鬮鬮之屬 闕音吸或讀如攝離身舊作離丘據文選注及王本訂後漢書注引作雕丘誤也旄音毛犛牛之尾名犛以犛爲磨曰旄今

四川雅州府清溪縣大相嶺之外有地名旄牛產此牛背卻及胡尾皆有長毛紕卑疑反屬居例反

正北空同大夏莎車姑他旦略豹胡代翟匈奴樓煩月氏蟻犂其

龍東胡請令以橐駝白玉野馬駒駝駃騠良弓爲獻

王曰爾雅北戴斗極爲空桐史記趙襄子娶空同氏大夏在西域月氏擊而臣之莎車國治莎車城趙世家北滅黑姑豹胡北胡也代北

狄之別秦漢代縣今蔚州樓煩在晉北月支居敦煌祁連閒漢匈奴傳有昆龍新薏國東胡在燕北漢鮮卑其支裔也漢匈奴傳大月氏出一封橐駝唐吐蕃獨峯駝日馳千里野馬如馬而小出塞外駃騠駿馬也生七日而超其母東夷傳匈奴別種名小水獬出好弓所謂獬弓愚謂空同國子姓舊說在隴右錢坵以爲順天府薊州東北空同山是也莎車國今葉爾羌地樓煩今山西寧武府地或云漢之樓煩縣在今山西代州崞縣東北月氏今甘肅肅州及安西州地昆龍新薏在匈奴北東胡今直隸承德府以東白玉出于闐馬父驢母曰駃騠氏音支蟻犂亦作纒離李斯文飛纒離之馬卽此湯曰善

逸周書集訓校釋八

祭公弟六十 祭創界反禮記作祭公願命

王若曰。祖祭公。予小子虔虔在位。昊天疾威。予多時溥愆。我聞祖不豫有加。予惟敬省不弔。天降疾病。予

畏天威。公其告予懿德。王穆王也。祭公名謀。父周公之孫。子穆王為從祖。食邑在河南管城。今鄭州地。虔虔。敬也。夏為昊天疾。急溥大也。禮天子有疾稱不豫。諸侯曰貧。茲今言不豫。尊之也。省。省間。弔。淑也。言不為天所祐。乃降是疾。疾

恐一旦不諱。故望公告以美德。祭公拜手稽首曰。天子謀父疾維不瘳。朕身尚在茲。朕魂在于天。昭王之所。勅宅天命。昭王穆王之父。

魂在先王左右。言必死也。勅勉也。勉王安保天命。王曰。嗚呼公。朕皇祖文王。烈祖武王。度下國作陳周。維皇皇上帝。度其心。實之明德。

付畀於四方。用應受天命。敷文在下。我亦維有若文祖周公。暨列祖召公。度如爰究爰度之度。居也。應亦受也。言文武之安定。下國制作陳布周密。蓋惟

天使之心能制義。實明德于其身。故付與四方。用是受命于天。敷其文德于下。亦資周召之匡贊。茲申予小子。追學於文武之蔑。用克龕紹成康之業。以將大命。用

夷居大商之衆。我亦維有若祖祭公之執和周國。保乂王家。孔曰。夷。平也。言大商本其初也。愚謂申。重也。蔑。末也。猶言端緒也。龕。與堪同。將。奉也。執。執持和。和。變保安。乂。治也。

蔑亡結反。小爾雅云末也。  
王曰公稱丕顯之德。以予小子揚文武大勳。弘成康昭考之烈。  
孔曰稱舉也。昭考昭王。愚謂揚纘也。  
王曰公無困我

哉。俾百僚乃心。率輔弼予一人。  
乃心猶言盡心。率用也。後漢袁安傳注云乃情猶竭情也。率用也。毛詩思文傳文。  
祭公拜手稽首曰。允乃詔。畢桓于黎民

般。  
桓憂也。言信如王言。君臣當悉心以憂民。使民和樂般樂也。桓憂也。方言文般音盤。  
公曰天子謀父疾。維不瘳。敢告天子。皇天改大殷之命。維文王受之。

惟武王大克之。咸茂厥功。  
茂豐也。  
維天真文王之董用威。亦尙寬壯厥心。康受乂之式用休。亦先王茂綏厥

心。敬恭承之。維武王申大命。戡厥敵。  
孔曰貞正也。書之用威。伐崇黎也。愚謂言天使文王以正伐不正。亦尙寬以敷文。壯以奏武。故能安受治之。天用休美。至于武王。心乎茂安百姓。敬承先緒。爰申致天討而勝殷也。

公曰天子自三公上下辟于文武。  
三公師表百職。承弼一人。故呼而告之。辟法也。辟音璧。  
文武之子孫。大開封方于下土。天之所錫。武王

時疆土。丕維周之基。丕維后稷之受命。是永宅之。  
封讀爲邦。方讀爲旁。周所封建。各有疆宇。皆天所錫與武王者。丕詞也。纘國承家。當思維周之基業。自后稷以來。積累千餘載。而後受命。可不

兢兢小心。求所以永居之乎。  
封方二字舊制。據孔注云。大開國旁布于下土。則舊本訛也。王念孫曰。封邦方旁古字通。旁者溥也。徧也。  
維我後嗣。旁建宗子。丕維周之始并。  
宗子嫡子也。今後所封建。亦當思維樹屏

之衰。以藩王室。惠曰并屏古字通。  
嗚呼天子。三公監于夏商之既敗。不則無遺後難。至于萬億年。守序終之。既畢丕乃有利

宗。丕維文王由之。孔曰：言當以夏商爲戒，無後難之遺，守其序而終也。既終之，則有利于宗，皆由文武之德。難去聲。公曰：嗚呼！天子，我不則寅哉！寅哉！汝無以戾反

罪疾。喪時二王大功，汝無以嬖御固莊后，汝無以小謀敗大作，汝無以嬖御士疾莊士，大夫卿士，汝無以

家相亂王室，而莫恤其外，尚皆以時中，又萬國。孔曰：寅，敬也。戾，反罪疾，謂己所行時是。二王，文武也。嬖御，寵妾也。莊，正也。小謀，不法先王也。大作，大事也。恤，憂也。外，謂王室之外。惡，謂反仁爲戾，背

理爲反，以貧苦民爲罪，急政害民爲疾，固，陋也。寵妾，棄后，則夫婦之道苦，風化之原薄矣。小謀，小人之謀無遠慮也。嬖御士，倖臣也。疾，嫉也。家相，嗜利營私者。丕，舊作不，誤也。反仁爲戾，賈子道術篇文，背理爲反。管子注云：以貧苦民爲罪，賈子大政篇文。莊士，二字舊脫。據

繙衣，篇訂。嗚呼！三公，汝念哉！汝無泯泯芬芬，厚顏忍醜，時維大不弔哉。君德朝政，責在三公，故復申誠之。若遠道亂政，受天下人詬詈，是則大不善也。孔曰：泯，芬亂也。盧曰：芬與

勞。昔在先王，我亦維丕以我辟險于難，不失于正，我亦以免沒我世。孔曰：先王，祭公所事也。辟，君也。言我事先王，遇大難正而不失，故能以善沒世，愚謂險于難，言

遠于難也。免，免于罪沒終也。辟，必亦反。了，讀爲避。淮南主術篇云：幽野險塗，注云：險，猶遠也。嗚呼！三公，子維不起朕疾，汝其皇敬哉！茲皆保之。孔曰：皇，大也。言當式敬我言，如此則天下皆安

之。曰：康子之攸保，勸教誨之，世祀無絕，不我周有常刑。子指三公，安子所保，不遠道以亂政也。勸教誨，陳善閉邪也。不讀曰否。王拜手稽首，黨言。黨，善也。美

也。孔曰：王拜則三公拜可知。黨，如字。一云：通作讜，讀他朗反。盧云：黨，讜古字通。

史記第六十一

維正月王在成周昧爽召三公左史戎夫曰今夕朕寤遂事驚子乃取遂事之要戒俾戎夫主之朔望以

聞左史史官記勳者戎夫名也遂往也夢人以往事相驚孔曰集取要戒之言月朔望日子王前讀之左史漢書古今人表作右史玉藻云勳則左史書之言則右史書之班固藝文志云左史記言右史記事二文正相反

哲士凌君政禁而生亂皮氏以亡孔曰君不行信義信義由哲士故哲士凌君之政也皮氏古諸侯也愚謂哲士智謀之士如陳氏厚施竊國羽翼既成急之生變今山西絳州河津縣西有皮氏城諂諛日

近方正日遠則邪人專國政禁而生亂華氏以亡國語云依嶮歷華章昭云俱國名今河南開封府鄭州東南有華城好貨財珍怪則邪人進邪人

進則賢良日蔽而遠賞罰無位隨財而行夏后氏以亡孔曰賢良不行貨故蔽遠樂由好財亡也愚案管子曰女華者樂之所愛也曲逆者樂之所善也湯皆事之以千金呂氏春秋

云夏桀染于羊辛跂踵戎皆邪人也位正也政以賄成故無正嚴兵而不仁者其臣懼其臣懼則不敢忠不敢忠則民不親其吏刑始於親遠

者寒心殷商以亡嚴兵猶嚴刑也淮南子云殷紂燔生人辜諫者爲炮烙鑄銅柱史記云紂以百姓怨望諸侯有叛者乃重辟刑臣不敢忠則不仁不仁故民莫親刑始於親自其親貴始也孔曰紂以暴虐亡也樂專於君

者權專於臣權專於臣則刑專於民君娛於樂臣爭於權民盡於刑有虞氏以亡孔曰君荒於樂則權臣專斷用刑濫矣有虞商均之後嚴

案史記阿閼氏世家云舜傳禹天下而舜子商均爲封國夏后之時或失或續案隱云梁國糜城是也據此則糜氏之亡當在夏李商封舜後于遂胡公其後也故云遂世守之及胡公不淫

而疑其前事挾德而責數日疏位均而爭平林以亡孔曰謀主謂孤長大也前事謂專命丁曰人臣挾其奉孤之德而責報無已遂致與君日疏位均勢敵也大臣有錮

職誅者危昔者質沙三卿朝而無禮君怒而久拘之誨而弗加三卿謀變質沙以亡孔曰錮職謂專權也愚謂錮猶廢也誨誅不服

罪也質沙即宿沙始煮海爲鹽此其後也弗加誅戮因久拘而謀叛外內相聞下撓其民民無所附三苗以亡開離聞

史記吳起曰三苗之國左洞庭右彭蠡不修德義而禹滅之弱小在疆大之間存亡將由之則無天命矣不知命者死有夏之方與也扈氏

弱而不恭身死國亡孔曰無天命命在疆大者也有夏啓也戰于甘滅扈愚案馬融曰有扈夏同姓國今陝西西安府鄠縣有扈谷嬖子兩重者亡昔者義渠氏有兩子異母

皆重君疾大臣分黨而爭義渠以亡孔曰皆重不別長庶寵秩同也分黨各有所事而爭立也功大不賞者危昔平州之臣功大而不賞詔

臣日貴功臣日怒而生變平州之君以走出孔曰有功不賞而貴詔臣宜其出走也愚謂今山東泰安府萊蕪縣西有平州城召遠不親者危昔有林氏

召離戎之君而朝之至而不禮留而弗親離戎逃而去之林氏誅之天下叛林氏孔曰林氏首疾天下見其遇戎不以禮遂叛林氏林氏孤



危。患謂離戎疑即驪戎。在西安府臨潼縣東。

昔者曲集之君。伐智而專事。彊力而不信其臣。忠良皆伏。愉州氏伐之。君孤而無使。曲

集以亡。

孔曰。伐智。自足也。伏。謂不爲之用。曲集。愉州。皆古諸侯。

昔者有巢氏有亂。臣而貴。任之以國。假之以權。擅國而主斷。君已而奪之。

臣怒而生變。有巢以亡。

太平寰宇記云。古居巢城。陷爲巢湖。湖在今安徽廬州府巢縣。西。孔曰。乘政則專生殺而多怨讎。君奪其政。懼禍及。故作亂。

斧小不勝柯者亡。昔有郈君嗇

儉。滅爵損祿。羣臣卑讓。上下不臨。後郈小弱。禁罰不行。重氏伐之。郈君以亡。

孔曰。柯所以乘。喻君。斧所以用。喻臣。不臨。言不相承奉也。小弱不能行令。

愚謂郈國。陸終子萊言之後。姬姓也。故城在河南開封府新鄭縣西北。重氏。少昊時木正之後。左傳注云。高平方與縣西北有重亭。今在山東濟寧州魚臺縣北。言郈君以亡。則國未滅也。其後鄭桓公滅郈。在幽王時。濟夫論以羔裘之詩證儉嗇非也。郈音檜。萊音亦。作求言。

久空重位者危。昔有共工自賢。自以無臣。久空大官。下官交亂。民無所附。唐氏伐之。共工以亡。

山海經云。炎帝之五

世孫祝融。降處江水。生共工。共工生術器。是復土囊。吳任臣云。共工生術器。及句龍。術器與共工號。在顓頊時作亂。帝命辛侯誅之。以其弟句龍爲后土。汲冢瑣語云。昔共工之卿曰浮游。既敗于顓頊。自沒溟淮之淵。卽術器之臣也。據此則非堯時共工明矣。無臣言無人可爲己之臣也。

犯難爭權疑者死。昔有林氏上衡氏爭權。林氏再戰而勝。上衡氏僞義弗克。俱身死國亡。

孔曰。爭爲

犯難。不果爲疑。林氏恃勝。上衡氏念義。所以俱亡。愚謂僞讀曰爲。古字通。

知能均而不親。並重事君者危。昔有南氏有二臣貴寵。力鈞勢敵。競進爭權。

下爭朋黨。君弗能禁。南氏以分。孔曰：二臣勢鈞而不親，權重各養徒黨，所以分國也。鄭云：有南之國在南郡。昔有果氏好以新易故，故者疾怨，新故不

和。內爭朋黨，陰事外權，有果氏以亡。孔曰：有果亦國名也。外權謂外大國。爵重祿輕，比□不成者亡。昔有畢程氏，損祿增爵，羣

臣貌匱，比而戾民，畢程氏以亡。實臣之廉而祿不贍用，故貌爲窮隘以罔上，實則比黨虐民爲君敵怨也。畢程即周程邑，蓋王季滅之。據孔注曰：有位無祿，取名自成，闕處疑是名字。好變故易，常

者亡。昔陽氏之君，自伐而好變，事無故業，官無定位，民運於下，陽氏以亡。丁曰：禮坊記有陽侯，疑即陽氏之君，愚謂地里志城陽有陽都縣，故城在山東。

沂州府沂水縣南，遂移徙也。業形而復者危。昔穀平之君，復類無親，破國弗克，業形用國，外內相援，穀平以亡。盧曰：形，刑通。朱駿聲曰：類

讀爲整，曰復，很類，戾也。國不勝破，以刑爲業也。愚謂外內相援，如紂之前徒倒戈攻後。武不止者亡。昔阪泉氏用兵無已，誅戰不休，并兼無親，文無所立，智士

寒心，徙居至于獨鹿，諸侯叛之，阪泉以亡。趙曰：阪泉氏疑是炎帝之後，愚案史記云：炎帝欲侵陵諸侯，諸侯咸歸軒轅，軒轅乃修德振兵，與炎帝戰于阪泉之野，此炎帝即堯固所謂參盧，皇甫謐所謂帝榆

罔也。神農本都陳，又都曲阜，榆罔徙于獨鹿，在阪泉之側，因又稱阪泉氏，或以爲即蚩尤，非也。括地志云：阪泉，今名黃帝泉，在嬀州懷戎縣東五十六里，東出五里至涿鹿，東北與涿水合，今直隸宣化府保安州南有涿鹿故城，即獨鹿也。孔曰：無文德，故智士寒心。很

而無親者亡。昔者縣宗之君，很而無聽，執事不從，宗職者疑發大事，羣臣解體，國無立功，縣宗以亡。很，整也。知

過不更聞諫愈甚。執事猶作事也。不從不順。理也。宗職猶言盡職。解體離心也。縣音懸。

昔者玄都賢鬼道廢人事。天謀臣不用。龜策是從。神巫用國。哲士在外。

玄都以亡。

路史國名紀云。玄都少昊時諸侯。孔曰。棄賢任巫。所以亡也。

文武不行者亡。昔者西夏性仁非兵。城郭不脩。武士無位。惠而好賞。

財屈而無以賞。唐氏伐之。城郭不守。武士不用。西夏以亡。

孔曰。性仁而無文德。非兵而無武備。無功盡賞。無財可用。唐氏堯帝愚謂屈竭也。財字舊脫。據孔注增。

美女

破國。昔者績陽彊力四征。重丘道之美女。績陽之君悅之。熒惑不治。大臣爭權。遠近不相聽。國分爲二。

重丘

在山東東昌府在平縣西南。孔曰。重丘之君。畏其并己。惑之以女。君昏于上。權分子下。所爲二也。重直龍反。

宮室破國。昔者有洛氏宮室無常。池囿廣大。工功日進。以後更

前。民不得休。農失其時。饑饉無食。成商伐之。有洛以亡。

國語云。當成周者北有潞洛。左傳云。晉侯略狄土。還及雒。其地在山西潞安府竟。工功。土木之功。成商成湯也。

### 職方第六十二

職方氏掌天下之圖。辨其邦國。都鄙。四夷。八蠻。七閩。九貉。五戎。六狄之人民。與其財用。九穀。六畜之數。周

知其利害。

孔曰。此在周官大司馬下篇。禮王使有司鈔出之。欲時省焉。國曰都。邑曰鄙。東方曰夷。南方曰蠻。西方曰狄。北方曰獫狁。蠻之別。貉狄之別。鄭康成曰。職。主也。主四方之職。貢者。天下之圖。如今司空輿地圖也。四八七九五六周之所服國數也。財用。

泉穀貨賄也。利金錫竹箭之屬。書神姦鑄鼎所象百物也。愚案說文云。閩東南越。山海經注云。閩越即西甌。在歧海中。文選注劉逵云。秦以其地爲閩中郡。詩韓奕傳云。追貊北狄。漢書揚雄傳注云。貊東北夷。郭璞云。今扶餘國。即濊貊故地。閩亡巾反。貉莫覓反。畜許又反。周官數下。乃辨九州之國。使同貫利。周之九州分爲三列。揚荆爲一列。豫青兗雍爲一列。幽冀並爲一列。自東南曰揚州。其山有要字。

鎮曰會稽。其澤藪曰具區。其川三江。其浸五湖。其利金錫竹箭。其民二男五女。其畜宜雞狗鳥獸。其穀宜

稻。禹貢揚州北至淮。東至海。爾雅言殷制九州。江南曰揚。則北不得淮。周以淮爲青州。浸疑同于殷。鄭云。鎮名。山安地德者也。會稽在山陰。大澤曰藪。浸可以爲陂。灌漑者。錫鐵也。鳥獸鸞鷯鵠。犀象之屬。孔曰。箭篠也。九州土氣生民男女各不同。賈曰。皇覽云。會稽山本苗

山。在山陰縣南七里。水鍾曰澤。水希曰藪。具區即震澤。愚謂三江。一大江。北江也。一松江。中江也。一浙江。南江也。五湖。彭蠡。巢。長蕩。射貴。鑑湖也。禹貢云。揚州貢金三品及篠蕩。爾雅云。東南之美者。有會稽之竹箭焉。管子云。二七十四尺。而至于泉。其水鹹宜稻。會古外反。

周官無雞狗二字。正南曰荊州。其山鎮曰衡山。其澤藪曰雲夢。其川江漢。其浸波澆。其利丹銀齒革。其民一男二女。

其畜宜鳥獸。其穀宜稻。荊州北界。禹貢以荊山。爾雅以漢水。此以波水。則此州界殷大于夏。周又大于殷也。鄭曰。衡山在湘南。雲夢在華容。象齒也。革。犀兕革也。賈曰。革用爲甲。故函人有犀兕。愚謂衡山在湖南。衡州府衡山縣西。雲

夢在湖北。荊州府監利縣南。或曰岳州府巴陵縣西南。巴邱湖。即江南之夢。水經注曰。波水出霍陽。四川大嶺東谷。即應劭所謂孤山。波水所出也。南入澧。澧水自下。兼波水之通稱。故關駟有東北至定陵入汝之文。以今輿地言之。波水出河南汝州西南。南至魯山縣西。合澧水。東北至許州襄城縣。東南入汝。波在南。澧在北。荊豫二州界別于斯。合汝以後。則以汝爲界可知矣。說文曰。澧水在漢東。荊州浸也。春秋傳曰。除道梁澆。今澆水出湖北。德安府隨州西北。栲栳山南。至州西。入澧。以後澧即澆矣。通典云。辰州賈丹沙。禹貢云。荊州貢

金三品羽毛齒革爾雅云南方之美者有梁山之犀象邵晉  
涵謂梁山即衡山 波漾舊作穎湛與周官同今據說文訂

河南曰豫州其山鎮曰華山其澤藪曰圃田其川滎雒其

浸穎湛其利林漆絲枲其民二男三女其畜宜六擾其穀宜五種

河自華陰東至底柱孟津過維汭至大伾其南爲豫其北爲冀三代皆同鄭曰華山在華陰圃田在

中牟林竹木也六擾馬牛羊豕犬雞孔曰家所畜曰擾五種黍稷菽麥稻也賈曰竹木生平地曰林今許州見平地多林木愚謂華陰今  
屬陝西同州府華山屬豫則其西爲雍矣中牟今屬河南開封府滎澤澚水所溢周爲通川達于鉅野穆天子傳浮于滎水是也雒水  
出陝西商州上雒縣東北至河南河南府鞏縣入河說文曰穎水出潁川陽城陽乾山東入淮豫州浸湛沒也一曰湛水豫州浸今穎水  
出河南府登封縣東陽乾山東南至安徽潁州府潁上縣東南入淮湛水出汝州寶豐縣東南魚齒山西北東至蕪城縣南入汝漆木有  
汁可以髹物其木似樗枲麻也禹貢云豫州貢漆枲  
緜紵纈績穎湛舊作波漾與周官同今據說文訂

正東曰青州其山鎮曰沂山其澤藪曰望諸其川淮泗其浸沂

沫其利蒲魚其民二男三女其畜宜雞犬其穀宜稻麥

此青州當夏殷之徐州而兼得豫東之望諸其徐州西北岱大野則割以屬兗爾雅云涉東曰徐州是徐兗以涉爲界而此不

然也沂山在山東青州府臨朐縣南望諸孟諸也亦曰明都在河南歸德府商丘縣東北淮水在江蘇淮安府安東縣北入海其上源自  
穎上以西豫荆之界非青境也泗水出山東兗州府泗水縣東南西南至淮安府清河縣北入淮沂水出山東沂州府蒙陰縣北西南至  
江蘇徐州府邳州入泗流水出沂州府沂水縣西北南至江蘇海州沈陽縣入海今三水水道不  
與古同蒲生水澤所謂澤之萑蒲禹貢云徐州貢魚春秋傳曰邠人藉稻又曰齊侯將食魯之麥

河東曰兗州其山鎮曰岱山

其澤藪曰大野其川河沔其浸盧維其利蒲魚其民二男三女其畜宜六擾其穀宜四種

河自大伾折而東北至大陸之東南

與冀分界。又東北爲九河至逆河。與幽分界。其南涉水過荷澤。貫鉅野。與青分界。又東包岱。至淄水之源。折而北。得漢千乘及勃海之境。與幽分界。蓋比夏殷縮其東北而贏其西南焉。鄭云。岱山在博。大野在鉅野。盧維嘗爲雷雍。禹貢曰。雷夏既澤。雍沮會同。雷夏在成陽。愚謂岱今山東泰安府北泰山也。鉅野縣今屬山東曹州府。雷夏澤在曹州府荷澤縣北。與濮州接壤。雍水在荷澤。縣南二十五里。或曰。盧濟北盧縣。維卽維水。然盧縣未聞有盧水。濰水源流俱在幽。竟非是。孔曰。四種黍稷。救麥。

正西曰雍州。其

山鎮曰嶽山。其澤藪曰弦蒲。其川涇。納其浸渭。洛其利玉石。其民三男一女。其畜宜牛馬。其穀宜黍稷。

殷周

雍州。俱兼禹貢梁州之地。嶽。本名旣。亦曰吳嶽。古之西嶽也。地理志云。吳山在汧。今在鳳翔府隴州南。風俗通云。弦蒲在汧縣北。蒲谷亭水。經注云。汧水出汧縣之蒲谷鄉。決爲弦蒲藪。今在隴州西四十里。涇水出平涼府西。東南至西安府高陵縣。入渭。汧水出平涼府華亭縣西。東至涇州入涇。渭水出蘭州府渭源縣西北。東至同州府朝邑縣。入河。洛水出慶陽府安化縣東北。東南至同州府華陰縣。入渭。禹貢云。雍州。貢璆琳琅玕。地理志云。京兆藍田縣山出美玉。漢書東方朔傳曰。南山多玉石。謂終南山也。淮南子云。渭水多力宜黍。管子云。四七二十八尺。而至于泉。其水白而甘。宜黍稷。弦。舊作彊。王念孫曰。弦誤爲強。因譌爲彊耳。今訂正。

東北曰幽州。其山鎮曰醫無閭。其澤藪曰獫狁。其川河。涉其浸

苗時。其利魚鹽。其民一男三女。其畜宜四擾。其穀宜三種。

此幽州于禹貢爲青州。而兼得兗之東境。河涉入海處。于爾雅爲營州。鄭曰。醫無閭在遼東。獫狁在長廣。苗出萊蕪。時出

般陽。愚謂醫無閭在盛京錦州府廣寧縣西。獫狁澤。今涸。元和志云。在萊州昌陽縣西北四十里。苗水出山東青州府博興縣東岳陽山。北至壽光縣入海。時水出臨淄縣西南。西北至博興縣入涉。禹貢云。青州。貢鹽。緡海物。康成云。海物。海魚也。左傳云。海之鹽。晏管子云。齊有渠展之鹽。史記云。太公封于營邱。通魚。鹽。孔曰。四擾。牛馬羊豕三種。黍稷稻也。

河內曰冀州。其山鎮曰霍山。其澤藪曰揚紆。其川漳。其浸汾。露其利松

柏其民五男二女其畜宜牛羊其穀宜黍稷

河內謂西河之東南河之北東河之西此冀州小于禹貢同于爾雅霍山一名太岳在山西平陽府霍州東其北蓋即并州境矣揚紆鄭曰未聞攷爾雅秦有

楊隆呂覽作陽華淮南作陽紆俱云秦蔽則不在此也冀蔽當云鉅鹿或傳鈔者誤耳漳清漳水也出山西平定州樂平縣西南少山大麗谷其故道東至安平阜城入河露讀爲潞潞漳水也出山西潞安府長子縣西發鳩山東至河南彰德府林縣入清漳水汾水出寧武

府寧武縣南管涔山西南至蒲州府榮河縣入河賈曰霍山見有松柏出焉

正北曰并州其山鎮曰恆山其澤藪曰昭餘祁其川虜池嘔夷其浸涑易

其利布帛其民二男三女其畜宜五擾其穀宜五種

此于禹貢爲冀州之地于爾雅則幽州也鄭曰恆山在上曲陽昭餘祁在鄆虜池出鹵城嘔夷祁夷與出平舒涑出廣昌易出故安凡九

州山鎮藪澤言曰者以其非一曰其大者耳愚謂恆山北嶽也在直隸定州曲陽縣北昭餘祁在山西太原府祁縣東虜池出山西代州繁峙縣東北大戲山東至直隸天津府靜海縣入海嘔夷今名壺流河出山西大同府廣靈縣西東至直隸蔚州合桑乾河涑水一名巨

馬河出直隸易州廣昌縣東至天津府天津縣入西沽易水出易州西山谷中東至保定府定興縣入巨馬河此據今水道言之古者虜池涑水當會大河入海孔曰五擾牛馬羊豕犬五種黍稷菽麥

乃辨九服之國方千里曰

王圻其外方五百里爲侯服又其外方五百里爲甸服又其外方五百里爲男服又其外方五百里爲采

服又其外方五百里爲衛服又其外方五百里爲蠻服又其外方五百里爲夷服又其外方五百里爲鎮

服又其外方五百里爲藩服

孔曰侯爲王斥侯也服言服王事也甸田也治田入穀也男任也任王事采事也爲王事民以供上衛爲王捍衛也蠻用事差簡慢鎮者言鎮守之藩服屏藩四境也賈曰蠻之言糜以政教糜來之自

此以下皆夷狄。大行人總謂之蕃國。愚案舊說禹貢五服，每面二千五百里，通五千里，職方九服共四千五百里，通王圻爲五千五百里，大于禹貢者五百里云。凡國，公侯伯子男以周知天下。周官云：凡邦國千里封公。

以方五百里則四公，方四百里則六侯，方三百里則七伯，方二百里則二十五子，方百里則百男。鄭云：以此率徧知四海九州邦國多少之數也。方千里者爲方百里者百，以方三百里之積以九約之，得十一有奇云。七伯者，字之誤也。凡邦國大小

相維，王設其牧。鄭云：大國比小國，小國事大國，相維，聯也。選諸侯之賢者爲牧，使牧理之。制其職，各以其所能，制其貢，各以其所有。孔曰：連率牧監，各任能也。土地所有乃貢之賈。

曰：諸侯貢于王，大國半，次國三之一，小國四之一。一皆市取當國所有以貢之，太宰九貢是也。王將巡狩，則戒于四方曰：各脩平乃守，考乃職事，無敢不敬。戒，國有

大刑。鄭曰：乃猶汝也。守謂國竟之內，職事所當共具。孔曰：考，成也。不敬，則犯大刑。賈曰：十二年王將巡狩之時，先以文書戒敕于四方。及王者之所行道，率其屬而巡，戒命。者字當依周官，衍賈曰：王將殺

行之時，即在王前巡行前日所施戒令。道音導。王殷國亦如之。鄭曰：殷，衆也。其戒四方諸侯，與巡守同。孔曰：不巡狩之年，六服盡朝，謂之殷國。



此  
页  
空  
白

# 逸周書集訓校釋九

芮良夫弟六十三

厲王失道。芮伯陳誥。作芮良夫。

芮國名。今陝西同州府大荔縣有南芮鄉。北芮鄉。成王時有芮伯爲司徒。良夫其後也。時厲王任用虢公長父及榮夷公。皆好專利作威。而不知大難。故芮伯戒之。此節舊脫。據羣書治要

補。芮伯若曰。予小臣良夫。稽首謹告。天子惟民父母。致厥道無遠不服。無道。左右臣妾乃違。民歸于德。德

則民戴。否德。民讐。茲言允效。于前不遠。

致極也。道。父母之道。所欲與聚。所惡勿施。是也。人君推恩足以保四海。不推恩無以保妻子。效驗也。首謹舊作道謀。否德舊作否則。並據治要訂。否讀如字。不德也。或

讀如鄙。商紂不改夏桀之虐。肆我有周有家。

言紂不道似桀。故周代殷。改舊作道。又脫有周二字。據治要訂補。

嗚呼。惟爾天子。嗣文武業。惟爾執政

小子。同先王之臣。昏行罔顧。道王不若。專利作威。佐亂進禍。民將弗堪。

言基業至重。執政者當如先王之臣。兢業匡贊。奈何昏昧不顧。治亂導王爲不順。聚斂浚

民繁刑督賦。佐天子之亂。心而進于禍。患民何以堪。

治亂信乎其行。惟王暨爾執政。小子攸聞。

孔子曰。行善則治。行惡則亂。皆所聞知。古人求多聞以監戒。不聞是

惟弗知。爾聞爾知。弗改厥度。亦惟艱哉。

以古爲鑑。將以善己之得失。不聞不知無責也。知而不改。未如之何。故曰難也。爾聞以下十二字舊脫。據治要補。

后除民害。不惟民害。

害民乃非后惟其譬。后作類。后弗類。民不知后惟其怨。民至億兆。后一而已。寡不敵衆。后其危哉。

孔曰。害民是興。

民之怨讎。類善也。不知君則怨深矣。嗚呼。野禽馴服于人。家畜見人而奔。非禽畜之性。實惟人民亦如之。

孔曰。雖野禽人養食。

之則擾服。雖家畜不養則畏人。治民亦然也。嗚呼。下書作三空圖。

今爾執政小子。惟以貪諛事王。不勲德以備難。下民

胥怨。財力單竭。手足靡措。弗堪戴上。不其亂而。

孔曰。專利爲貪。曲從爲諛。愚謂勲者。盡心盡力之謂。備。豫防也。畢。盡也。專利則財力竭。作威故民重足而立。民不堪命。必作亂矣。而語詞。事王。舊

作爲事。據治要及御覽訂難去聲。

以予小臣良夫。觀天下有土之君。厥德不遠。罔有代德。時爲王之患。其惟國人。

不遠言莫能相尙代德謂可以。

代周之人。盧曰。患不在諸侯而在國人言內潰也。

嗚呼。惟爾執政朋友小子。其惟洗爾心。改爾行。克憂往愆。以保爾居。爾乃聵禍翫哉。

遂非不悛。余未知王之所定。矧乃小子。

孔曰。洗心改行憂往過。則安爾之居位。贖陽不聞。翫。心不惕。悛。改矧。況也。尙。不知王定況貪諛之臣能得其所也。非字舊脫。據北堂書鈔訂。悛。七宣反。小子。舊闕。依盧

說補。惟禍發於人之攸忽。於人之攸輕。心不存焉。變之攸伏。爾執政小子。不圖大難。偷生苟安。爵以賄成。賢

智箝口。小人鼓舌。逃害要利。並得厥求。唯曰哀哉。

孔曰。言人所輕忽。則禍之所起。苟且無遠慮。賄賂不任德。賢者靖默以逃害。小人佞諂以要利。各得其求。君子爲之哀也。攸忽。文選。緒白馬。

賦注引作倏忽。所見本異。故書心字大字並脫。難作善。茲據治要訂。

我聞曰。以言取人。人飾其言。以行取人。人竭其行。飾言無庸。竭行有成。

華美之言不能致之

實用。故無功。篤行之士。內外純一。故可與圖終。君子不以言舉人。爲此也。

惟爾小子。飾言事王。寔蕃有徒。王貌受之。終弗獲用。面相誣蒙。及爾顛覆。

蕃多徒。衆言非一也。愚謂評妄蒙欺也。如木之顛。如器之覆。

爾自謂有餘。予謂爾弗足。敬思以德。備乃禍難。

孔曰。言其不足于道義也。以用也。乃汝也。

難至而悔。悔將

安及。無曰。予爲。惟爾之禍。

爲僞通。言無謂予僞以禍害相恐嚇。子實見爾有必然者也。其後國人果叛。流王子。禮月令毋或作爲。呂覽作詐僞。詩人之爲言。白帖引作僞言。是爲僞古通用也。

### 大子晉弟六十四

大音泰 篇內同

晉平公使叔譽于周。見大子晉而與之言。五稱而三窮。逡巡而退。其言不遂。歸告公曰。大子晉行年十五。

而臣弗能與言。君請歸聲。就復與田。若不反。及有天下。將以爲誅。

孔曰。叔譽。晉大夫叔向也。大子晉。周靈王太子名。晉五稱說五事。遂終也。聲。就復與。周二邑名。周衰。

晉取之。

平公將歸之。師曠不可。曰。請使瞑臣往與之言。若能懔予。反而復之。

孔曰。師曠。晉大夫。無目。故稱瞑。懔。覆也。愚謂復還也。

師曠見大

子稱曰。吾聞王子之語。高于泰山。夜寢不寐。晝居不安。不遠長道。而求一言。王子應之曰。吾聞大師將來。

甚喜而又懼。吾年甚少。見子而懼。盡忘吾度。

孔曰。語高于泰山。言無上。不安。言飢渴也。懾而忘度。所以為謙。度上舊衍其字。依御覽刪。忘亦作亡。

師曠曰。吾聞王子

古之君子。甚成不驕。自晉如周。行不知勞。

甚成不驕。言有成德不驕慢。晉下舊衍始字。依王念孫說刪。

王子應之曰。古之君子。其行至慎。委

積施關。道路無限。百姓悅之。相將而遠。遠人來驩。視道如咫。

施讀為弛。弛禁也。限猶阻也。將扶也。八寸曰咫。喻近也。言已不及古君子。行積並去聲。

師曠告善。

又稱曰。古之君子。其行可則。由舜而下。其孰有廣德。

孔曰。問舜已下。可法則之君子。

王子應之曰。如舜者天。舜居其所。以利

天下。奉翼遠人。皆得已仁。此之謂天。

居為所。恭己無為也。奉。養翼。字也。孔曰。言其仁合天道。

如禹者聖。勞而不居。以利天下。好取不好與。

必度其正。是之謂聖。

手胼足胝。不矜不伐。天下利之而不德。好取。謂取人之善。不好與。謂率以政而不務小惠。

如文王者。其大道仁。其小道惠。三分天下而有其

二。敬人無方。服事于商。既有其衆。而返失其身。此之謂仁。

大道言其全體。小道言其散見。趙曰。返當作反。盧曰。指囚於羑里也。

如武王者。義殺一人

而以利天下。異姓同姓。各得其所。是之謂義。

孔曰。一人紂也。義善也。案今讀為禮義之義。

師曠告善。又稱曰。宣辨名命。異姓惡方。王

侯君公。何以為尊。何以為上。

宣。顯。辨。別。命。以。名。命。之。也。姓。生。也。方。義。也。

王子應之曰。人生而重丈夫。謂之胄子。胄子成人。能治上

官謂之士。士率衆時作。謂之伯。伯能移善於衆。與百姓同。謂之公。公能樹名生物。與天道俱。謂之侯。侯能

成羣。謂之君。君有廣德。分任諸侯而敦信。曰子一人。善至于四海。曰天子。達于四荒。曰天王。四荒至。莫有

怨訾。乃登爲帝。丈者長也。夫者扶也。胄子國子也。上官居民上而任職。士之爲言能任事也。率衆時作。猶言率作興事。伯長也。移善謂推其善以治人。同者同其好惡。公之爲言公正無私也。凡五等諸侯。其臣下皆稱之曰公。侯美也。孔曰立名生物。

謂化施于民也。成謂成物敦厚也。訾歎恨也。愚謂曲禮曰朝諸侯分職授政任功。曰子一人言天下莫有抗也。又曰君天下曰天子。天下謂外及四海也。春秋繁露云德侔天地者皇。天右而子之。是其義也。獨斷曰天王諸夏之所稱。天下之所歸往。故稱天王。莫有怨訾。言無一物不得其所也。爾雅曰。觚竹。北戶。西王母。日下。謂之四荒。九夷。八狄。七戎。六蠻。謂之四海。率衆。北堂書鈔作齊衆。伯上舊衍曰字據御覽書鈔刪。

師曠馨然。又稱曰。溫恭敦敏。方德不改。聞物

□□下學以起。尙登帝臣。乃參天子。自古誰。孔曰馨然自嚴整也。愚謂方德常德也。起精進不已之意。王子應之曰。穆穆虞舜。明明赫赫。立

義治律。萬物皆作。分均天財。萬物熙熙。非舜而誰。穆穆美也。明明察也。赫赫明也。孔曰律法也。熙熙和盛也。丁曰皆作言受其裁成也。財與材通。師曠束躅其足曰。

善哉善哉。王子曰。大師何舉足驟。師曠曰。天寒足踣。是以數也。孔曰束躅踏也。驟亦數也。王子戲問。故曠戲答。盧曰。李登聲類云。偏舉一足曰踣。東舊作束。據御覽訂。

亦作踣躅。音同。踣紀于反。又求于反。王子曰。請入坐。遂敷席注瑟。師曠歌無射曰。國誠寧矣。遠人來觀。脩義經矣。好樂無荒。乃

注瑟于王子。王子歌嶠曰：何自南極至于北極，絕境越國，弗愁道遠。

注屬也。孔曰：交言于堂，故更入燕室坐。歌此辭而音合于無射之律，嶠曲名也。

師曠

蹶然起曰：瞑臣請歸。王子賜之乘車四馬曰：大師亦善御之。師曠對曰：御，吾未之學也。王子曰：汝不為夫

詩。詩云：馬之剛矣，轡之柔矣。馬亦不剛，轡亦不柔，志氣廕廕，取子不疑，以是御之。

孔曰：蹶然，疾貌。馬不剛，轡不柔，言和擾也。愚謂為治也。廕

廕，盛也。取子猶驛控也。言馬志氣之盛，由驛控不疑于心也。廕，悲嬌反。

師曠對曰：瞑臣無見，為人辯也。唯耳之恃，而耳又寡聞而易窮。王子：汝將為

天下宗乎？

孔曰：辯，別也。為，人有所別，唯恃耳也。宗，尊也。愚謂宗主也。

王子曰：大師，何汝戲我乎？自太皞以下，至于堯舜禹，未有一姓而再有

天下者。夫木當時而不伐，夫何可得？且吾聞汝知人年之長短，告吾。

木，舊作大。夫，何作天。何茲依丁宗洛本。

師曠對曰：汝聲清

汗，汝色赤白，火色不壽。

聲散而不收，如汗之出而不返，清為金，汗為火，故知其色。赤白金不勝火，則火為主，火必附木以炎，今無木，故不壽。

王子曰：然，吾後三年將上賓于帝所。

汝慎無言，殃將及汝。

孔曰：鬼神之事，祕不欲令人知之。

師曠歸，未及三年，告死者至。

孔曰：並歸之年為三年，則王子年十七而卒也。愚謂此篇晉史所記無疑，以下諸篇疑皆是也。

王者所佩在德。德在利民。民在順上。

佩德以利民。猶之佩物以利用。民利則順以事上。

合為在因時。應事則易成。

合為猶當為也。不先不後。謂之因。迎其機而導之。故

易謀成在周長。有功在力多。

孔曰。周。忠信也。愚謂長。恆久也。梁人協力。故功績廣。

昌大在自克。不過在數懲。

孔曰。以義勝欲得昌。大數自懲。艾則無過。

不困在豫慎。

見禍在未形。

豫。前定也。慎。戒敗于未為。察禍。裁于所伏。故曰。一日二日。萬幾。

除害在能斷。安民在知過。用兵在知時。勝大患在合人心。

除害在勇。安民在納諫。孔

曰。時。謂可伐時也。舉合民心。何患之有。

殃毒在信疑。嗔子在聽內。

信。所可疑。謂聽讒聞。虛曰。擊子。謂災害。其子。趙曰。聽內。聽信婦人偏愛之言。

化行在知和。施舍在平心。

孔曰。可。否相濟。

曰。和。施。施。惠。舍。救罪。

不幸在不聞其過。福在受諫。基在愛民。固在親賢。

孔曰。聖人以聞過為幸。責速改也。受諫則無非。故福以愛民為基。親賢人則固。明君之義也。

禍福在所

密。利害在所近。存亡在所用。離合在出命。

孔曰。所與密。所親近。所任用皆忠良。則福利至。反是則禍害。生。愚謂離合。民心向背也。漢書。主父偃傳。引作安危在出令。

尊在慎威。安在

恭己。威儀慎。則儼然。人望而畏之。禮曰。人有禮則安。

危亡在不知時。背時則逆天。逆天者亡。

見善而怠。時至而疑。亡正處邪。是弗能居。此得失之方

也。不可不察。

懈惰者不可與為善。猶豫者不可與乘時。舍正大而趨邪僻。雖有天位。弗能安居。蓋未有不審于得失之術。而能佩德者也。

### 殷祝弟六十六



湯將放桀于中野。士民間湯在野，皆委貨扶老攜幼，奔國中虛。

中野，邑名，委，棄也。國中，中野之都也。

桀請湯曰：「國所以為國者，

以有家。家所以為家者，以有人也。今國無家無人矣。君有人，請致國。君之有也。」湯曰：「否。昔大帝作道，明教

士民，今君王滅道殘政，士民惑矣。吾為王明之。」

孔曰：大帝謂禹，明禹之事于士民也。

士民復致于桀曰：「以薄之君，濟民之殘，何

必君更。」

薄，湯所居。言吾民已有湯為君矣，何必桀更為此邑之君哉。故誓之君作之居，殘作賤，茲依丁本。

桀與其屬五百人南徙千里，止于不齊。不齊士民往奔湯

於中野。桀復請湯言君之有也。湯曰：「否。我為君王明之。」

孔曰：不齊地名，不齊舊不重，又脫士字，依盧說增。

士民復重請之。丁曰：士民請皆歸湯。桀與

其屬五百人徙于魯。魯士民復奔湯。桀又曰：「國君之有也。吾則外人有言，彼以吾道是邪。我將為之。」

吾則外言。

見外于士民也。以吾道為是，猶可留而為之，今不然也。

湯曰：「此君王之士也。君王之民也。委之何。湯不能止桀。湯曰：欲從者從君。桀與其

屬五百人去居南巢。」

孔曰：南巢地名。

湯放桀而復薄。三千諸侯大會。湯取天子之鬻，置之天子之坐。左退而再拜。

從諸侯之位。

鬻，印也。古者天子以至大夫印皆曰鬻。舊脫取天子之鬻。以下十二字據唐六典、北堂書鈔、藝文類聚、太平御覽增訂。

湯曰：「此天子位。有道者可以處之。天下非一。」

家之有也。有道者之有也。故天下者。唯有道者理之。唯有道者紀之。唯有道者宜久處之。理正其疆理。紀綜其紀綱。湯以

此三讓。三千諸侯莫敢即位。然後湯即天子之位。與諸侯誓曰。陰勝陽即謂之變。而天弗施。雌勝雄即謂

之亂。而人弗行。故諸侯之治政。在諸侯之大夫治與從。

孔曰。逆天道故不施。雌勝雄。女淩男之異。逆人道故不行。下必順上。所以教治也。愚謂此篇之作。蓋在春秋之季。政在大夫。駸駸有

代興之勢。故陳古以刺今。謂湯放桀。非湯放之。乃桀自不能居而去。非專政逐君者得以藉口。未述湯誓。見下不順上。乃陰勝陽。雌勝雄。大亂之道也。

### 周祝弟六十七

曰維哉其時。告汝不聞道。恐爲身災。

維念也。書所以告汝者。恐汝不聞道而災其身也。

謹哉民乎。朕則生汝。朕則刑汝。朕則經汝。朕則

阜汝。朕則亡汝。朕則壽汝。朕則名汝。

謹。謹譚。衆盛之意。善者生之。惡者刑之。經紀其禮法。昌阜其貨財。放逐其讒賊。布和氣以登其壽。予爵祿以成其名。人君之職。蓋如是其重大也。

故曰文之

美也。而以身剝。自謂智也者。故不足。

孔擊以文受害。人自謂智。乃其所以愚也。

角之美。殺其牛。榮華之言。後有茅。

孔曰。言牛以角。死虛言致穢也。

凡彼

濟者必不怠。觀彼聖人必趣時。

孔曰。以不怠故。濟以趣時。故聖

石有玉而傷其山。萬民之患。故在言。

患在怠行而多言。故在言奮。作在□言。王念孫據文字符言。

訂時之行也勤以徙不知道者福為禍時之從也勤以行不知道者以福亡時去不再來再來已非故不知道則廢時而趨禍因時在敏不知道則忘

以棄福故曰肥豕必烹甘泉必竭直木必伐三者自然之理理即時也地出物而聖人是時雞鳴而人為時觀彼萬物且何

為求生長收藏聖人命之如雞鳴而人為時因其自然耳芸芸萬類或先而躁或後而念其何求哉故天有時人以為正地出利而民是爭人出謀聖人是經陳

五刑民乃敬正如正鵠以為候也利以養民亦以爭民不有聖人孰為經紀不有刑罰何以弼教孔曰經經度之也敬敬上命也教之以禮民不爭被之以刑民始聽因其能民

乃靜故狐有牙而不敢以噬獠有爪而不敢以擻孔曰聽順靜服謂不為亂也愚謂因其能者農工商賈各有業也獠讀若桓豪豬也擻搔也喻民有爭心而不敢肆也獠胡官反爪舊作蚤

據說文訂虛云爪為覆手又為手足甲論字當作又擻掘同其月反勢居小者不能為大持欲正中不貪其害凡執道者不可以不大勢勢力也局于識量不勝大任執

道猶執德也執聲色臭味安故木之伐也而木為斧賊難之起自近者二人同術誰昭誰暝二虎同穴誰死伐皆性之賊

誰生故虎之猛也而陷于獲人之智也而陷于詐孔曰成者能昭猛者能生虎以貪陷弄人以欲陷詐獲胡化反葉之美也解其柯柯之美也

離其枝枝之美也拔其本儼矢將至不可以無盾葉當為華言有大美必有大患禍患之幾伏于衽席故見儼慮遠者儼乎若矢之將至也孔曰盾喻為人當有所備護故澤有

獸而焚其草。大威將至，不可爲巧。焚其草木，則無種。大威將至，不可以爲勇。大威，天威也。巧，巧避也。草與巧，爲韻。舊衍木字，涉下句而誤耳。故

天之生也，固有度。國家之患，離之以故。地之生也，固有植。國家之患，離之以謀。離，遠也。絕也。天地生物，有常。國家，遠患之道，在慎守舊章，而君臣悉

心以謀之。孔曰：植，立也。植，直吏反。故時之還也，無私貌。日之出也，無私照。孔曰：還，至也。貌謂無實。時至並應，日出普照也。還，音旋。謂周而復始也。王念孫曰：當爲還，與逮同。爾雅云：逮及也。時之

行也，順無逆。爲天下者，用大略。火之燿也，固定上。爲天下者，用牧。水之流也，固走下。不善故有桴。略，要也。以簡御

繁也。孔曰：燿，然也。火曰炎上，牧，法也。丁曰：桴，編木爲之。大曰楸，小曰桴。愚謂法明如火。故人不犯，不善易滋，如水就下，有道乃能濟。定上，盧云：當爲走上，愚謂或炎上之譌。故福之起也，惡別之。禍之起也，惡別

之。故平國若之何，頃國覆國，事國孤國，屠國皆若之何。孔曰：惡於何也。言其微也。覆，滅也。孤，謂無人。屠，謂爲人分裂也。愚謂頃讀爲傾，事當作爭。玉篇云：古文爭字。頃，傾同。危也。舊

作須。又屠下脫一國字。依王念孫說訂。故日之中也，仄。月之望也，食。威之失也，陰。食陽，善爲國者使之有行，是彼萬物必有常

國君而無道，以微亡。仄，傾側也。食，謂明毀而魄生也。臣陰君陽，魁柄失則臣凌君。行道也。是如荀子是其庭之是，讀爲視，積微至亡。卑卑反。常，由失道也。故天爲蓋，地爲軫，善用道者終

無盡。地爲軫，天爲蓋，善用道者終無害。天地之間，有滄熱，善用道者終不竭。天覆地載，君臣之職，其道則健順也。滄，危也。滄熱，喻張弛寬猛也。孔曰：滄

寒蟬盡也。

滄音創。

陳彼五行必有勝。天之所覆盡可稱。故萬物之所生也。性於從。萬物之所反也。性於同。故惡姑幽。

惡姑明。惡姑陰。陽。惡姑短長。惡姑柔剛。

五行以生爲體。以勝爲用。萬物生成。皆五行之妙用。悉可稱名而尋繹也。從順也。飛潛動植各具一性。而原始要終。莫非氣化之自然。川流殊派。敦化則同。故幽明陰陽。

短長柔剛。執一而言者。不知道者也。孔曰。姑且也。音幽明之相代。陰陽之變易。短長之相形。剛柔之相生。無始無終之道也。

故海之大也。而魚何爲可得。山之深也。虎豹貔貅何爲

可服。人智之邃也。奚爲可測。跂動噦息。而奚爲可牧。玉石之堅也。奚爲可刻。陰陽之號也。孰使之。牝牡之

合也。孰交之。君子不察。福不來。

凡此皆自然之理。君子之爲政。亦因其自然而已。爾雅曰。貔。白狐。注云。一名執夷。陸璣云。似虎。或云似熊。遼東人謂之白羆。羆亦鷲獸。一名羆。遼深也。跂。舉踵也。噦。氣出之聲。息。喘也。牧。牧

馭。刻。雕琢也。陰陽之號。若風雷之屬。噦。許穢。反。文選注引作跂。行。噦息。

故忌而不得。是生事。故欲而不得。是生詐。欲伐而不得。生斧柯。欲鳥而不得。

生網羅。欲彼天下。是生爲。

此畜生民有欲。故天下多故也。爲。取也。

維彼幽心。是生包。維彼大心。是生雄。維彼忌心。是生勝。此所謂爲也。孔

曰。包。謂包藏陰謀。雄。謂雄築于人也。勝。謂勝所忌。

故天爲高地。爲下。察汝躬。奚爲喜怒。天爲古地。爲久。察彼萬物。名於始。左名左。右名

右。視彼萬物。數爲紀。

天下之亂。皆生於不安分。分生于名。循其名而察之。則天高地下。固其所也。奚爲喜怒乎。是故名以名者。非人也。物始而名始矣。以名立紀者。亦非人也。名定而分定。分定而紀立矣。

紀之行也。利

而無方。行而無止。以觀人情。利有等。維彼大道。成而弗改。

人情無不嗜利。聖人制其等。天子一圻。列國一同。卿大夫采。不過百乘。士農工商各有差等。其宮室車旗衣服器用。罔不

明章別威。蓋欲其以道制。欲故其紀一成而弗改也。

用彼大道。知其極。加諸事則萬物服。用其則必有羣。加諸物則爲之君。舉其脩則有

理。加諸物則爲天子。

孔曰。大道。天道也。極。中也。事。業也。愚謂則者。道之表也。王念孫曰。脩與條通。條必有理。故曰舉其條則有理。

此  
页  
空  
白

# 逸周書集訓校釋十

武紀第六十八

幣帛之間有巧言令色事不成。車甲之間有巧言令色事不捷。克□事而有武色必失其德。臨權而疑必離其災。□□不捷智不可□□於不足并於不幾則始而施幾而弗免無功。便辟側媚國之蠹也。臨權者貴審時而斷離懼也。國有三

守卑辭重幣以服之。弱國之守也。脩備以待戰。敵國之守也。循山川之險而固之。僻國之守也。伐服不祥。

伐戰危。伐險難。故伐善者不伐。三守。循順也。順山川之形勢而固守之。僻險僻也。伐服不為神所佑戰不正勝攻險多傷。伐國有六時。五勤四順。開其疏。薄

其疑。推其危。扶其弱。乘其衰。暴其約。此謂六時。開謂設事以離間之。薄迫也。及其謀未定而迫之。推去也。苟子曰。孤獨而

困也。開居寬反。薄迫各反。推他回反。排擠也。扶之而不讓。振之而不動。數之而不服。暴之而不革。威之而不恐。未可伐也。此謂五動。

革讀為疾。革之草急也。數悉主反。革紀力反。立之害。毀之利。克之易。并之能。以時伐之。此謂四順。壤地同而有欲于我。則國有相疑之勢。故不利于扶植而利于毀賊。立之不



害毀之不利。唯克之易，并之不能。可伐也。立之害，毀之未利。克之難，并之不能。可動也。越國鄙遠，得之而不能居，故立之不害，毀之不

利壤地雖同，而彼之戰守有餘，故立之害，毀之不利。凡六時五動四順，皆戰國之陰謀，非聖人除亂救民之道。靜以待衆，力不與爭，權弗果據，德不肆國，若是而可毀也。彼不與我

爭力，使我雖有威權而無所用，徒以兵甲亟作，德不布於國人，若是而可毀乎？言不可毀也。

地荒而不振，德衰而失與，無苦而危矣。振，奮也。民有離心，不奮力以耕種，失與，失所與之人，無苦而危，言不待饑

也。

伐也。求之以其道，□□無不得，爲之以其事，而時無不成，有利備，無患事。求，猶實也。道，謂交鄰之道，爲使也。時，當爲事。時至而不迎，大

祿，乃遷延之，不道。行事乃困。遷，去也。延，進也。言遷之以不道也。不作小□動大殃，謀有不足者，三仁廢，則文謀不足，勇廢，則

武謀不足，備廢，則事謀不足。闕處疑是謀字。國有本，有幹，有權，有倫，質有樞體，土地本也，人民幹也，敵國侷交，權

也，政教順成，倫質也，君臣和□樞體也，土地未削，人民未散，國權未傾，倫質未移，雖有昏亂之君，國未亡

也。本，根幹。枝，倫質。倫理也。樞，樞機之體。土地生物以養人，故以爲本。然必有德而後有人士財用，此蓋失之侷齊等也。以邦交離合爲輕重，亦縱橫者之說。國有幾失，居之不可阻，體之小也，不畏鄰

家，難復飾也，封疆侵凌，難復振也，服國從失，難復扶也。幾失，失國之幾阻疑也。君臣相猜，國政誰帥，飾，粉飾也。所從之國非有德者，豈肯扶之。畏舊作果，茲依丁本。大國之

無養。小國之畏事。不可以本權失鄰家之交。不可以枉繩失鄰家之交。不據直以約。不虧體以陰。不可虞

而奪也。不可策而服也。不可親而侵也。不可摩而測也。不可求而循也。

無養不能覆字也。本權猶言常變。繩直也。小國之存亡聽命于大國。不可以常變曲直計。

較也。據直以約。若子產之爭承。虧體以陰。若句踐臣于吳而陰謀之。欺也。策。謀也。親而侵。如約縱以擯秦。摩。迫切也。

施度於體。不應費。事利於國。不計勞。失德喪服於鄰家。則

不顧難矣。交體侵凌。則不顧權矣。封疆不時得其所。無爲養民矣。合同不得其位。無畏患矣。百姓屈急。無

藏畜矣。擠社稷。失宗廟。離墳墓。困鬼神。殘宗族。無爲愛死矣。

施。謂用財體國體也。喪服。失其所事。交體。謂敵國互相侵凌。則邊鄙日聳。不得其位。卽服國從失之意。風急。窮乏也。

擠。墜也。

卑辭而不聽。財而無枝。計戰而不足。近告而無顧。告過而不悔。請服而不得。然後絕好。于閉門循

險。近說外援。以天命無爲。是定亡矣。

言竭力事大。大國不卹。然後存亡可聽之天命也。枝。支持也。近告。求鄰國之援。不悔。不聽其悔過也。于。曰也。不足之不舊聞。茲依了本說。燕。芮反。

凡有事君

民守社稷宗廟而先衰亡者。皆失禮也。

禮國之幹。失禮則無以立。

大事不法。弗可作。法而不時。弗可行。時而失禮。弗可長。

得禮而無備。弗可成。舉物不備而欲致大功於天下者。未之有也。

法。舊章也。不時。泥古悖今也。失禮。失經世之禮。備。豫也。

勢不求周。流舉

而不幾其成。亡薄其事而求厚其功。亡內無文道。外無武道。往不復來者。亡有悔而求合者。亡不難不費而致大功。古今未有。

求周則法時禮備不可闕一流舉猶荀子所謂流事言無根源也。幾冀往去也。仁者勇者去而不來也。有悔求合言國勢已絀而後求合于人也。

據名而不辱。應行而不困。

唯禮得之而無逆。失之而無咎。唯敬成事而不難。序功而不費。唯時勞而有成。費而不亡。唯當施而不拂。

成而有權。久之而能□。唯義。

應行。應物以行。咎病也。施措施也。拂逆也。應行章本作隱行。王曰無咎當作有咎。丁曰闕處當是安字。

不知所取之量。不知所施之度。不

知動靜之時。不知吉凶之事。不知困達之謀。疑此五者。未可以動大事。

量分量度法度。謀惠曰宋本作謀。

特名不久。特功不

立。虛願不至。妄爲不祥。

特名者無實而不繼。特功者驕盈而必亡。虛願不修政福不至。逆天妄爲禍必來。

大上敬而服。其次欲而得。其次奪而得。其次爭

而克。其下動而上資其力。

大上帝皇之世。其次則立政以求遂其欲。奪而得。桓文是也。爭而克。楚漢是也。其下則妄希大寶。殘民以逞。適足爲興王驅除雜耳。

凡建國君民。內事文而和。

外事武而義。其形慎而殺。其政直而公。本之以禮。動之以時。正之以度。師之以法。成之以仁。此之謂也。

形當

爲刑。刑當其罪曰殺。形刑古

通。假高彪。碑形不妄濫。亦作形。

銓法第六十九

有三不遠有三不近有三不畜。畜容也。敬謀祗德親同三不遠也。親同同氣之親。聽讒自亂聽諛自欺近愁自惡三不

近也。讒者變亂曲直諛者歌功頌德愁者銜怨次骨。有如忠言竭親以為信有如同好以謀易寇有如同惡合計掬慮慮泄事敗是為

好害三不畜也。竭敗也敗其所親近者以取信于君易寇者詐謀亂國甚於寇戎掬當為播布也。丁嘉葆曰馮古文播形相似。

器服第七十

明器因外有三疲二用器服數續。明器送死之器言神明之器異于人人用也。因當為茵所以藉棺者儀禮既夕云加茵用疏布緇韜有幅亦縮二橫三賈公彥云用大功疏蠶之布染為淺緇之色。記曰茵著用荼實綏澤

焉蓋用一幅布為之縫合兩邊為筓更以物緣此兩邊因為飾焉疲謂不任用也用用器也禮檀弓云夏后氏用明器殷人用祭器周人兼用之是也。丁曰疑疑樓論。

四楹禁豐一簠。楹讀為杯盤盞之總名禁所以廢簠如方案楹長足高三寸豐

承解之器似豆而卑籛讀為觴酒器也。楹與杯並同說文杯盂也。隨小杯也海內北經云蛇巫之山有人操杯而東向立。注云楹或作楹是古字通假也。大戴禮注云杯盤盞盃盞之總名王念孫曰籛蓋觴之誤詩疏云總名為爵其實曰觴式羊反。矢韋獨

既夕記云弓矢之新沽功有弭飾焉。又曰廢矢一乘志矢一乘周禮司弓食器。顛進膏侯屑。顛酒器中寬下直上銳平底陶瓦為之。容五斗進當為醕酒也膏肉之肥者侯

維也。層，畫柱之層。既夕云：銀二禮。侯樂鈿璆參笙一竽，皆素獨。既夕禮有燕樂器：檀弓云：琴瑟張而不平，笙竽備而不和，有鐘磬酒醴醢醢，此不言醢醢，亦闕文也。而無筍，是也。鈿當爲嬰，古琴字。璆讀爲瑟，聲相近。笙十三簧，竽二十六簧，皆以素布爲纁。

二九弁，焚菜膾五昔。丁曰：凡物圓轉者皆曰丸，愚案說文云：弁，蓋也。昔，乾肉也。廣雅云：焚，乾也。菜，纁。若非芹之類，膾或以魚或以肉。昔若魚兔之類有五也。皆實于丸之有蓋者。

裏桃枝素獨，簟蒲席皆素獨。斧巾，爾雅云：斧謂之黼，巾佩巾也。周禮：冪人掌供巾冪，凡王巾皆黼。簟，蒲獨，斧舊皆倒，依王念孫訂。玄績綏，縞冠素紕，玄冠組，武卷組，纁。纁，淺絳色。爾雅云：三染謂之纁。又云：桃枝四寸有節，竹譜云：皮赤，編之滑勁，可爲席。周禮司

兒筵所謂次席，後世謂之桃筵。雙方文席，蒲、水草、蒲、席，顧命謂之底席，皆以素布爲纁而繫。纁上疑脫一冠字。玄冠，委貌也。纁冠

以素績緣冠兩邊及冠卷之下畔，是既祥之冠也。武冠卷也，以組飾之，又以爲纁。禮天子朱組，諸侯素組。象琪，績瑱，絺紳帶。琪與璆同。周禮弁師玉璆注云：皮弁之縫，中結五采玉以爲飾，此則用象骨也。績瑱，以績懸瑱，績似纂而赤色，瑱，充耳也。

天子以玉，諸侯以石，絺紳帶者，以縷爲帶而垂其首紳帶之垂者。琪，渠之反，琪績，舊闕，據玉海訂。象玦，朱極，韋素獨。玦，決也，一名鏃，以象骨爲之，著右手大指，所以鉤。簟，籜，捍。

簟當爲算，形近而譌。竹器之圓者，以盛簫，捍也。鍵謂之簫，或曰書簫也。捍，拾也。韜于左臂，收拾衣袖以利弦也。次車，羔冒，純。次車，貳車也。穆天子傳云：次車之乘，以士禮言之，其道車歟。

玉藻云：君羔幣，虎瑱，幣即冒，瑱即純。闕處當是虎字。純音準，緣也。載枉綫，未。喪勤焚纁一紕。喪與纁同。類篇云：淺黃色也。勤當爲勒，焚當爲樊，俱形近而譌。喪勒

纁以三色而三成，此三色者蓋條絲也。其著之如屬然。天子之臣，如其命數，愚案說文：器，因。皆載之名有三。土禮啓殯，祝取銘置于器。絲勞曰紕，以紕飾纁，示不任用也。天子之纁當五采，十有二就。樊，蒲塞反，給音息。器，因。皆載之名有三。重，既祖，祝取銘置于

注曰。今文銘皆爲名。是名卽銘旌也。其制士長三尺。大夫五尺。諸侯七尺。天子九尺。書其末曰某某之柩。賈公彥曰。士無厥旌。惟有乘車。所建攝盛之禮。大夫以上有厥旌。通此二旌。則備三旌。故曰名有三。

茵形以飾車。幾玄茵。幾如離幾之幾。附纏之爲沂鄂也。茵芝也。漆爲也。幾音圻。纁裏桃枝蒲席皆素獨。布巾玄象玄純。載于次車。故別出之。巾有繪玄象者。有以玄繒緣邊者。桃枝下舊衍獨字。又獨布二字倒。依王念孫說訂。

### 周書序

孔子錄書。有百篇之序。繫易則有序卦。子夏傳詩。故有詩序。此書既爲孔子刪削之餘。不應有序。疑周末史官依放百篇爲之。觀劉向班固言周書七十一篇通序爲數。知作序者在商周之先矣。然序文與本書時有不相應處。豈本書有脫誤歟。抑序者

之失歟。宋時此書有兩本。一本序在書末。一本散冠各篇之首。見陳振孫書錄解題。

昔在文王。商紂並立。困于虐政。將弘道以弼無道。作度訓。

文王出爲西伯。入爲三公。陳善納誨。固其職分。然以紂之昏闇。猶惓惓乎欲厲其明。則忠之至也。三訓蓋皆爲三公時所

作。般人作教。民不知極。將明道極。以移其俗。作命訓。般人尙鬼。知禍福有命。而不知惡逆之由人。則民行惰而勸懲之柄失矣。故訓以六方三術而導之中。

紂作淫亂。民

散無性。冒常。文王惠和化服之。作常訓。

性善常也。變于習而爲不善。非常也。紂帥天下以暴而民從之。以不善爲常。故云無性冒常。冒虛改爲習。丁改爲背。茲依故書。

上失其道。民

散無紀。西伯修仁。明恥示教。作文酌。

此篇言斟酌爲政之事。無明恥示教之意。

上失其道。民失其業。□□凶年。作糴匡。

匡。救也。告糴以救荒。然篇中有

成年年儉。年饑大荒。四節。非僅言荒政也。

文王立。西距昆夷。北備獫狁。謀武以昭威懷。作武稱。

昆夷。吠戎。獫狁。北狄。詩采薇序與此略同。通鑑前篇引此。係之文王五祀稱宜也。

武







戒乎成王。作大戒。贊助也。周公正三統之義。作周月。統本也。書大傳曰三統者所以序生。三王者所以統天下。是故三統三正若循環環又曰不以二三月為正者萬物不齊莫適所統。辨二

十四氣之應。以明天時。作時訓。天有四時。時有六氣。氣有三候。積微以成著。皇極不建。厥沴微焉。王者之所以敬天勤民也。周公制十二月賦政之法。作月令。蔡

明堂月令論引月令篇名云。因天時制人事。天子發號施令。祀神受職。每月異禮。故謂之月令。所以順陰陽。奉四時。效氣物。行王政也。成法具備。各從時月。藏之明堂。所以示承祖考神明明不致燦燼之義。故以明堂冠月令以名其篇。又曰夏小正。夏之月令也。殷人無文。及周而文義備。所說博衍深遠。宜周公之所著也。豈論如此。惜今之不可見也。

周而文義備。所說博衍深遠。宜周公之所著也。豈論如此。惜今之不可見也。周公肇制文王之謚義以垂于後。作謚法。謚法前古未有。故曰肇制。周公將致政成王。朝

諸侯於明堂。作明堂。成王既即政。因嘗麥以語羣臣而求助。作嘗麥。書訓恤刑嘗麥。特其緣起。爾與周頌訪落小豳不同。周公為太師。告

成王以五則。作本典。初太公為太師。周公為太傅。召公為太保。至此周公代太公為太師焉。丁曰。智仁義德武五則也。成王訪周公以民事。周公陳六徵以觀察之。

作官人。惟民務官。故云民事。周室既寧。八方會同。各以職來獻。欲垂法厥世。作王會。職。職貢也。世。嗣也。職上舊衍其字。世作後。茲據玉海訂。世如晉語非德不及世。謂

後嗣也。周公云。殛王制將衰。穆王因祭祖不豫。詞謀守位。作祭公。據禮緇衣篇。當作祭公。顧命。謀舊作某。依盧說訂。穆王思保位。惟難。恐

貽世羞。欲自警悟。作史記。鑿古事以自警覺也。王化雖弛。天命方永。四夷八蠻。攸尊王政。作職方。弛。廢也。芮伯稽古作訓。

納王于善。暨執政小臣咸省厥躬。作芮良夫。小臣疑小晉侯尙力。侵我王略。叔向聞儲幼而果賢。□復王位。

作太子晉。略經略土地之界也。太子謂之儲君。儲猶待也。王者德以飾躬。用爲所佩。作王佩。佩猶飾也。夏多罪。湯將放之。徵前事以戒後王。

也。作殷祝。儀禮有商祝。周祝謂習于商周之禮者。在周禮則喪祝之職也。序官云。喪祝。上士二人。中士四人。下士八人。此及下篇。蓋商祝周祝之所記。故以名篇。民非后罔乂。后非民罔與爲邦。慎

政在微。作周祝。微纖也。隱也。君子察未萌之萌。故兢兢業業。一日二日萬幾。武以靖亂。非直不尅。作武紀。師直爲壯。然篇中言六時五動四順。非直也。唯文而和武而義。庶乎近之。積習生

常。不可不慎。作銓法。嶺南之犬吠雪。不習見也。爰居聞鐘鼓則眩。視而悲。不習聞也。國之用人亦然。一佞貢諛。千直獲譴。銓衡也。所以稱物也。惜篇已殘缺。車服制度。明不苟踰。作器服。此

與書不相應。周道於焉大備。於焉舊作於乎。趙本作明一作民。於是乎。茲據玉海訂。

此  
页  
空  
白

# 逸周書逸文十一

文王去商在程。正月既生魄。太妣夢見商之庭產棘。小子發取周庭之梓樹。于闕閒化爲松柏。楨柞寤驚。

以告文王。文王乃召太子發。占之于明堂。王及太子發並拜吉夢。受商之大命于皇天上帝。

太平御覽三百九十七卷又五

百三十三卷。文選注五十六卷。藝文類聚。此程寤篇逸文也。去商謂釋羑里之囚。御覽八十四卷引帝王世紀。謂在文王十年。疑非也。世紀又云。文王不敢占。召太子發。命祝以幣告于宗廟。羣神然後占之于明堂。博物志以告文王。下有文王曰。慎勿言六字。又御覽別卷引此。在程作在程。化爲松柏。句作化爲杞。

文王曰。法寬刑緩。囹圄空虛。

文選注五十一卷。此及下二節。疑劉法篇逸文也。御覽引風俗通云。周曰。囹圄。囹令也。囹與也。言令人幽閉。思愆。改惡爲善。因原之也。

文王曰。周視民如子愛也。

文選注五十四卷。

因五行相尅。而作五刑。墨、劓、剕、宮、大辟。是也。火能變金色。故墨以變其肉。金能尅木。故剕以去其骨節。木能尅土。故劓以去其鼻。土能塞水。故宮以斷其淫泆。水能滅火。故大辟以絕其生命。

五刑大義。後漢書注。太平御覽。並引白虎通云。刑

所以五何法五行也。大辟法水之滅火。宮者法土之雍水。贖者法金之刻木。劓者法木之穿土。墨者法火之勝金。語本于此。鄭康成駁異義云。皋陶改贖爲荆。周改荆爲劓。然呂刑有荆辟。則周非無荆也。

文王獨坐屏去左右。深念遠慮。召大公望曰。帝王猛暴無文。強梁好武。侵陵諸侯。苦勞天下。百姓之怨心生矣。其災予奚行而得免于無道乎。大公曰。因其所爲。且興其化。上知天道。中知人事。下知地理。乃可以

有國焉。

太平御覽八十四卷。此及下數條。疑皆保開篇逸文也。帝當爲商。古文形相似。強梁。多力也。史記云。紂材力過人。手格猛獸。世紀云。紂倒曳九牛。撫梁易柱。因其所爲以興化者。言民窮困。易于見德也。

恃德者昌。恃力者亡。

史記商鞅傳。傳但稱書曰。而案隱以爲周書之言。孔子所刪之餘。其必有據矣。

天子不取。反受其咎。

漢書蕭何傳。此二句亦見史記張耳陳餘傳。不稱周書。蕭何傳則明言之。師古又實之以劉向所奏之七十一篇也。又案越語范蠡曰。臣聞之。得時毋怠。時不再來。天與不取。反爲之災。語意與此相似。

大公曰。知與衆同者。非人師也。大知似狂。不癡不狂。其名不彰。不狂不癡。不能成事。

太平御覽七百三十九卷。

文王曰。吾聞之。無變古。無易常。無陰謀。無擅制。無更創。爲此則不祥。大公曰。夫天下。非常一人之天下也。天下之國。非常一人之國也。莫常有之。唯有道者取之。古之王者。未使民民化。未賞民民勸。不知怒。不知

喜愉愉然其如赤子。此古善爲政也。太平御覽八十四卷。

武王悅箕子之對，賜十朋。

廣韻：惠棟曰：此語別無所見，當在箕子篇。愚案藝文類聚引帝王世紀曰：武王克商，命召公釋箕子之囚，賜貝十朋，令原公釋百姓之囚，然則是克殷篇軼文也。又案竹書紀年統纂云：王曰：咨爾商王

父，惟辛不悛，天用假手于朕，去故就新，辛錫朕以國，闡洪範九疇，侯錫以道。朕殫厥邦土，靡所私，乃朝鮮于周，底于遐邇，其以屬，父師云云，未知所出。

神農之時，天雨粟，神農耕而種之，作陶冶斤斧，破木爲耜，鋤耨，以墾草莽，然後五穀興，以助菓蓂之實。通鑑

外紀：太平御覽一卷，又七十八卷，又七百六十三卷，又八百四十卷，藝文類聚十一卷，此及下三條，蓋皆考德篇逸文。廣韻引周書神農作瓦器，蓋以訓詁易之。御覽八百三十三卷，引神農耕而作陶，亦不云作瓦器也。

黃帝作井，始罾竈，亨穀爲粥，蒸穀爲飯，燔肉爲炙。

初學記七卷，二十六卷，太平御覽一百八十九卷，八百五十卷，藝文類聚北堂書鈔路史餘論，作井，初學記引作穿井，又引世本云：伯益作

井，亦云黃帝見百物，始穿井，粥，路史餘論引作糜。說文米部：糜，糜糜也。黃帝初教作糜，說俱本此。

少昊曰清，清者，黃帝之子青陽也。

漢書律厯志：元文引考德曰云云，是爲考德逸文，無疑也。解見嘗參篇。

三王之統若循環，周則復始，窮則反本。

太平御覽七十六卷。

更火。春取榆柳之火。夏取棗杏之火。季夏取桑柘之火。秋取柞櫨之火。冬取槐檀之火。

論語集解馬融注。此下皆月令篇逸文也。邢

昺曰。周書孔子所刪尚書百篇之餘也。晉咸康中得之汲冢。有月令篇。其辭今亡。周禮司燹四時變國火。鄭司農說以鄉子云云。其文與此正同。釋者曰。榆柳奇故春用之。棗杏赤故夏用之。桑柘黃故季夏用之。柞櫨白故秋用之。槐檀黑故冬用之。愚謂周書自漢以來著錄。特藏在中祕。諸儒有見有不見。故司農但據鄉子。如謂得自汲冢。馬氏安得徵引之哉。考崇文總目。有周書月令一卷。則曷時其書尚存。乃云亡逸。陋矣。賈公彥云。鄉子書出于周書。其義是一。

三日粵臚。

尚書召誥正義。說文曰。臚。月未盛之明。漢書律麻志引作古文月采篇語。朱子謂采即令字之譌。

孟春之月。日在營室。蟄蟲始震。乃命太史守典奉法。司天日月星辰之行。乃擇元日。祈穀於上帝。

蔡邕明堂月令論。又月令問答。

震。今月令作振。乃擇作乃以。

掩骼薶醜。

說文骨部。今月令在孟春。白骨曰骼。有肉曰骸。記作埋。黃呂覽作薶。音義並同。

兵戎不起。不可從我始。

明堂月令論。

春行夏令。則雨水不時。草木蚤枯。國乃有恐。

月令問答。春上疑脫一孟字。雨水呂覽作風雨蚤枯。呂作旱。槁記作蚤落。乃記作時。

仲春始雨水。日夜分。則同度量。鈞衡石。是月獻羔。

以太牢祀高禘。月令問答。明堂月令論。獻記作鮮。祀記作祠子。

虹始見。說文虫部。今月令在季春。

命榜人。張揖子虛賦注。說文榜作舫。云明堂月令曰。舫人。舫人習水者。今月令作命舟牧。蓋不韋所改。

仲夏之月。令祀百辟卿士之有德于民者。明堂月令論。

季夏燒薤。說文艸部。

腐草爲蠋。說文虫部。今月令蠋作螢。呂覽作化爲螢。妍。高誘曰。妍。馬蚊也。讀如溪徑之溪。幽州謂之秦渠。一曰螢火也。說文曰。蠋。馬蠋也。从虫。目益聲。勺象形。餘詳時訓篇。

季夏月。可以封諸侯。立大官。史記三王世家索隱。今月令無此語。

孟秋。行冬令。則草木枯。後乃大水。敗其城郭。月令問答。今月令在孟夏。疑此誤也。



中秋築城郭。月令問答。今月令作可以築城郭。

七驪咸駕。月令問答。月令章句云。七當爲六。周官天子馬六種。種別有驪。故知六驪。左傳亦言六驪。

中冬。奄尹申宮令。謹門閭。月令問答。

歲將饑終。說文入部。說文曰。饑。精謹也。今月令作數將饑終。

季冬行春令。則胎夭多傷。民多蠱疾。命之曰逆。月令問答。今月令作國多固疾。

霽雨。說文雨部。今月令無此語。說文曰。霽。小雨也。从雨衆聲。

春食麥羊。夏食菽雞。秋食麻犬。冬食黍豕。月令問答。此撮其語耳。非原文也。

春牝陳弓爲前行。夏方陳戟爲前行。季夏圓陳矛爲前行。秋牡陳劍爲前行。冬伏陳楯爲前行。是爲五陳。

通典□□□卷太

平御覽三百一卷

凡禾。麥居東方。黍居南方。稻居中央。粟居西方。菽居北方。太平御覽八百三十七卷。初學記二十七卷。此以五穀配五方。禾者穀之總名。粟即稷也。

夏食鬱律、桃、李、杏、梅、秋食櫨、梨、橘、柚、冬食菱、藕。

初學記二十八卷。太平御覽九百六十七卷。九百七十三卷。九百七十五卷。鬱律。郁李也。一名鬱。又名椹。花木志曰。鬱樹高五六尺。其實大如李。

赤色。食之甘。廣雅曰。一名雀菓。

又名爵李。詩豳風曰。六月食鬱。

明堂方一百四十四尺。

元文作百一十二尺。依月令論訂。

高三尺。

元文作四尺。依孫星衍訂。

階廣六尺三寸。室居中。方百尺。室中方六十尺。

戶高八尺。廣四尺。牖高三尺。門方十六尺。東應門。南庫門。西皋門。北雉門。東方曰青陽。南方曰明堂。西方

曰總章。北方曰玄堂。中央曰太廟。亦曰太室。左曰左介。右曰右介。

太平御覽五百三十三卷。牖高以下九字見藝文類聚三十八卷。亦曰太室。句見初學記十三卷。

明堂之說。頗爲諸儒所亂。今據本書。參以攷工記。大戴盛德篇。先言其制。而後詳釋之焉。其堂中爲太室。太室之南曰明堂。太廟。東曰青陽。太廟。西曰總章。太廟。北曰玄堂。太廟。居於四正。太室之四隅各有一室。並太室爲五室。每室一面。中戶旁兩牖。凡四戶。八牖。五室。則二十戶。四十牖。東南室之南曰明堂。左介。其東曰青陽。右介。東北室之東曰青陽。左介。其北曰玄堂。右介。西北室之北曰玄堂。左介。其西曰總章。右介。西南室之西曰總章。左介。其南爲明堂。右介。亦曰介。在堂之兩旁。隔之以序。若儀禮廟寢之有東堂。西堂也。隅室直介之後。若東西堂後之有夾室也。太室之上爲重屋。其制圓。漢人謂之通天屋。其制蓋始于殷。故曰殷人重屋。重屋之下爲四注屋。其制方。當坵之上。則屋翼反向外。故曰乃位五宮。咸有四阿。反坵堂。廉深廣皆百四十四尺。蔡邕云。坤之策也。其制蓋因于夏。攷工記云。夏后氏世室。

堂脩二七廣四脩一二七爲十四丈益廣四尺而脩亦如之故漢司徒馬宮明堂議曰夏時氏益其堂之廣百四十四尺是也高三尺謂堂之基因于殷之堂崇三尺也其檐榮之高十其階之高六戴禮云堂高三丈是也南面三階東西北各二階凡九階階廣六尺三寸十其堂之一也室居中方百尺者統五室言之室中方六十尺者以太室言之五經異詁及北史李謐傳隋書宇文愷傳並引大戴明堂說云東西九仞南北七筵七尺曰仞九尺爲筵九仞七筵變文言之實皆六十三尺攷工記云凡室二筵謂四隅之室也以六十三尺之太室加兩夾室各二筵則五室之方居堂內九十九尺今云室居中方百尺室中方六十尺雖微有參差大致同也依此論則太室方六丈餘室各方二丈耳諸儒之說或以爲九室顯乖匠人之文屋圓楣徑二百一十六尺又違四阿之制堂高三丈而通天屋高八十一尺計高出于堂幾及兩倍非其制也外有二十八柱列于四方如使有疏有密不足以壯觀瞻如勻布之則中階之前遮植一柱又何義也宇文愷傳引黃圖言前漢明堂之制又引禮圖言後漢明堂之制皆九室十二堂但前漢室有四戶八牖後漢則每室二戶爲異耳蔡邕明堂月令論雖云依周書立說其實半雜前漢之制大戴禮亦然學者宜分別觀之至攷工記言東西九筵南北七筵孔廣森曰九筵似記者之誤愚謂記又云堂崇一筵亦誤也

明堂者所以明天氣統萬物明堂上通于天象日辰故下十二宮象日辰也水環四周言王者動作法天

地廣德及四海方此水也名曰辟雍蔡邕明堂月令論邕以爲月令記文今附于此以亦論明堂之制也毛詩靈臺正義引盧植禮記註穎容春秋釋例及賈逵服虔左傳注並以祖廟明堂靈臺辟雍太學爲一地

文選東京賦注引黃圖曰大司徒宮奏曰明堂辟雍其實一也又藝文類聚引黃圖曰明堂者明天道之堂也所以順四時行月令宗祀先王祭五帝故謂之明堂辟雍圖如雙雍以水異名同事其實一也隋書牛宏傳引明堂陰陽錄云明堂之制周闡行水左旋以象天內有分室以象紫宮此明堂有水之明文也

篤仁而好學。多聞而道慎。天子疑則問。應而不窮者謂之道。道者導天子以道者也。常立于前。是周公也。誠立而敢斷。輔善而相義者謂之充。充者充天子之志者也。常立于左。是大公也。絜廉而切直。匡過而諫。邪者謂之彌。彌者拂天子之過者也。常立于右。是召公也。博聞強記。接給而善對者謂之承。承者承天子

之遺忘者也。常立于後。是史佚也。

大戴禮保傅篇。接、捷、給、備也。史佚。周太史尹逸也。

西域獻火浣布。昆吾氏獻切玉刀。

張華博物志二卷。此蓋王會等逸文。志云。火浣布。汚燒之則潔。刀切玉如蠟。布漢時有獻者。刀則未聞。

年不登。甲不纓。滕宮室不容。

初學記二十二卷。太平御覽三百五十五卷。初學記又引孔晁曰。繩纒甲不以組。愚謂此前大匡篇逸文也。容。飾也。謂黜聖也。

年飢。上用輿曲。轉不漆。矛戟縷纏。羽旄不擇鳥。

太平御覽三百五十二卷。

將欲敗之。必姑輔之。將欲取之。必姑與之。

戰國策魏策。王應麟疑此。爲蘇秦所謂周書陰符之類。

欲起無先。

史記楚世家。此即不爲物先之意。

成功之下不可久處。史記蔡澤傳。

必參而伍之。史記蒙恬傳。索隱曰：參謂三卿，伍即五人。夫欲參伍更議，愚謂兼聽參觀之意。

農不出則乏其食，工不出則乏其事，商不出則三寶絕，虞不出則財匱少，財匱少而山澤不辟矣。史記貨殖傳。江聲

曰：三寶，金也，木也，玉石也。絕，謂不流通也。

先其祿命。漢書律厯志。祿，算同。師古曰：言王者統業，先立算數以命百事也。

知天文者冠鷩冠。漢書五行志注。說文云：鷩，知天將雨鳥也。禮記云：知天文者冠鷩。後漢輿服志注引記曰：知天者冠鷩。知地者履絢。說苑云：知天道者冠鉞。知地者履躡。述鉞皆鷩之假借。鷩即鷩也。或云記或云禮記，總之出于周書耳。師古

曰：鷩，大鳥，即戰國策所云啄蚌者也。匡謬正俗云：天將雨，鷩則鳴。古人以其知天時，乃為冠象。此鳥之形，使掌天文者冠之。然則鷩冠象鷩之形，非聚其羽以飾冠。與左傳子臧好聚鷩冠異。

以左道事君者誅。漢書王商傳。康成王制注云：左道，若巫蠱及俗禁。正義云：俗禁，若漢張竦行辟反支。後漢書郭躬傳有陳伯子者，出辟往亡，入辟歸息，是也。

記人之功忘人之過，宜為君者也。漢書陳湯傳。

國無三年之食者。國非其國也。家無三年之食者。子非其子也。墨子七患篇。此與文傳篇語意相似而文不同故並錄之。

往者不可及。來者不可待。賢明其世。謂之天子。呂氏春秋聽言篇。

若臨深淵。若履薄冰。呂氏春秋慎大覽。高誘注云。周書周公所作。

民善之則畜也。不善則讐也。呂氏春秋適威篇。高誘注云。周書周公所作。畜。好也。案此二語與丙良夫篇德則民戴。否則民讎相似。而高氏指為周公之言。其必確有所據者矣。

天子見怪則修德。諸侯見怪則修政。卿大夫見怪則修職。士庶人見怪則修身。後漢書楊震傳。

揜雉不得。更順其風。淮南覽冥訓。高誘曰。言揜雉雖不得。當更從其上風順其道理也。

上言者下用也。下言者上用也。淮南汜論訓。高誘曰。用可否相濟也。愚謂用資也。資以施行也。

下言而上用者惑也。韓非子說林。者字下疑脫一不字。

既彫既琢。還歸其樸。韓非子外儲說左上。

紳之束之。韓非子外儲說左上。紳通作申。玉藻紳長制釋文本作申。是古通假也。申重也。言申命以約束之。或讀如字亦通。

前車覆後車戒。說苑善說篇。大戴保傳篇引此以爲鄙語。

宮中之宄食。說文弟七上。宄。微也。从儿。人在屋下無田事也。段玉裁謂周書當作周禮。然周禮實無此文。安知不在周書亡篇乎。許君僭引此書。或僭周書如豕部獮下引周書。獮有豕而不敢以獮。或僭逸周書如羽部翰下引逸周書。

文翰若羣雉。未知義例安在。今據凡僭周書及逸周書而不見于尙書者錄之。

士分民之祿。說文弟一。祿。說文云。祿。明視以算之。从二。讀若算。

味辛而不燔。說文弟十。火部。燔。火見。从火。𤇀聲。呂覽本味云。味辛而不烈。烈。燔聲之轉也。段氏曰。方言注云。癆。癆皆辛。燔也。燔與燔聲相近。

來就萑萑。說文弟十。心部。萑。毒也。从心。其聲。段氏以爲萑。萑未就。予忌之。譌恐未必然。

竹箭如櫓。說文弟六。木部。說文云。櫓。木也。从木。善聲。子賤反。

鉤匠。說文弟十。立部。說文云。鉤。健也。一曰匠也。从立。句聲。讀若鉤。案方言。鉤。治也。吳越飾兒爲鉤。或謂之巧。郭璞讀若糗。廣雅。鉤。治也。又云。巧也。又案說文所僭。尙有淺淺。巧言稱奉。玠。師乃招。實玄。黃于匪。圖圖升雲。半有半無。王出浚。孳孳不怠。監執。柯諸句。

或爲尙書逸文。或爲尙書異文。未敢濫錄。

君憂臣勞。主辱臣死。文選注二十卷。

善爲士者。飛鳥歸之。蔽于天。魚鼈歸之。沸于淵。文選注四十七卷。

魚龍成。則藪澤竭。則蓮藕掘。太平御覽九百九十九卷。

邱陵之人。專而長。初學記十九卷。太平御覽三百七十七卷。專。闇也。

容容熙熙。皆爲利謀。熙熙攘攘。皆爲利往。太平御覽四十、四十九卷。容容。隨衆進退也。熙熙。盛也。攘攘。衆也。

武王不閉外門。以示無懼。去劍指笏。以示無仇。太平御覽六百九十二卷。

甘食美衣。使長貧。御覽八百四十七卷。

日本有十迭次而出。運照無窮。堯時爲妖。十日並出。故爲羿所射死。

太平御覽三卷。海外東經云。湯谷上有扶桑。十日所浴。有大木。九日居下枝。一日居上枝。莊



子云昔者十日並出草木焦枯楚辭天問云羿焉殲日淮南子云羿射十日中其九日中烏盡死古人寓言要有所本未可以理推測也

嶠山神蓐收居之是山也西望日之所入其氣圓神經光之所司也

太平御覽三卷續漢書郡國志太原郡介休河東郡汾陰並有介山然介休之山本名縣山

以子推隱此更名介山惟汾陰之山水經注稱周七十里高三十里當是也今在山西蒲州府萬泉縣東晉語云隰公夢神人面白毛虎爪執鉞召中醫占之對曰蓐收也天之刑神也神經光未聞

天狗所止地盡傾餘光燭天為流星長十數丈其疾如風其聲如雷其光如電

山海經注十六卷漢書天文志云天狗狀如犬流星有聲其下止

地類狗所墜及望之有黃色如火光炎炎中天其下圍如數頃田上銳見則千里破軍殺將郭璞曰吳楚七國反時吠過梁國者也

穆王田有黑鳥若鳩翩飛而跖於衡御者斃之以策馬佚不克止之躓於乘傷帝左股

文選注十四卷案穆王之書並無闕逸且其

文亦不類本書李善引此古文周書下又引東觀漢記朱勃上書理馬援曰飛鳥跖衡馬驚觸虎云云則亦非出于汲冢瑣語也考藝文志小說家有虞初九百四十篇應劭曰其言以周書為本然則此文及上三條出于虞初乎網羅散佚寧過而存之

中華民國二十九年七月初版

93758

☆ 國學基本叢書 逸周書集訓校釋一冊

每冊實價國幣●角

外埠酌加運費匯費

著者 朱右曾

發行人 王雲五  
長沙南正路

印刷所 商務印書館

發行所 商務印書館  
各埠

(本書校對者鮑嘉祥)

上海图书馆藏书



A541 212 0006 1662B

